

757  
1881  
98







ԵՓՐԵՄ

ԽՈՒՐԻ

48.

ԱՅՏՈՒՄ

ԳՐԱԿԱՆ

24

5-98

Գ Ի Բ Բ

*Handwritten signature*

# ԱՂՕԹԻՑ

ԱՍԱՑԵԱԿ ՍՐԲՈՅՆ  
ԵՓՐԵՍԻ ԽՈՒՐԻՆ

ԱՍՈՐԻՈՅ



ՏԻՊ ԵՐԿՐՈՐԴ



ՅԵՐՈՒՍԱԴԷՍ

Ի ՏՊԱՐԱՆԻ Ս. ՅԱԿՈՎԲԵԱՆՑ

1857

*Handwritten in purple:*  
1008  
35935

30936-42



Յուսով խընդա ցէք,  
 նեղութեան համբերեցէք.  
 աղօթից ստէս կա ցէք:  
 Հով. ՁԲ. 12:



285-42

85-4041





ըստ համայն նորա՝ լսէ Տեղոյ, Ա. Յովհ. Ե. 14. Ելիկ էյեհն Տեր էղնի որպէս  
արբոյն՝ զի հաճոյ՝ և փառսն Աստուծոյ  
հասարեային յաղօթս, համ զոր խնդրէ՝  
էյե յօգոսփ փրկութեան Տերոյ և այ-  
լոյ. ուր՝ և վասն այլոյ յաղօթելն,  
զնոցա աղօթան ևս անյին շահէ՝ :

Այսմ զէփակն ուշ ունելով աս-  
տուծիմայ Հարսն սորբի, յօրինեցին  
և նոյս ըստ սորբի գրոյն լուսաւոր  
սանդից՝ Մասեանս խրատականս և  
աղօթականս : Մի է յայնոցիկ և ասու-  
ջիկայս Մասեանիկ աղօթից արբոյն աբ-  
բայ Եղիբի խորին իմ վերծանողի  
Ասորոյ՝ աշակերտի արբոյն Յակոբայ  
Մծբնացոյ ՚ի Դ Դարոս. զոր երկրորդ  
պայագրութեամբս աստի յերոսաղէմէ՝  
պամս և Տէր և որ էնչ այլ էին նորա  
աղօթի ՚ի գրչագիրս, հանդերձ յաւել-  
ածովս օրական աղօթից Եօթնեկին ՚ի  
վերջէ :



## ՄՐԲՈՅՆ ԱԹԱՆԱՄԻ

ԵՒ

ՄՐԲՈՅՆ ԱԲԲԱՅ ԵՓՐԵՄԻ ԱՍԱՅԵԱԼ

ԽՈՍՏՈՎԱՆՈՒԹԻՒՆ



**Ե**րբ որդ' հրաժարելով 'ի սաւ  
տանայէ և յամենայն խաբէու-  
լթենէ նորա, 'ի պատրանաց նո-  
րա, 'ի գնացից նորա՝ և 'ի պաշ-  
տօնէից նորա՝ և 'ի հրեշտակաց  
նորա. եկեալ առաջի սուրբ ե-  
կեղեցւոյ՝ խոստովանիմ և հա-  
ւատամ զՀայր անսկիզբն, զՈր-  
դին միածին ծնունդ 'ի հօրէ,

և զսուրբ Հոգին բղխումն 'ի  
 հօրէ . երեք անձամբ և մի բը-  
 նութեամբ և մի աստուածու-  
 թեամբ , անշփոթ միաւորու-  
 թեամբ . և զանձառ տնօրէ-  
 նութիւն մարդացելոյ բանին  
 աստուծոյ :

Եւ արդ՝ ես դերիս և արտաս-  
 լելիս , և որքան բան զօրէ՝ դըս-  
 րովելիս , մեղայ ամենասուրբ  
 Երրորդութեանն հօր և որդւոյ  
 և հոգւոյն սրբոյ :

Մեղայ և սրբուհւոյ աստուա-  
 ծածնին և սրբոց հրեշտակաց  
 և ամենայն ընտրելոց սրբոց  
 դասուց :

Մեղայ և սուրբ մարմնոյն քրիս-  
 տոսի և սլաշտելի արեանն , յի-  
 մանալիան և 'ի զգալիսս՝ անդէս  
 մտածութեամբ , աներևոյթ սը-

խալանօք, անճառ խաւարային  
այլանդակ խորհրդով:

Մեղայ մեղայ հողւովս և մարմնովս, և մտօքս և բանիւ և գործով, և գիտու թեամբ և անգիտու թեամբ, կամաւ և ակամայ. և ամենայն մարմնովս՝ երեք հարիւր վաթսուն և հինգ զօղուածովքս, երկոտասան անգամօքս, հինգ զգայու թեամբս. Աչօքս յարատ հայելով, և զամենայն գեղեցկու թիւն նկարացն զննելով, և զվատթարսն տեսանելով. Ականջօքս՝ չարին ունկնդնելով և ամենայն քաղցրաձայնու թէ. Հոտոտելեօքս՝ զմեղաց հոտն առնելով և զամենայն անուշահոտու թիւնս. Բերանովս՝ զհամադամ քաղցրու թիւնսն ճաշակելով, և ըզ-

խառնակ և զանսուրբսն՝ անգի-  
տու թեամբ . Ձեռօքս՝ բազում  
մեղս շօշափելով . Ոտիւքս՝ յան-  
պատշաճ տեղիս գնալով :

Մեղայ՝ աստուծոյ՝ մեղայ և վեց  
չարժմամբս՝ ՚ի վեր հպարտու-  
թեամբ , ՚ի վայր տրտմութի .  
յառաջ յանդգնութեամբ , յե-  
տուստ սրտմտութեամբ , յաջ՝  
հոգեկան մեղօք , ՚ի ձախ՝ մար-  
մնական մեղօք :

Մեղայ՝ և տասն պատգամայն  
աստուծոյ՝ յանձնառականին և  
հրաժարականին . զյանձնառա-  
կանն չեմ կատարեալ , և զհրա-  
ժարականն եմ արարեալ :

Մեղուցեալ եմ աստուծոյ և  
հոգևորական կրիւքս , հասարակ  
զգայութեամբս և մտօքս . և ա-  
մենայն շփոթմանց հետեւելով ,

և ամբողջելով զիս՝ ՚ի յաստու ա-  
 ծահածոյ հանգարտու թե՛նէ՛ն  
 հեռացեալ եմ :

Եւ այսպէս խաւարամած լինե-  
 լով՝ եօթն մահու չափ մեղօք  
 մոլորեալ եմ. հպարտու թեամբ,  
 ամբարտաւանու թեամբ, ամ-  
 բարհաւածու թեամբ, գոռո-  
 ղու թեամբ, սնափառու թք,  
 փառասիրու թեամբ, պատուա-  
 սիրու թեամբ, զգեստասիրու  
 թեամբ, պճ՛նելով, անձնահա-  
 ճելով, կեղծաւորելով, սուտ  
 առաքինի ձեանալով, զաղօթս  
 ՚ի ցոյցս մարդկան առնելով,  
 անարժանու թեամբ. յեկեղեցի  
 մտանելով, ՚ի խաչ և ՚ի բուր-  
 վառ և յաւետարան մերձե՛նա-  
 լով և կարդալով :

Մեղայ՛ աստուծոյ և թիւ բ խոս-

ատուանելով, և զմեզս սրատճա-  
 ռելով, խեթիւ և ատելութիւն  
 և անմարութեամբ և անսուրբ  
 հոգւով զբրիստոս սրատարա-  
 գելով, զաստուած հայր հայ-  
 հոյելով, զորդին աստուծոյ ար-  
 համարելով, և զսուրբ հոգին  
 թշնամանելով, և զանբարկա-  
 նային աստուած ՚ի բարկութի  
 շարժելով ՚ի վերայ աշխարհի  
 և մարդկան :

Ահ, որ յերևելիս աստուածա-  
 սրաչտ և աղօթող և սահեցող,  
 և ՚ի ծածուկ թերահաւատ և  
 ծոյլ և յամենայն բարեաց ու-  
 նայն . յերևելիս կուսան, և ՚ի  
 ծածուկ վավաչոտ . յերևելիս  
 ժիր, և ՚ի ծածուկ թոյլ . յերե-  
 ւելիս սք, և ՚ի ծածուկ սիղծ .  
 յերևելիս սրարկեչտ, և ՚ի ծա-



ծուկ ագահ . յերևելիս ողոր-  
 մած , և 'ի ծածուկ անողորմ .  
 յերևելիս աղքատասէր , և 'ի  
 ծածուկ աղքատատեսց . յե-  
 րևելիս առաքինի , և 'ի ծածուկ  
 պղերգ . յերևելիս գովելի , և  
 'ի ծածուկ պարսաւելի :

Արդ՝ զո՞րս ասացից և կամ զո՞րս  
 թուեցից , երբ ոչ եզր կայ և  
 ոչ թիւ : Մեղուցեալ եմ կար-  
 գիս՝ զանձնս ընդ արդարս հա-  
 մարելով և զայլս քամահելով ,  
 զտօնս սրբոց ոչ մեծարելով :  
 Եւ հայհոյու թի՞ մեղուցեալ եմ  
 աստուծոյ՝ զանուն միայն ու-  
 նիմ քահանայի և ոչ զգործն ,  
 զօրինակն ունիմ և ոչ զճշմար-  
 տու թիւնն . քանզի ամենայն  
 անպատրաստու թեամբ և ան-  
 կարգու թի՞ կալով՝ զմահուն օրն

և զանաչառ դատաստանն աս-  
 տուծոյ և զդժոխոց անն և զար-  
 քայու թեան սէրն մուացայ՝  
 կամապաշտելով, հակառակե-  
 լով, անհնազանդ լինելով, ՚ի  
 հեզու թենէ և ՚ի խոնարհու-  
 թենէ փախչելով, զծերսն չը-  
 սպատուելով, զծնողսն չսիրե-  
 լով, ստահակութեամբ շրջե-  
 լով՝ մեղուցեալ եմ:

Մեղայ՝ աստուծոյ և բարկացո-  
 ղութեամբ, ցասմամբ, սրամը-  
 տութեամբ, գաղանաբար յար-  
 ձակելով, և զեղբարս խաճա-  
 նելով, կագ և կռիւ առնելով,  
 և յիշոցք տալով, ՚ի չար կար-  
 ծիս դատելով, խռով կալով,  
 սուտ հաշտութիւն առնելով,  
 և զհոգիս իմ կորուսանելով,  
 և բարս գաղանի ունելով,

և զանբան անասունս անխնայ  
հարկանելով, ՚ի մարդկան սի-  
րոյն որոշելով, սլառակտու մն  
առնելով, բանտարկելով, խար-  
դախելով, խորամանկելով, երկ-  
մտելով, թերահաւատելով,  
բազում տրտունջ և նզովք հա-  
նելով, զուր և անիրաւ զրպար-  
տելով, քրթմնջելով, շոգ մո-  
գելով :

Սեղայ՝ մեղայ՝ մեղայ և նա-  
խանձ ունելով, մախալով, դի-  
մագարձելով, ռխակալու թք,  
ատելու թեամբ, քինահաճու-  
թեամբ, չարու թեամբ, նեն-  
գելով, քամահելով, զչարելով,  
սուտ վկայելով, բամբասելով,  
արհամարհելով և զառաջնոր-  
դրս եկեղեցւոյ և զվարդապե-  
տրս՝ և զճերս և զտղայս, և

զայլոց իրաւն սուտ առնելով  
 և զիմ սուտն իրաւ, զայլոց փոքր  
 մեղքն մեծ համարելով և զիմ  
 բազումս ծածկելով, զայլոց  
 շիւղն գերան կարծելով և զիմ  
 գերանն շիւղ, զայլոց բարին  
 չար ասելով և զիմ չարն բա-  
 րի, զայլոց լոյսն խաւար տե-  
 սանելով և զիմ խաւարն լոյս,  
 զայլոց առաքինութիւնն մար-  
 դահաճութիւն դատելով և  
 զիմ մարդահաճութիւն առա-  
 քինութիւն, և յանդուգն լի-  
 նելով 'ի մէջ բանից անկանե-  
 լով, լրբելով, 'ի խրատուց ե-  
 րես դարձուցանելով, և առա-  
 ջի ծերոց լռութեամբ ոչ կա-  
 լով, և հրամանաց և բանից  
 նոցա ոչ լսելով: Ուխտ դնելով  
 և ոչ կատարելով, և անյուսու-

Թեամբ 'ի խորս տրտմու թեան  
անկանելով, զսլատու իրանս աս-  
տուծոյ արհամարհելով, սուրբ  
գրոց ունկն չգնելով, 'ի սուրբ  
հրեշտակէն իմմէ չակնածելով,  
և 'ի բարեաց թափուր լինելով,  
ընդ չարսն խնդալով, զբարե-  
կամսն ատելով, զթշնամիսն չը-  
սիրելով, զատելիսն աստուծոյ  
չատելով:

Մ, թէ զորքանու թիւնն որպէս  
կարացից յայտ բերել՝ որ բա-  
զում են քան զաւագ ծովու .  
քանզի մեղուցեալ եմ աստու-  
ծոյ ագահու թեամբ և արծա-  
թասիրու թեամբ, խաբելով,  
աւելի առնելով և սլակաս տա-  
լով, վաճառասիրելով, կծծե-  
լով, գաղտ գողանալով, յայտ-  
նի յափշտակելով և զրկելով.

աւելի ստանալով, աղքատին  
 չողորմելով, առ օտարսն չգը-  
 թալով, զեղբարս չսիրելով, ըզ-  
 կարօտեալսն չդարմանելով, ըզ-  
 հիւանդն չտեսանելով, աւարին  
 չսպասաւորելով, զաղքատս ար-  
 համարհելով, զհարուստն գո-  
 վելով, յաջողելոցն ծառայելով,  
 ունևորացն սուտ հաճութիւն  
 առնելով, աչառելով, և մար-  
 դահաճոյ լինելով, սուտ երզ-  
 ւելով, և զաստուած 'ի բար-  
 կութիւն շարժելով:

Մեղայ մեղայ՝ և քան զհող երկ-  
 րի ծանրագոյն մեղայ. քանզի  
 մեղայ աստուծոյ որկրամուլու-  
 թեամբ՝ 'ի կերակուրս և յըմ-  
 պելիս ցանկանալով, աւելի առ-  
 նելով և անյագ ուտելով, զորու-  
 վայնս խճողելով, առանց ժամի

և ժամարձակի ճաշակելով, ըզ-  
պահսն արհամարհելով, առանց  
մեծի հիւանդու թեան զգինին  
սիրելով, զմարմնոյս դարմանն  
հոգալով, զորովայնս սլաշտելով,  
և խաչին քրիստոսի թշնամի  
անուանելով<sup>1</sup> :

Սեղուցեալ եմ իմ սուրբ կար-  
գիս՝ ծուլութեամբ և հեղգու-  
թեամբ, անժուժկալ լինելով,  
տգիտանալով, զուսումն ատե-  
լով, դատարկ կենալով, զսուրբ  
գիրս ոչ կարգալով, քնով դան-  
դաղելով, և ՚ի ժամատեղն ծան-  
րանալով, արթուն ոչ կալով,  
և սլատմու թեան սրբոց միտ ոչ  
դնելով, բաղմախօսութի առ-  
նելով, սաղմասի ականջ ոչ դը-

---

1 Յոմնս, Եւ լուսաւորչին կանանայ  
սեւրեւ լինելով :

նելով, և կամ ձեռագործով  
 յասպաղելով, յօրանջելով, ձրգ-  
 անելով, ձանձրանալով, յաս-  
 տուծոյ ոչ երկնչելով, 'ի հրա-  
 պարակա նստելով՝ շատախօս լի-  
 նելով, 'ի թատերս և 'ի ծաղրս  
 լկանաց հեշտանալով, և ծաղր  
 անելով:

Սեղայ աստուծոյ մեղայ՝ մեղայ  
 և սրունկական խորհրդով, գի-  
 ճու թեամբ, աղտեղու թեամբ,  
 բղջախոհու թեամբ, վավաշոտ  
 ցանկու թեամբ, զանազան և  
 զազիր խորհրդով, 'ի գիշերի և  
 'ի տունջեան պէսպէս կերպա-  
 րանօք՝ քնով և արթնու թք,  
 և արատ հայելով, կատակեր-  
 գելով, անամօթ լինելով, լըր-  
 բելով, ցոփ խօսելով, և տրու-  
 փական մարմնաշարժու թեամբ



զմիտս աղտեղելով՝ առ իգակա-  
 նքս և առ արուականս, առ ա-  
 նասնականն ապականեալ խոր-  
 հըրդով մեղանչելով, և առ ա-  
 մենայն մոլորական պատրանս  
 երազական փորձու թեանց քը-  
 նոյ և արթնու թեան՝ որ ՚ի ժա-  
 մու և տարաժամու անկեալ է  
 ՚ի վերայ տառասկեալ հոգւոյս,  
 զոր չարին յօժարու թեամբ մե-  
 ղուցեալ եմ աստուծոյ:

Եւ արդ՝ ահա յայտնեալ հրա-  
 պարակեցի զորպիսու թիւն մե-  
 ղաց իմոց առաջի տեառն, և  
 ապաշաւեալ զղջացեալ եմ յա-  
 մենայնէ, և եկեալ ՚ի խնդիր  
 թողու թեան սխալանաց իմոց:  
 Եւ դու հայր մեր և սուրբ տէր՝  
 հայցեա՛ զգթու թիւնն աստու-  
 ծոյ, և շնորհեա՛ քաւու թիւն

ինձ յաստուծոյ՝ հրամանաւն  
 զոր ունիս ՚ի քրիստոսէ աստու-  
 ծոյ . որում փառք՝ գոհու թիւն  
 և սլասիւ , այժմ և միշտ և յա-  
 ւելիտեանս յաւելիտենից . ամէն :

---

Աղօթք արձակման՝ արարեալ մեծի բա-  
 բունապետին Գրիգորի :

Աղօրմեսցի քեզ մարդասէրն  
 աստուած , և թողութիւն շը-  
 նորհեցէ ամենայն յանցանաց  
 քոյ՝ խոստովանեցելոցն և մո-  
 ռացելոցն . և ես կարգաւս քա-  
 հանայական իշխանութեան՝ և  
 հրամանաւն անձային թէ զոր  
 արձակիցէք յերկրի՝ եղիցի ար-  
 ձակեալ յերկինս , նովին բա-  
 նիւն արձակեմ զքեզ յամե-  
 նայն մասնակցութենէ մեղաց

քոց 'ի խորհրդոց 'ի բանից և  
 'ի գործոց՝ յանուն հօր և որ-  
 դւոյ և հոգւոյն սրբոյ : Եւ  
 գարձեալ տամ զքեզ 'ի խոր-  
 հուրդս սուրբ եկեղեցւոյ, զի  
 զոր ինչ գործիցես բարիս՝ եղի-  
 ցի քեզ 'ի բարեգործութիւն  
 և 'ի փառս հանդերձեալ կե-  
 նացն . ամէն :



## Աղօթք

Գարձելոցն 'ի զղձումն աստաշխարութեան :

Անսկիզբն աստուած և ան-  
 հասանելի, բաց զաչս սրտի ի-  
 մոյ բանիւ գիտութեան քո՝ բա-  
 լական լինիլ գոհանալ զանուա-  
 նէ քումմէ, գովել և փառա-  
 շորել զքեզ և արժանասպէս  
 գնալ 'ի ճանասպարհս քո :

14107-58  
 1608  
 35935

Դատաւոր արդար՝ երկայնա-  
 մտեա առ իս բազմամեղս քոյով  
 մարդասիրու թեամբդ , զի եղ-  
 կելի եմ մեղօք՝ զեղխեալ անօ-  
 րէնու թեամբ , և զազիր գիշու-  
 թեամբ զմարմինս իմ ապակա-  
 նեցի : Որ էիր յառաջ էակա-  
 նու թեամբ անտուած ընդ հօր՝  
 ընդ մեղ հաճեցար բնակիլ ընդ  
 հողեղինացս , և ընդ մարդկան  
 շրջեցար ընդ մեղաւորացս . թող  
 տէր զմեղս իմ և թե թեացո ըզ-  
 ծանրաբեռնեալս՝ ժտելով հայ-  
 ցեմ 'ի քէն , զի ժամանակ է ա-  
 պաշխարու թեան :

Ի քէն հայցեմ բազում ողորմ  
 տէր՝ աղբիւր կենաց՝ լուսաւո-  
 րեա զաչս սրտի իմոյ լուսով  
 գիտու թեան քո , յոյս աշխար-  
 հի քրիստոս , ծագու մն անձա-

ռելուոյ լուսոյ, կեանք՝ որոց սի-  
 րեն զքեզ, կերակուր անսպա-  
 ռելի, կենդանութիւն յաւի-  
 տենից :

Հրով հոգւոյդ սրբոյ հալեա  
 զպաղու մն ձմեռնայեալ սրտի  
 իմոյ, որ ձուլեալ է եղկելի  
 գործովք անօրէնութե : Ուղ-  
 ղեա քո աստուածային զօրու-  
 թեամբդ զանուղղայ խորհուր-  
 դքս իմ չար ուղեկանին աստի  
 կենացս :

Արագ ճշմարտութեան և ճա-  
 ռագայթատու՝ մերկեա յինէն  
 զխաւար մթացեալ մեղացս :  
 Զեղկելիս մեղօք յիշեա քո աս-  
 տուածութեամբդ յահագին  
 աւուրն յայնմիկ ահեղ մեծի  
 դատաստանին :

Ալէկոծելոց նաւահանգիստ, և

լիու թիւն ունայնացելոցս յար-  
 դարու թե՛նէ և ունողիս զանօ-  
 բէնու թիւն չար դործովք . 'ի  
 չարիս չարչարեալ է անձն իմ,  
 զինչ արարից մեղուցեալ ան-  
 ձամբս . սկէսսկէս ախտիւք սլող-  
 ծեցայ յանառակու թեան . զըր-  
 կեցայ 'ի հայրենական լուսոյն .  
 ջնջեցի զձեռագիր որդէ դրու-  
 թեան կենաց . ջեռուցի զհուր  
 յաւիտենական :

Սուրբ սրտիւ կարդամ առ քեզ  
 ամենասուրբդ աստուած . վը-  
 տանգելոյս օգնական , վիրաւո-  
 բելոյս բժիշկ , տեղի տարակու-  
 սելոյս , կորուսելոյս խնդրող ,  
 մոլորելոյս և գերելոյս դարձու-  
 ցիչ , ապաւէն ամենեցուն որք  
 կարդան առ քեզ : Տուր տառա-  
 պելոյս և տարակուսելոյս գե-

ընչոյս 'ի սատանայէ՝ զմեծ քո  
զողորմութիւն :

Ահա հասեալ եմ 'ի դուռն մա-  
հու չարաչար գործովք իմովք,  
զաչս իմ 'ի վեր համբառնամ  
առ բարձրեալ տէրդ և բարե-  
րար . հայցեմ 'ի քէն՝ բաց ըզ-  
դուռն ողորմութեան մեղու-  
ցեալ հոգւոյ իմոյ , որպէս բա-  
ցեր աւազակին զդուռն դրախ-  
տին քո . և մի ամօթալից դար-  
ձուցաներ զիս 'ի քո առատ ո-  
ղորմութենէ , զի գին եմ սուրբ  
արեան քո . յիշեա զիս և ողոր-  
մեա ինձ աստուած :

Ար անեղ և անսկիզբն ես , ան-  
ստեղծ և արարիչ ամենայն ա-  
րարածոց . որ ոչ աշխարհս տա-  
նել զքեզ կարէ , և ոչ երկինք  
բովանդակել կարեն . 'ի վեր ես

քան զերկինս և անբաւ քան  
 զծագոս, երևելիք և աներևոյթք  
 բովանդակեալ են առաջի քո :  
 Դու տիրես ամենեցուն և հը-  
 բամանաւ քո կառավարին ամ-  
 անայն արարածք : Դու աղքա-  
 տացուցանես, և դու մեծա-  
 ցուցանես, դու սպանանես  
 հարկանես և բժշկես : Դու ես  
 աստուած իմ և փրկիչ վտան-  
 գելոյս ՚ի սատանայէ, առողջա-  
 ցուցիչ հիւանդիս մեղօք, ըն-  
 դունող աղօթից և կատարիչ  
 խնդրուածաց, նայեա տէր ՚ի  
 սլաղատանս իմ, և ընկալ զիս  
 մարդասիրութեամբ քով :  
 Մի բարկութեամբ քով խրա-  
 տեր զիս, և մի սրտմտութեամբ  
 քով յանդիմաներ զիս, զի դու  
 ես տէր և արարիչ, հայր և



ստեղծիչ . և ես առ ոմլ երթիւ  
 ցեմ , զի օգնու թի իմ 'ի քէն է :  
 Հայեաց 'ի պաղատանս իմ , և  
 ընկալ զիս մարդասիրու թեամբ  
 քո . զի քեզ մեղայ , և զքեզ ա  
 ղաչեմ , և զքեզ խոստովանիմ :  
 Սեղայ յերկինս և առ աջի քո .  
 մի ընդ դատեալսն տանջեր զիս ,  
 և մի ընդ դատապարտեալսն  
 պատուհասեր . այլ ընդ կամա  
 րարս կամաց քոց ընկալցիս , և  
 ընդ պահողս պատուիրանաց  
 քոց պահեա զիս . զի թէ ա  
 ռանց ներելոյ զբազում յան  
 ցանս իմ քննես , ապա ընդու  
 նայն է ինձ խոստումն յարու  
 թեան , և հուր դեհենին է ինձ  
 ժառանգութիւն . և եթէ ըզ  
 դատարկաբանութիւնս իմ և  
 զանդէս զայլ անօրէնութիւնս

իմ խնդրեցես յինէն , ապա  
 երանեմ չեղելոցն յորովայնէ :  
 Հայեա տէր 'ի սլաղատանս  
 իմ և ընկալ զիս մարդասիրու  
 թեամբդ քով :

Ողորմեա ինձ որպէս քանանա  
 ցւոյն , որպէս պոռնկին , որպէս  
 մաքսաւորին . և գթա յիս որ  
 պէս յանառակ որդին . և որ  
 պէս աւաղակին՝ շնորհեա բա  
 ղում յանցանաց իմոց զթողու  
 թիւն : Ընկալ զիս որպէս ըզ  
 հայհոյիչսն և զհալածիչսն , փա  
 րատեցո զխաւար մեղաց յա  
 չաց իմոց :

Բաց զաչս իմ զլցեալս երկրայ  
 ին ցանկու թեամբ՝ երկնային  
 լուսովդ . և բժշկեա զվիրաւո  
 րեալ լեզուս իմ 'ի բամբասա  
 նաց : Սրբեա զսիրտ իմ 'ի չար

և 'ի սլիղծ խորհրդոց , վասն զի  
քեզ ցանկամ տեառնդ իմոյ  
բարերարի և բազմագուլթ իմոյ  
արարչիդ :

Մի յաւիտենական ամօթովն  
ամաչեցուցաներ զիս , և մի  
ահեղ դատաստանաւն դողա-  
ցուցաներ . մի տիեզերական  
հրասպարակաւն զիս յանդիմա-  
ներ , և մի աններելի տանջա-  
նացն մատներ :

Մի սոսկալի հրովն սլատուհա-  
սեր . այլ փրկեա զիս 'ի հրա-  
ցեալ հնոցէն , 'ի հրահոսեալ  
գետոցն և յորդանցն չարա-  
թուենից , 'ի հանասլազորդ նե-  
ղուլթենէն և 'ի կրճտել ատա-  
մանցն : Եւ բնակեցո զիս ընդ  
կամարարս կամաց քոց՝ յա-  
նանցական կեանսն : Զի ընդ

նոսին արժանի եղէց գոհա-  
 նալով փառաւորել զհայր և  
 զորդի և զսուրբ հոգիդ .  
 ամէն :









ԱՂՕԹՔ ԶՕՐԱՒՈՐ  
ՍՐԻՈՅ ՀՕՐՆ ԵՓՐԵՄԻ  
ԽՈՒՐԻՆ ԱՍՈՐԻՈՅ  
ԱՍԱՑԵԱԼ



1. **ՏԵՍ** տէր՝ զտառապանս  
իմ և զցաւս հոգւոյ իմոյ բազմամեղիս . դարձ՝ ներեա և ՚ի  
քեզ առաջնորդեա . որ սոսա-  
ցեր՝ դարձարուք առ իս , և ես  
դառնամ առ ձեզ :  
Ինձ լքելոյս ողորմեա . ինձ եղ-  
կելոյս օգնեա . ինձ խաւարե-

լոյս ճառագայթեա, ինձ մոլորե-  
րեւոյս առաջնորդեա, որ լի եմ  
մեղօք և անբաւ յանցանօք. և  
'ի յորձանս անօրէնութե տա-  
րաբերեալ ծփիմ, և առ քեզ  
ապաւինիմ. որպէս Պետրոսին  
ձեռնարկեա ինձ :

Գոչեմ որպէս զմաքսաւորն ար-  
դարանալ. շնորհեա զյանցանս  
իմ որպէս զաւազակին. բաց  
ինձ զդուռն կենաց ճանապար-  
հին, և մոյծ զիս յարքունական  
առագաստին :

2. Այլ խորք մեծութեան և  
իմաստութեան՝ փրկեա զըմ-  
բռնեալս՝ որ 'ի խորս մեղաց  
ծովուն անկեալ եմ. զերծո և  
զօրացո զիս առնել զկամս քո,  
սգալ և լալ անդադար 'ի տուէ  
և 'ի գիշերի զամենայն անօրէ-



Թիւն և զհեղգուԹիւնս իմ :

3. Աղբիւրդ կենդանուԹեան  
 և անմահուԹեան՝ արբո զծա-  
 րաւեալ հոգի իմ յառատա-  
 բուղիս վտակէ քումմէ, որ սլաս-  
 քեալ տոչորիմ 'ի բազում անօ-  
 ղէնուԹեանց իմոց . խԹեա 'ի  
 քարացեալ սիրտ իմ , և հան  
 ինձ արտասուս ասլաշխարու-  
 Թեան :

4. Իանձդ ամենայն բարու-  
 Թեանց՝ շնորհեա ինձ դանկի  
 միոյ չափ 'ի քո բազում առատ  
 բարեացդ , որ չարաչարս եմ  
 աղքատացեալ և քաղցեալ . ըզ-  
 գեցո և կերակրեա զիս ար-  
 տասուօք ասլաշխարուԹեան :

5. Այս ճշմարիտ քրիստոս  
 որ լուսաւորես զամ մարդ , լու-  
 սաւորես զխաւարեալս մեզօք .

բաց զաչս սրտի իմոց, և հաստատեա յերկիւղ և ՚ի սէր պատուիրանաց քոց :

6. Սի դատեր և մի դատապարտեր զիս տէր՝ ըստ անբաւ զազիր գործոց իմոց, և մի կացուսցես զիս ընդ այլն՝ որք զայրացուցին զքեզ. այլ ընդ փառաւորեալն փառաւորեա, և ընդ պսակելոցն պսակեա, և ընդ բերկրելոցն ուրախացո :

7. Հատ է ինձ տէր, բայց յուսամ յողորմութիւնս քո, զի և շունք կերակրին ՚ի փշրանաց անկելոց ՚ի սեղանոյ տեառն իւրեանց. շուն կոչեա զիս տէր՝ զի գայցեմ զկնի քո :

Հովիւ բարի՝ խնդրեա զիս ըզմոլորեալս. նաւապետ բարի յիսուս՝ փրկեա զիս ՚ի բազմաւ-

Թե՛նէ ալեաց ծովու մեղաց ի-  
 մոց, և տուր ինձ նաւահան-  
 գիսա խաղաղութեան:

8. Տուր ինձ տէր՝ սուգ և  
 արտասուս, կարողացո զմարմի-  
 նըս իմ. կակղացո զքարացեալ  
 սիրտ իմ, և ժողովեա զմիտս  
 իմ՝ ի քեզ: Չնջեա զբազմու-  
 թիւն յանցանաց իմոց, և չը-  
 նորհեա ինձ զօգուտն իմ. ըն-  
 կալ և մի՛ անտես առներ զհա-  
 ռաչանս սրտի իմոյ:

9. Տուր ինձ իմաստու թիւն,  
 և տնկեա տէր՝ զահ և զերկիւղ  
 քո՝ ի սրտի իմում, լուսաւո-  
 րեա զխորհուրդս իմ. կարողա-  
 ցո զմարմինս իմ՝ ժուժկալու-  
 թեամբ կալ ի սպառուիրանի  
 քում յամենայն ժամ:

10. Բաց տէր՝ զաչս սրտի ի-

մոյ, և լուսաւորեա հոգւովդ  
սրբով. սլարգւեա ինձ առողջ  
խորհուրդս և առաքինի վարս՝  
ողբալ հանասպազ, ահիւ և դու  
դու թեամբ կալ առաջի քո յա  
մենայն ժամ անզբաղ:

11. Միլ բարերար և մարդա  
սէր տէր՝ առանց չարչարանաց  
և ժուժկալութեանց զիս՝ րդ  
ազատեցայց ՚ի բազմութենէ  
մեղաց իմոց. զի մարմնովս ալ  
կար եմ, և հոգւով խաւար.  
ողորմեա տէր՝ և որպէս կամիս  
օգնեա ինձ:

12. Անոխակալ տէր՝ մի վասն  
բազում չարեաց իմոց անտես  
առներ զիս. այլ դարձիր յիս,  
և դարձո զամենայն ցանկու  
թիւնս իմ ՚ի քեզ, սիրել ըզ  
քեզ միայն ՚ի բոլոր սրտէ իմմէ:

Ի նուազ և յանպաճոյճ կերակ-  
րոց ամբողջ պահեա զմարմին  
իմ :

13. Պատկերացո տէր՝ զան-  
հրաժեշտ գալուստ քո առաջի  
աչաց իմոց . և դողացո զմարմին  
իմ սգալ և լալ անդադար յեր-  
կիւղէ ասեղ դատաստանաց  
քոց . և մի փակեր զգուժ ա-  
րարչական սիրոյ քո ՚ի ստեղծ-  
ուածոյս քո՝ որ մեղօքս եմ մե-  
ռեալ :

14. Աճեցո տէր՝ զբարիս  
գործել ինձ յամենայն ժամ,  
և խափանեա զամենայն չարիս  
՚ի չար մտաց իմոց . ՚ի սխիղծ և  
յանուղղայ գնացից՝ և ՚ի չար  
սովորու թենէ դադարեցո զիս,  
և հաստատեա յերկիւղ և ՚ի սէր  
պատու իրանաց քոց :

15. Արեգակնդ արդարու թեան՝ փրկիչ իմ և ազատիչդ յիսուս քրիստոս՝ ՚ի լոյս քո ապաւինիմ. լուսաւորեա և ջերմացո զսիրտս իմ, հրակիզեա զչար խորհուրդս իմ, և հալեա զսառնամանիս մեղաց իմոց : Շնորհեա տէր՝ զգարուն հուլոյ իմոյ՝ ծաղկիլ և պտղաբերել զարդարութեան պտուղն :

16. Ազատիչդ քրիստոս՝ աղատեա զիս ՚ի դառնաշունչ օդոց մեղաց ձմերայնոց, զխաւարեալ և զսառուցեալ հոգի իմ պայծառացո և ջերմացո, և ցօղեա զցօղ շնորհի ջերմութեան քո ՚ի յանդաստանս մլտաց սրտի իմոյ :

17. Շնչեա տէր՝ զհարաւ քաղցրաշունչ հոգւոյդ սրբոյ

ի խստացեալ և թանձրացեալ սիրտ իմ, և զարթո սրտընդոստ փայլատակմամբ քո զսառնացեալ և զցամաքեալ միտս իմ:

18. Բայ տէր՝ զփակեալ դուռն սրտի իմոյ, և ծագեա ՚ի ներքս զլոյս արդարութեան ճառագայթից քոց: Սրբեա և զազտ մեղաց իմոյ, և զվէրս հոգւոյ իմոյ բժշկեա . և ամբարացո երկիւղիւ քով, և զօրացո առնել զարդարութիւն յամենայն ժամ:

19. Աղբերացո տէր՝ զգլուխ իմ ՚ի բղսումն արտասուաց . լուա զթարախ հոգւոյ իմոյ, և սրբեա զզգայարանս իմ. և ըզգործողս չարեաց փոխարկեա ՚ի զղջումն ջերմ սիրոյ քոյ՝ լու

գաստ մարմնով կեալ 'ի պատ-  
ւիրանս քո :

20. Չգեա տէր՝ զձեռն քո  
'ի նաւաբեկեալս՝ որ ընկղմեալս  
եմ 'ի խորս չարեաց, և փրկեա  
ղիս 'ի սաստիկ ծովածուփ բըռ-  
նու թե՛նէ ալեաց մեղաց իմոց :  
Սանձեա տէր՝ և կարկեա ըզ-  
խստերախ միտս իմ 'ի զբաղ-  
մանց ունայնութեանց կենցա-  
ղոյս :

21. Արբո տէր՝ զծարաւ հո-  
գւոյ իմոյ յառատաբուղիս շը-  
նորհաց քոց, և մի անտես առ-  
ներ զտոչորումն սրտի իմոյ, որ  
պապակիմ 'ի տասլոյ աստի չա-  
րեաց իմոյ, զովացո և լուա  
զապականեալ և զհոտեալ շըր-  
թունս իմ ջրով ողորմութեան  
քո :



22. Օ՛ազեա տէր՝ զլուսաւ  
 ւորութիւն և զխաղաղութի  
 շնորհաց քոց ՚ի սրտի իմում .  
 և զցաւագին գիշեր մեղաց ՚ի  
 մտաց իմոց հալածեա . և մար-  
 մնոյ իմոյ շնորհեա զարիական  
 վարս՝ առաքինութեամբ կեալ  
 ՚ի հաճոյս կամաց քոց :

23. Հան զփուշ մեղաց ՚ի  
 սրտէ իմմէ , զի հոգի իմ հա-  
 նապազ խոցոտեալ չարաչար  
 վիրաւորի . և սերմանեա սերմն  
 բարի ՚ի սրտի իմում՝ աճեցու-  
 ցանել և ստղաբերել զարդա-  
 րութեան ստուղն :

24. Հալածեա տէր՝ զխաւար  
 ՚ի հոգւոյ իմմէ , և զգեցո ըզ-  
 լոյս արդարութե ճառագայ-  
 թից քոց . զարդարեա երկիւ-  
 ղիւ՝ զղջմամբ և արտասուօք

զսիրտ իմ երկնչիլ 'ի դատաս-  
տանաց քոց , և պահել զամե-  
նայն պատուիրանս քո :

25. Օգարթո զիս տէր՝ յա-  
հագրն խորութենէ քնոյ մե-  
զաց իմոց . և զտարակուսեալ  
մարմին իմ զգատտացո յամ  
գործս բարիս խորհել միշտ՝ մե-  
ծաւ երկիւղիւ առնել զհաճոյս  
քո յամ ժամ :

26. Ազատեա զիս տէր՝ 'ի ծա-  
ռայութենէ մեզաց իմոց , և  
խառնեա 'ի թիւս ծառայից  
քոց՝ որք սիրեցին զքեզ և  
զպատուիրանս քո պահեցին .  
տուր զերկիւղ նոցա 'ի սրտի  
իմում , և ուսո զիս գնալ 'ի շա-  
ւիղս գնացից նոցա :

27. Թեթեացո տէր՝ զկարիս  
մարմնոյ իմոյ , և յաճախեա յիս

զնորհս հոգւոյդ սրբոյ լինիլ  
 տաճար և բնակարան անային  
 փառաց քոց . և անյագ սիրով  
 սիրել զքեզ և ատել զամենայն  
 ցանկու թիս և սէր աշխարհիս  
 այսորիկ, որով եղև կորուստ և  
 յանցումն հոգւոյ իմոյ:

28. Աղորմեա տէր՝ յանմար-  
 դաբնակ անապատիս, և ՚ի ձե-  
 ուրն սորին արժանաւորեա զիս  
 խառնիլ ընդ առաջին սուրբ  
 հարանցն՝ արի և զգաստ ժուժ-  
 կալու թք ժառանգել զխոստա-  
 ցեալ պարզ և սն:

29. Առաջնորդեա ինձ տէր՝  
 ՚ի նեղ և ՚ի նուրբ ճանապար-  
 հըն, որպէս առաջնորդեցեր  
 սրբոց քոց . և զբացս զակա-  
 բու թիւնս իմ՝ ժուժկալու թք  
 և համբերու թեամբ գնալ ՚ի

Ճանապարհս քո ջերմեռանդ  
սրտիւ :

30. Այեա տէր՝ ՚ի նեխեալ  
և ՚ի թարախեալ հողի իմ, և  
լուա աստուածային ջրով քով.  
և հողևոր աղիւղ համեմեա,  
և անուշահոտ իւղովդ սրբով  
օծեա, և զկատարեալ առողջու-  
թիւն ընձեռեա :

31. Անսրացո տէր՝ զքուն ա-  
չաց իմոց, և թօթափեա զնիր-  
հումն ՚ի գլխոյ իմոյ, զի ծանրա-  
ցեալ դանդաղանօք պաշարէ  
զմարմին իմ. արա զիս տէր՝ ար-  
թունս և պատրաստս յամենայն  
ժամ, զի զգաստու թեամբ և  
արդարու թեամբ վարեցից ըզ-  
կեանս իմ :

32. Տես տէր՝ զքումն որո-  
վայնի իմոյ՝ որ զօրացեալ է ՚ի

վերայ իմ, և հանապազ ցանկայ  
կերակրոյ և ըմպելւոյ և համե-  
ղու թեան խորտկաց . այլ դու  
տէր՝ յամենայնի կարող, կտրեա  
ղ ցանկու թիւն մարմնոյս տեն-  
չանաց :

33. Եւ քանզի միտք իմ ցըն-  
դեալ պղտորեալ բանդագու-  
շեալ շրջի 'ի հոսանս երկրաւոր  
կենցաղոյս , այլ դու տէր՝ լու-  
սաւորեալ զաչս հոգւոյս առանց  
զբաղմանց և երկմտութեանց  
արի և զգաստ ամենայորդոր  
փութով գալ զհետ անձային սի-  
րոյ քոյ :

34. Հալածեալ տէր՝ զամե-  
նայն չար մտածմունս յերկրա-  
քարչ խորհրդոց մտաց իմոց .  
արմատ բարեաց տնկեալ հաս-  
տատութեամբ 'ի սրտի իմում ,

և պատուղ շնորհաց 'ի հոգիս իմ  
նկարեա :

35. Աղաչեմ բարերար և ու  
ղորմած տէր՝ արթունս և զը-  
ւարթունս պատրաստեա զիս .  
ուսն՝ ինձ դնալ 'ի ճանապարհս  
քո բարիս , զի արժանի եղէց  
մեծի փառաց քոց :

36. Այլ քանզի ցանկու թիւն  
ճաշակման՝ ամենայնիւ զբաղե-  
ցուցեալ զմիտս իմ խռովէ , արդ-  
հալածեա զորկորսսու թիւն յի-  
նէն՝ յորմէ խաբեցայ միշտ . և  
կերակրեա զիս երկիւղիւղ քով  
սրբով :

37. Առաքեա տէր՝ զմի 'ի սե-  
րովբէից քոց , զի բերելով ըզ-  
կայծակն հրոյ մերձեցուսցէ 'ի  
չրթունս իմ , և հանցէ 'ի բաց  
զանօրէնու թիւնս և զմեղս իմ ,

սրբեացէ զխորհուրդս իմ, մաք-  
րեացէ և զաղտեղու թիւնս իմ,  
և լուսաւորեացէ զմիտս իմ ժա-  
ռանդել նովաւ զկեանսն յա-  
ւիտենից :

38. Առաքեա տէր՝ զբաժակ  
ուրախարար հոգւոյդ սրբոյ 'ի  
յեզկելիս՝ որ ծարաւիմս առ-  
քեզ. արբո և զուարթացոյ յե-  
ռանդն սիրոյքոյ. լոյժ և 'ի բաց  
ջնջեա զմրուր դառնութեան  
յանցանաց իմոց :

39. Առաքեա տէր՝ զլոյս քո  
և լուսաւորեա զմիտս իմ և  
զխորհուրդս իմ լուսով դիտու-  
թեան քո. զխաւար մեղաց մը-  
տաց իմոց հալածեա, և ըզ-  
տկարութիւն անձին իմոց կա-  
րողացո 'ի ջան և 'ի վաստակ  
հոգւոյ իմոյ :

40. Առաքեա տէր՝ զհրեշտակ  
 խաղաղութեան քո վերակացու  
 և պահապան անձին իմոյ. և որ  
 պէս ետուր իշխանութի գնալ  
 'ի վերայ իժի և քարբի, և կո-  
 խել զամ զօրութիւնս թշնամ-  
 ւոյն, աներկիւղս արասցես ըզ-  
 մեզ յերևելի և յաներևոյթ  
 թշնամւոյն. և պահեսցես որ-  
 պէս բիբ ական ընդ հովանեաւ  
 թևոց քոց :

41. Յորժամ երթայցեմ 'ի  
 ճանապարհի, մի թողուր զիս  
 միայն. այլ առաքեա զօգնակա-  
 նութիւն քո զհետ իմ՝ պահել  
 զիս յամենայն փորձութեանց  
 սատանայի 'ի տուէ և 'ի գիշե-  
 ըի, և մի տալ թոյլ մեղանչել  
 յողդողդ և թոյլ մտաց իմոց,  
 այլ կոծել զկոծ մեծ 'ի վերայ



մեղաց և անօրէնութեց իմոց :

42. Պահեա զիս տէր՝ ՚ի բանից և ՚ի գործոց , ՚ի տեսութեանց և ՚ի գերիչ խորհրդոց . և զերկիւղ դատաստանի քո տպաւորեա ՚ի սրտի իմում՝ անզբաղ յօժարութեան մտօք փութալ և պահել զպատուիրանս քո :

43. Փակեա տէր՝ զդուռն մեղաց իմոց , և բաց ինձ զդուռն լուսոյ և արդարութե . զի երկիւղալից սիրով եկից զհետ կոչողիդ իմոյ արարչիդ , որ տեսցեր՝ « Եկայք առ իս ամ աշխատեալք և ծանրաբեռնեալք , և ես հանգուցից զձեզ » : Եւ դարձեալ թէ՛ « Որ խնդրէ՛ առնու , և որ հայցէ՛ գտանէ , և որ բաղխէ՛ բացցի նմա » :

44. Նայեա տէր՝ ՚ի մերկու-  
թիւնն անձին իմոյ զոր կողոս-  
տեաց թշնամին . և այժմ՝ խայ-  
տառակ և ամօթալից կամ ա-  
ռաջի քո՝ մարդասէր : Զգեցո  
ինձ հանդերձ հարսանեաց ,  
մոյժ և ուրախացո ՚ի կոչումն  
բազմելոց քոց :

45. Օգեցո ինձ տէր՝ զպատ-  
մուճանն զառաջին զոր մերկա-  
ցայ մեզօք իմովք . ցոյց զանու-  
խակալու թիւնդ քո յիս , և լու-  
սամիայլ ողորմու թք քո զարդա-  
րեա զմերկու թիւնս իմ :

46. Մեր տէր՝ աղաղակի ա-  
նառակիս , որ ամօթով կամ  
առաջի քո . զգանձն հայրենի  
վատնեալ՝ սովամահ կորնչիմ .  
կերակրիլ հաւասար եղէ խո-  
ղից անասնոյ անբանից , և նը-

մանեցայ նոցա :

47. Մի մերժեր զիս տէր՝ ՚ի հայրական գթոյ քոյ . համարձակիմ ՚ի խնամ սիրոյ քոյ . ՚ի ճնողէդ վերջացայ և զորդիութիւն իմ ուրացայ : “ Հայր՝ մեզայ յերկինս և առաջի քո . չեմ արժանի կոչիլ որդի քո , արա զիս իբրև զմի ՚ի վարձկանաց քոյ ” :

48. Օ, արդարեա զիս տէր՝ մեծաւ երկիւղիւ քո . և դարձս յանառակութենէ յարդարութիւն , յազտեղութենէ ՚ի սրբութիւն , ՚ի ծուլութենէ ՚ի զգաստութիւն , ժուժկալութեամբ և համբերութեամբ գնալ ՚ի ճանապարհս քո ուղիղս :

49. Ի ադարեցո զիս տէր՝ ՚ի

չարաչար խորհրդոց իմոց և  
յառնելոյ զկամս մտաց իմոց և  
մարմնոյ իմոյ . զահագիսն օր գալ  
լըստեան քո նկարեա առաջի  
աչաց իմոց՝ դողալ և սարսիլ ՚ի  
դատաստանաց քոց :

50. Պայծառացո տէր՝ զլապ-  
տեր հոգւոյ իմոյ որպէս զի-  
մաստուէն կուսանացն . և շնոր-  
հեա պատրաստիլ արթնուծք  
ընդ առաջ ելանել երկնաւոր  
փեսայիդ , զի մի մնացից արտա-  
քըս որպէս զյիմար կուսանան :

51. Օհնո ինձ տէր՝ զճանալ  
պարհս քո , և ուսո՞ ինձ զար-  
դարուծիս քո . հեռացո տէր՝  
զմարմինս իմ ՚ի խորհրդոց չա-  
րեաց , և հաստատեա յերկիւղ  
բարեաց՝ սուրբ և անարատ  
կեալ առաջի քո յամ ժամ :

52. Օ՛, անօրէնութիւնս իմ՝  
 ջնջեա տէր . 'ի յոյս բարեաց  
 և յերկիւղ քո զմիտս իմ բեւե-  
 ուեա , լցեալ սիրով և հաստա-  
 տուն հաւատով սպասել և ակն  
 ունել մեծի դալտեան քո :

53. Օ՛, օրացս զիս տէր՝ 'ի սէր  
 պատուիրանաց քոց , անսալ եր-  
 կիւղիւ հրամանաց քոց , սար-  
 սիլ և դողալ 'ի դատաստանաց  
 քոց , խնդրել զարդարութիւն  
 և զիրաւունս երեսաց քոց , և  
 առնուլ զպարգևս շնորհաց  
 քոց :

54. Ա՛րձակեա զիս տէր՝ 'ի  
 կապանաց մեղաց իմոց , և բղ-  
 հնացեալս մեղօք՝ վերստին նու-  
 րոգեա . և զխաւարեալս 'ի  
 ցանկութենէ մարմնոյս՝ լուսա-  
 ւորեա գնալ 'ի ճանապարհս

խաղաղութեան , զի տեսցեն  
աչք իմ զվրկութիւն քո՝ զոր  
սպարաստեցեր սրբոց քոց :

55. Տժշկեա տէր՝ զանբժշ-  
կելի հիւանդութիւնս իմ՝ որ  
կարկամեալ դնիմ 'ի մահիձս  
մեղաց իմոց , և դեգերեալ կամ  
'ի դուռն երկրորդ սելովմայ՝  
սպասել և տկն ունիլ մեծի դա-  
լըստեան քո :

56. Հրամայեա ինձ տէր՝ որ-  
պէս զանդամալուծին առողջա-  
նալ , խորտակել զանկողինս ցա-  
ւոց իմոց , շրջիլ ընդ կամարարս  
քո , 'ի տան տեառն և 'ի դա-  
ւիթս աստուծոյ ծաղկիլ և ոչ  
մեղանչել :

57. Խորտակեա տէր՝ զքրու-  
նութիւն սատանայի , հատ և  
'ի բաց ընկեա զգորութի՛նորա .

արգել զյարձակումն նորա 'ի  
 վերայ իմ, զի մի տարապարհակ  
 վարեալ զմարմինս իմ տանիցի  
 ընդարձակութի ճանապարհի՝  
 որ տանի 'ի կորուստ և յա-  
 պականութիւն :

58. Յիշեցո տէր՝ զբաղեալ  
 և մոռացեալ մտաց իմոց զա-  
 հաւոր և զսոսկալի գալուստ  
 քո և զգատաստանն անաչառ,  
 զպատիւ և զփառսն արգարո-  
 ցն, և զաններելի տանջանս  
 մեղաւորացն, և նոքօք զարհու-  
 րեալ դողացո զմարմին իմ տե-  
 սանել զմահ հանապազ առաջի  
 աչաց իմոց :

59. Մեռեա տէր՝ զմարմին  
 իմ ընդ երկիւղ քո, և ընդ սէր  
 պատուիրանաց քոց զհոգի իմ,  
 և զհրամայեալսն 'ի նմա՝ եր-

կիւղիւ լսել, և առանց ձանձրութեան կատարել միշտ, և մերկանալ 'ի մեղաց և 'ի ցանկութեանց կենցաղոյս, և սլայծառանալ վարուք առաքինութեան:

60. Փրկեա զիս տէր՝ 'ի գաղանաձիգ նետից սատանայի, որ բազում մեքենայիւք սլատեալ պաշարէ զիս. աւար առեալ զմիտս իմ՝ վարէ 'ի գերութիւն ցանկութեան մեղաց, առնելով ծաղր և այսն կատականաց թշնամեաց իմոց:

61. Ամբասցո զիս տէր՝ յերկիւղքո, և զօրացո զտկարացեալս զօրութեամբ քով զհիւանդութիւն հոգւոյ իմոյ առողջացո, և զցաւս մարմնոյս բժշկեա, և զջերմութիւն սիրոյ քո հաս-



տատեա 'ի սրտի իմուամ՝ չարչարակից լինիլ սրբոց քոց :

62. 'Կարձո տէր՝ զգերեալս 'ի սատանայէ , և զմեղօք վաճառեալս եգիպտական և խիսատանջանացն՝ փրկեա 'ի բռնակալ չար սպասաւոր դիւացն . և յեղեգնակոխ կաւոյ մեղացն հանցես և տարցես զիս յերկիրն աւետեաց :

63. Մնկզմեա տէր՝ զթշնամին իմ որպէս զզօրութի փարաւոնի . զի սպառնացեալ 'ի վերայ իմ խրոխտայ, հետամուտ եղեալ զկնի իմ դարձուցանէ զիս յառաջին յանցանսն ընդ իշխանութք իւրով՝ ծառայել մեղաց և անօրէնութեանց :

64. Խաղաղացո զիս տէր՝ 'ի ծփանաց ալեաց խռովութեց

խորհրդոց , և զբաղմուծեան  
 յորձանս մեղաց իմոց ցածո ,  
 և կառավարեա զմիտս իմ ժա-  
 մանել յանքոյթ և 'ի խաղաղ  
 նաւահանդիսան հոգւոյդ սբջ :

65. Օրծո զիս տէր՝ 'ի լե-  
 րինս քարանձաւի կամ 'ի տե-  
 ղի անասլատի , ուր և ողորմու-  
 թիւն քո առաջնորդեսցէ ինձ՝  
 հանդիսլիլ մեծի փառաց ան-  
 ուան քո , տուր ինձ զթևս ա-  
 ղաւնակերսյ հոգւոյդ սրբոյ՝  
 թռչիլ և վերանալ խառնիլ յե-  
 րամս արդարոց :

66. Դամանեցո զիս տէր՝ յօ-  
 թեանս արդարոց քոց , և ըզ-  
 հանդիստ աշխատութե սուրբ  
 հարցն պարգևեա ինձ , անտես  
 արա զյանցանս իմ , և դասա-  
 ւորեալ պայծառացո ընդ սբս

և ընդ սիրելիս անուան թո :

67. Հաստատեա տէր՝ զխաղաղութիւն և զպայծառութիւն լաւոյ կենաց անձին իմոյ, զի մի՛ խոտորիցիմ յաջ կամ յահեակ, և դատապարտիմ յառուր գալստեան թո՛ պահանջելով բզ յետին նաքարակիան մինչ իսպառ :

68. Մի՛ մերժեր զիս ՚ի բազմագութ ողորմութեանց քոյ . զապաւինեալս ՚ի քեզ՝ ամրացո և աներկիւղ պահեա յամենայն որոգայթից սատանայի, զի մի՛ գերի վարեալ տանիցէ զմիտս իմ ՚ի զբազումս և ՚ի չար ծառայութիւն :

69. Ուսո զիս տէր՝ առնել զարդարութիւն, խօսել զճրշմարտութիւն, սիրել զսրբու-

Թիւն և ատել զաղտեղու թիւն,  
 խոտորիլ 'ի չարեաց և գնալ 'ի  
 ճանապարհս բարեաց :

70. Ասրեցո զիս տէր՝ յոր  
 սողացն այնոցիկ որք գան 'ի վե-  
 րայ իմ ըմբռնել զիս 'ի մեղս և  
 'ի ծուլու թիւն անժուժկալու  
 թեան, մոռացումն առնել յան-  
 ցանաց իմոց, և ոչ տալ յիշել  
 զօր հատուցման և զսարսելի  
 պատասխանին՝ որ ասէ, « Եր-  
 թայք յինէն անիծեալք 'ի հու-  
 րըն յաւիտենից » :

71. Կանգնեա զիս տէր՝ 'ի գը-  
 լորմանէս, և 'ի բազմամեղ ան-  
 գնդային խորու թենէս վերացո  
 և բարձրացո թևօք հոգւոյդ  
 օրբոյ 'ի պարասլումն աղօթից  
 և 'ի խնդրուածս հաճոյից, 'ի  
 ջնջումն մեղաց, 'ի նորոգումն

կենաց, և 'ի լուսաւորութիւն  
մտաց, և 'ի կատարումն սուրբ  
պատուիրանաց քոց :

72. Խնդրեա տէր՝ զեղծեալ  
և զկորուսեալ քո պատկերս,  
որ 'ի մէջ աղբի և տղմի մեղաց  
թաւալեալ կամ. դիւրածեալ  
աւելլաւ շնորհի քո, և դիր  
'ի գանձանակն անմեղութեան՝  
յորմէ անկաւ :

73. Եւ տէր՝ 'ի տեսութիւն  
հիւանդացեալ հոգւոյ իմոյ,  
դիր զձեռն քո 'ի վերայ իմ, և  
բժշկեա ասելով՝ զօրացիր առ  
զմահիճս քո, և երթ 'ի տուն քո  
արդարութեան :

74. Եւ տէր՝ 'ի խնդիր մօլորեւոյս,  
որ յածեալ շրջիմ ար-  
տաքոյ հօտի պատուիրանաց  
քոց, և գազանաբեկ եղեալ

քարավէժ մեղօք՝ կառավինա-  
տիմ 'ի դիւաց . ըմբռնեա և  
ած 'ի փարախն հայրենի , և  
խառնեա 'ի գառինս հօտի քո :

75 . Հետևեա տէր՝ զհետ  
ճողոպրելոյս 'ի քէն . արագա-  
պէս փութացիր , հաս և ըմ-  
բռնեա զսպստամբեալս 'ի ձայ-  
նէ կոչման քո , և դիր 'ի բանտ  
կապանաց անխզելի սիրոյ քոյ :

76 . Մի թողուր զիս տէր՝  
հեռանալ 'ի սիրոյ պատուիրա-  
նաց քոյ և 'ի վարուց առաքի-  
նութեանց . այլ յորդորեա ա-  
ռաւելուլ յիմ գործս արդա-  
րութեան՝ առանց մեղաց և  
առանց իրիք խափանուածոյ  
պաշտել զքեզ սրբութեամբ  
և արդարութեամբ առաջի քո  
զամենայն աւուրս կենաց իմոց :

77. Մի մատներ զիս տէր՝ 'ի  
 ցանկութիւն մեղաց և 'ի հեշ-  
 տութիւն կամաց, 'ի քուն ա-  
 չաց և 'ի ցանկութիւն մտաց,  
 այլ պարսպեա երկիւղիւ քո,  
 և տպրեցո յամենահնար չար  
 դիւացն և յաշխարհական ըզ-  
 բօսանաց:

78. Մի յապաղեր տէր՝ տալ  
 ինձ զփրկութիւն հոգւոյ և ըզ-  
 ջերմութիւն սիրոյ, զպարկեշ-  
 տութիւն կերակրոյ և զժուժ-  
 կալութիւն մարմնոյ, զըզխու մն-  
 արտասուաց, զանդադար աղօ-  
 թըս, զհնազանդութիւն՝ զխո-  
 նարհութիւն և զհամբերու-  
 թիւն յուսոյ:

79. Յաղթեա տէր՝ հակա-  
 ուակամարտին իմոյ, և զօրացս  
 զիս ընդդիմակաց լինիլ պատե-

բազմողին 'ի վերայ իմ. և ըզ-  
գեցո ինձ զզրահն հաւատոյ՝  
պահօք և աղօթիւք սրբել զախ-  
տըս ցանկու թէ և զխորհուրդս  
մարմնական, և առնուլ զշնորհս  
փրկական :

80. Տուր ինձ տէր՝ տեղի ա-  
պաշխարու թեան, աշխատու-  
թեան հանգիստ, խաղաղու թէ  
հոգի և արդարու թեան ճա-  
նապարհ, ամբու թեան զէն  
և պահապան փրկու թէ, հաս-  
տատու թեան յոյս և պնդու-  
թեան երկիւղ :

81. Անցո զիս տէր՝ ընդ ան-  
հուն անցից մեղաց խորաթը-  
ռիչ ծովահեղձ ցանկական կեն-  
ցաղոյս. և շնորհեա ինձ զլոյս  
աչացս և զմտացս տեսութիւն,  
զհանգիստ կենաց, զհանդի-



պուլմն շնորհաց, և զշաւիղս ճա-  
նապարհացն արդարութեան :

82. Շնորհեա ինձ տէր՝ լալ  
աչացս, արտասուաց հոսումն,  
մեղաց սուգ, մտաց սրտի եր-  
կիւղ, ոսկերաց իմոց սարսա-  
փումն և դողումն վասն տան-  
ջանաց, կենաց ճանապարհ, և  
անդադար պաղատանս :

83. Արիացո զիս տէր՝ ՚ի պա-  
տուիրանաց պահպանութիւն,  
որով յայտնի ժուժկալութիւն.  
՚ի մարտ պատերազմի բանսար-  
կուին յաղթութիւն, ՚ի մար-  
մնի մեռանիլ, և պայծառանալ  
՚ի հանդիսի :

84. Այսո զիս տէր՝ երկիւղիւ  
և զղջմամբ, արտասուօք և հա-  
ռաչանօք, սիրով և սրբութիւն,  
շնորհօք և ճշմարտութեամբ,

գիտու թեամբ և ամենայն ա-  
ռաքինու թեամբ :

85. Տնջեա տէր՝ զբազմու-  
թիւն մեղաց իմոց, և թափեա  
զմրուր գառնու թեան յանցա-  
նացս, և պարարեա զսիրտ իմ  
արբամբ սուրբ հոգւոյդ, և  
զփշաբեր մարմին իմ լցո շնոր-  
հօք, զարգացո և ՚ի պտղաբե-  
րու թի փոխարկեա :

86. Արեւեցո տէր՝ զշնորհա-  
քո ՚ի ծառայս քո, զգու թ քո  
՚ի ստեղծուածս քո, և զողորմու-  
թիւն քո ՚ի պաշտօնեայս քո,  
և տաճարացո զիս բնակարան  
լինիլ ամենասուրբ հոգւոյդ՝  
մի և ս ծառայել մեղաց և ա-  
պականու թեանց :

87. Միշկեա զիս տէր՝ ՚ի հը-  
պարտու թենէ և յամբարտա,

ւանու թենէ , 'ի սնտփառու  
 թենէ և 'ի փառասիրու թենէ ,  
 'ի մարդահաճու թենէ և յու  
 խակալու թենէ , 'ի բարկու թէ  
 և 'ի սրամտու թէ , 'ի նախան  
 ձուէ և 'ի յատելու թենէ և  
 յամենայն չարու թենէ :

88. Փրկեա զիս տէր՝ 'ի մարդ  
 կային գովեստից 'ի փառաց և  
 'ի մեծարանաց . զխաւարս լոյս  
 կարծելով՝ համբաւեն 'ի վերաց  
 իմ բարի , զեղկելիս երանելի ,  
 զողորմելիս առաքինի , և ես եմ  
 արտասուելի և անթիւ մեղօք  
 լի :

89. Օ՛ածկեա զիս 'ի լուսոյ  
 սուտ գովու թեանց և երանու  
 թեանց , զի ոչ գիտեն զմեղս իմ  
 և ոչ ճանաչեն զխաբէու թիւնս  
 իմ . երև իմ սրբու թեամբ , և

լի եմ աղտեղու թեամբ . կերպարանիմ առաքինու թեամբ ,  
 և կեամ անառակու թեամբ .  
 փայլիմ երկիւղածու թեամբ ,  
 և վարիմ մարդահաճու թեամբ .  
 ճանաչեմ զճշմարտու թիւն , և  
 խօսիմ զստու թիւն . դիտեմ  
 զարդարու թիւն , և դործեմ  
 զանօրէնու թիւն :

90. Բաւեա զիս տէր՝ ՚ի մեղաց և ՚ի բամբասանաց , ՚ի մառացեալ յանցանաց և յամենայն սխալանաց , և թող ինձ զմեզս զանժուժկալու թեան և զճուլու թեան , զօրկորստու թեան և զդատարկաբանու թեան , զցանկու թեան և զաղտեղու թեան , զհայհոյու թիւն և զամենայն բիծս չարեաց :

91. Կացօ զիս տէր՝ հաստա

տուն և անշարժ 'ի տեղի փոր-  
 ձանաց պատերազմի՝ առանց  
 երկիւղի քաջ և պինտ հաւա-  
 տով և յորդորական սիրով զօ-  
 ղավիգ լինիլ ընդդէմ եկեղց  
 դիւացն 'ի վերայ իմ. զինեա զիս  
 ամրակուռ զինու քո՝ տալ պա-  
 տերազմ և յաղթել թշնամւոյն  
 հակառակամարտի, որ կամի իս-  
 պառ զիս որսալ :

92. Օ ընկղմեալս տէր՝ 'ի խո-  
 ըրս մեղաց հանցես և բերցես  
 'ի լոյս պատուիրանաց քոց . և  
 առ քեզ կոչեսցես զհեռացեալս  
 'ի քէն , և թողցես զգործս իմ  
 անառակու թէ . զասպաւ ինեալս  
 'ի քեզ ամրացուսցես , և զդա-  
 ւանեալս 'ի քեզ մխիթարես-  
 ցես . զարձակեալս 'ի կասպոյ  
 պատուիրանաց քոց՝ ըմբռնես :

ցես, և ընդ լուծ սիրոյ քո բե-  
ւեռեսցես :

93. Ոգուծ սիրոյ քո տէր՝  
միաւորեա յիս, և զարգելեա-  
լըս ՚ի կապանաց բանտի՝ ար-  
ձակեա և խզեա զկապանս մե-  
ղաց խնոց, առաջնորդեա ինձ  
՚ի ճանապարհ արդարու թեան,  
և տեղի յարկից պատրաստեա,  
և պօակեա ընդ սուրբս քո :

94. Հաղորդս արա զիս տէր՝  
աստուածային սիրոյ քո սիրել  
զպատուիրանս քո և դնալ ՚ի ճա-  
նապարհս քո, չարչարիլ մինչև  
ցմահ վասն անուանդ քո, մը-  
տանել ՚ի փառս և դասիլ ընդ  
սուրբս քո, և ուրախանալ միշտ  
ընդ կամարարս քո :

95. Վթա ՚ի մեղուցեալ և  
յեղկելի անձն իմ տէր, խափա-

նեա զանառակ ցանկու թիս իմ.  
 սրբեա զաղտեղու թի մեղաց, և  
 քաւեա զանօրէնու թիւնս իմ.  
 բժշկեա զվիրաւորեալ հօգիս,  
 և առողջացո զհիւանդացեալ  
 մարմին իմ. ցրուեա զչարիս իմ,  
 և ժողովեա յիս զբարիս՝ և լից  
 զպակասու թիւնս իմ:

96. Առաջի քո անկանիմ և  
 խնդրեմ զթողու թիւն մեղաց  
 իմոց. զպաղատանս իմ ընկալ,  
 և քաւիչ լեր յանցանաց իմոց.  
 պայծառացո և լուսաւորեալ ըզ  
 խորհուրդս և զմիտս իմ. կա  
 ըողացո զմարմին իմ անդադար  
 կալ ՚ի փառաբանու թիւն ան  
 ւանդ քում սրբոյ:

97. Օ, անկեալս մեղօք՝ կանդ  
 նեա տէր, և զխոցեալս ՚ի թըշ  
 նամւոյն դեղասպատեա, բարձ

դցաւս մեղաց , և վերացո ըղ-  
կակիծ յանցանաց . յափշտակեա  
'ի դառն դահճաց , և ազատեա  
յանողորմ տանջանացն . և 'ի  
մարմնական յղփանաց հեռա-  
ցո , և 'ի դասս ճգնաւորացն  
դասեցո :

98. | Եր վերակացու և պա-  
հասպան անձին իմաց տէր իմ  
յիսուս . պահեա զիս 'ի դիւայ ,  
և փրկեա զիս 'ի մարդկային  
փորձանաց : Հակառակողաց  
յաղթեա և կացո զիս 'ի մէջ  
պատերազմողաց՝ քաջ և ընտիր  
լինիլ . գործակցեա ինձ լինիլ  
քաւարան մեղաց՝ և համբե-  
րել վշտաց , առաքինաջան քա-  
ջու թեամբ համբերել վշտաց ,  
և գործովք հանդիպիլ քում  
աստուածային շնորհացդ :



99. Վայ ինձ տէր՝ վայ ինձ,  
 զի մեղօք կործանեցայ, և մը-  
 տօք իմովք ազտեղացայ. ՚ի բա-  
 րեաց ունայնացայ, և ՚ի սիրոյ  
 ցամաքեցայ. ՚ի լալոյ խաւա-  
 րեցայ, և ՚ի գնալոյ դադարե-  
 ցայ: Ոչ ունիմ աչս լալոյ և  
 արտասուաց, ծփիմ տարակու-  
 սեալ՝ զի յոյս և ակն բարեաց  
 ոչ ունիմ:

100. Կանգնեա տէր՝ զտարա-  
 բերեալ անձն իմ՝ որ լի եմ մե-  
 ղօք և անթիւ յանցանօք. և  
 խարչեալ և արոհեալ եմ ամե-  
 նայն անդամօքս՝ յոտից մինչև  
 ցգլուխս ասպականեալ, և չիք  
 հնար բժշկու թեան՝ եթէ ոչ  
 ՚ի քէն տէր իմ յիսուս. խոնար-  
 հեա առ վիրաւորեալս դեղա-  
 սուսութեամբ, և մի գարշիբ ՚ի

չարահոտ ախտացելոյս :

101. Առեցի տէր՝ զբերան  
 իմ՝ ի բամբասելոյ, և զլեզու  
 իմ՝ ի չար խօսելոյ, զաչս իմ  
 յարատ հայելոյ, և զականջս իմ  
 ի չար լուր լսելոյ, զձեռս իմ  
 ի յափշտակելոյ, և զոտս իմ  
 ի յանառակ գնացս երթալոյ,  
 և զամենայն անդամս իմ պարսպեալ  
 զգաստացո՝ միշտ զհա-  
 ճոյս քո կատարել :

102. Ա՛նձայ քեզ տէր՝ մեղայ,  
 զի յանցեայ զսխառութեանս  
 քով, ի լուսոյ կենաց ելայ, և  
 մտայ ի խաւար մեղաց ցան-  
 կանալով աղտեղութեանց : Ի  
 սիրոյ քոյ հեռացայ, ըմբռնե-  
 ցայ ի չարէն՝ և եղէ որդի  
 կորստեան, ողորմեա ինձ բազմ  
 մամեղիս բարերար, զի դու մի-

այն ես մարդասէր :

103. Ի քեզ տէր ապաւինիմ՝  
 որ քաւարան ես մեղաւորաց ,  
 բարւոյ շտեմարան , և փախու-  
 ցելոյս դարան , զԹշնամին իմ  
 արա փախստական : Օգնական  
 զայլ ոք ոչ ունիմ , բայց զքեզ  
 միայն ունիմ պահապան անձին  
 իմոյ . 'ի վտանգից փրկեա , 'ի  
 յորոգայթից ապրեցո , և ար-  
 ժանի արա զիս լինիլ որդի յա-  
 ւ խտենից :

104. Ողորմեա ինձ տէր կե-  
 նաց և քաւիչ մեղաց , կատա-  
 րիչ խնդրուածաց և արձակիչ  
 կապանաց , բաշխող պարգևաց  
 և տուիչ ամենայն շնորհաց :

105. Ի ուր տէր զաղաչանս իմ ,  
 և ընկալ զպաղատանս իմ . քա-  
 ւեա զյանցանս իմ , և կատա-

րեա զխնդրուածս իմ, արձա-  
կեա զկասպանս իմ, և բժշկեա  
զհոգի իմ, առողջացո զմարմինս  
իմ, և ուղղեա զգնացս իմ,  
փութացո զիս ժամանել յօ-  
թեանս սրբոց քոց :

106. Հալածեա տէր՝ զբա-  
զում ախտաժետութիւնս իմ,  
զցաւս 'ի մարմնոյս՝ և զաղտ 'ի  
հոգւոյս, զքուն 'ի գլխոյս՝ և  
զյագումն յորկսրոց : Պահեա  
զխորհուրդս իմ անզբաղ, ըզ-  
սիրտ իմ սուրբ, և զմիտս իմ  
լուսաւոր և զգաստ, զցանկու-  
թիւնս առ քեզ, և զյօժարու-  
թիւնս յաղօթս 'ի տուէ և 'ի  
գիշերի :

107. Բըխեա տէր՝ 'ի գլուխս  
աղբիւր վտակաց, առողեա և  
զանդս մտաց իմոց, զաղտ յան-

ցանաց իմոց լուա , և սրբեա  
 զթարախ վիրաց իմոց . զփուշ  
 մեղաց իմոց խլեա , և տնկեա  
 զբոյս կենաց : Աճեցո տէր զար-  
 դարու թիւն , և նուաստացո  
 զանօրէնու թիւն . մեռո զմար-  
 մնոյ ցանկու թիւն , և նորոգեա  
 զհոգւոյս կենդանու թիւն :

108. Կոչեա տէր՝ զմեղու-  
 ցեալ անձն իմ ՚ի քեզ , զի մեր-  
 ձենալ առ քեզ ոչ իշխեմ . պատ-  
 կառ իմ յամօթոյ , և զարհու-  
 րիմ ՚ի դործոց իմոց . ոչ ու-  
 նիմ առ քեզ համարձակու թի ,  
 զի ես ինձէն եմ կորուսեալ . ՚ի  
 սուրբ պատուիրանաց քոց հե-  
 ռացայ , և մերկացայ ՚ի փառաց  
 քոց . այլ դու տէր՝ գթա յիս  
 և ողորմեա , զի ստեղծուած եմ  
 անարատ ձեռաց քոց :

109. Ոչ իշխեամ տէր՝ անյոյս լինիլ, զի ողորմած ես և գթած, և փառս անճառ խոստացար դարձելոց մեղաւորաց. այլ ես զարհուրիմ և դողամ, և երկրնչիմ 'ի բազում և յանթիւ մեղաց իմոց, զի պատրեալ խաբեցայ յորսողէն. և արդ զինչ լինիմ եղկելիս՝ որ տարակուսեալ եմ 'ի կենաց:

110. Արա զիս տէր՝ 'ի սուգ և յարտասուս վասն մեղաց իմոց, զի ծանրացեալ եմ անօրէնութեան բեռամբ և յագեալ աղտեղի խորհրդով. շատ ներեցեր ինձ, զի ոչ խրատեցեր զիս 'ի մարմնի. արդ սարսեալ դողամ, թէ ոչ մնան ինձ այսպիսի չարիք: Աղաչեմ բարերար տէր՝ մի կոչեր զիս յա-

տենի, և տանջանաց մի մատ-  
 ներ զիս. այլ փրկեա ՚ի հրոյ  
 գեհենին, և ՚ի վտանգիցն աս-  
 րեցո և ողորմեա ինձ, զի դու  
 միայն ես մարդասէր:

111. Վայ ինձ տէր՝ զի ծը-  
 փանք տարակուսանաց սլատեն  
 զիս, և զսիրտ իմ խռովեն. զոր ա-  
 ղօթեմ՝ ոչ գիտեմ, սաղմոսեմ՝  
 և ոչ իմանամ. շրթունք իմ  
 բարբառի, և միտք իմ ճողոտ-  
 րեալ յաճի այսր և անդր՝ և  
 զկայումն ոչ ունի, և ՚ի պէտս  
 իմ ոչ գտանի, և կամիմ զի ի-  
 ցէ անդ՝ բայց ոչ դադարի. ոչ  
 տեսանի արդեօք և ոչ ըմբռ-  
 նի. զուր աշխատիմ և ոչ ինչ  
 օգտիմ. որպէս ձայն հնչեալ  
 պղնձի և ճնճղայի՝ թափուր և  
 ունայն դատիմ, և անսրտուղ

գտանիմ յամենայն բարեաց :

112. Մնկալ տէր զմոլորեալս՝  
որ փախուցեալ կամ 'ի լերինս,  
որպէս ծառայ չար 'ի տեառնէ  
հալածեալ վասն մեղաց : Եւ 'ի  
սբ եղբարց հրաժարեալ եմ, 'ի  
սուրբ պաշտամանց հեռացեալ  
զի սիրող էի մեղաց՝ և նախա-  
տինք կրօնաւորաց, անյագ 'ի  
ղրկանաց՝ և խափանիչ պատ-  
ուիրանաց : Անգութ էի աղ-  
քատաց, և հակառակ սպասա-  
ւորաց, անողորմ հիւանդաց,  
և անմխիթար աշխատողաց, չէի  
խկ արժանի կալ 'ի մէջ ճգնա-  
ւորաց :

113. Հանգո տէր՝ զչնորհս  
հոգւոյդ սրբոյ 'ի վերայ իմ,  
որ միայն եմ 'ի սլատերազմի ա-  
ռանց օգնականի, սրբեա տէր՝



զտաճար հոգւոյ իմոյ, և առ իս  
 լեր ընդ երեկոյս . բաց զաչս  
 հոգւոյ իմոյ, և լուսաւորեա  
 զմիտս և զխորհուրդս իմ: Տուր  
 ինձ զօրու թիւն տէր իմ յի  
 սուս, և ընկալ զօրհնաբանու  
 թիւն բերանոյ իմոյ . ՚ի խորքնոյ  
 գիշերոյ զարթո զիս գոհանալ  
 և օրհնել զքեզ, որով զմեզս  
 իմ քաւեցից . շնորհեա ինձ  
 սուգ և արտասուս լալոյ և սը  
 գալոյ, և անդադար աղօթելոյ  
 առաջի քո:

114. 'Իատեա տէր՝ զդատա  
 պարտողն իմ՝ որ յանդգնի ՚ի  
 վերայ իմ, մարտ եղեալ ընդ  
 իս ցանկութեամբ և անժուժ  
 կալութեամբ, ծուլութեամբ  
 և որկորստութեամբ, փառա  
 սիրութեամբ և մարդահաճու

Թեամբ, բարկու թք և սրամբ  
 տու թեամբ, ատելու թեամբ  
 և չարաչար հայհոյու թեամբ,  
 սնափառու թեամբ և սնապար-  
 ծու թեամբ, հայարտու թեամբ  
 և ամբարտաւանու թեամբ, բա-  
 նիւք և գործովք, մտօք և խոր-  
 հըրդովք զօրաժողով լինի 'ի  
 վերայ իմ. և ընկզմէ զիս 'ի խորս  
 չարեաց :

115. Սփռեա տէր՝ զչնորհս  
 քո 'ի վերայ մասանց անդամոց  
 իմոց. լցո տէր՝ զմարմին իմ ա-  
 րիու թեամբ և ժուժկալու թք,  
 և զհոգի իմ երկիւղիւ և դու-  
 ղու թեամբ. զսիրտ իմ սիրով  
 և արդարու թեամբ քո, և ըզ-  
 միտս իմ լուսով և իմաստու թք  
 քո. զխորհուրդս իմ հանձա-  
 րով գիտու թեան քո, և զոտս

իմ գնալ 'ի շաւիղս արդարու-  
 թեան, զձեռս իմ շօշափելով  
 'ի գործ ասպաշխարութեան, և  
 զբերան իմ անդադար սաղմո-  
 սել քեզ գոհութեամբ և օրհ-  
 նութեամբ. զաչս իմ յորդա-  
 բուղիս արտասուօք, և զհոտո-  
 տելիս իմ հոտոտել զհոտ գի-  
 տութեան 'ի կեանս. զլսելիս  
 իմ լսելով զձայնն աւետեաց  
 որ ասէ, « Թողեալ լիցին քեզ  
 ամենայն մեղք քո » :

116. Սինչև յերբ անսաս տէր  
 չար գործողին՝ որ ոչ յագի ի-  
 մով կորստեամբ, այլ հանապազ  
 սկիզբն առնէ չարեաց, և 'ի  
 բաց կորզեալ խափանէ զիս 'ի  
 բարեաց և յառաքինութեանց.  
 և հեռացուցանէ զիս 'ի սրբու-  
 թեանց, և 'ի յաւիտենից կե-

նաց արտաքս հանէ զիս : Խա-  
 ւարեցուցանէ զուսաւորու-  
 թիւն աչացս, և ասրականելով  
 գերէ զմիտս իմ և վարէ զիս  
 'ի չար ծառայութիւն յանցա-  
 նաց, և 'ի ձեռս անօրէն դահ-  
 ճացն մատնէ զիս, և տանի 'ի  
 տեղի չարչարանաց, և արկա-  
 նէ 'ի բանտ կասկանաց մահու-  
 կացուցանէ 'ի մէջ խաւարա-  
 սէր սպասաւորաց, և 'ի սոռու-  
 նքս մեղաց կասէ զիս : Եւ արդ-  
 ես եղկելիս զինչ լինիցիմ, եթէ  
 ոչ դու տէր՝ օգնես ինձ :

117. Տես տէր՝ զլալիս և զող-  
 բալիս, զսլաղատելիս և զեղ-  
 կելիս. ինձ ողորմեա անօրինե-  
 լոյս, և շնորհեա ինձ յորդ ար-  
 տասուս 'ի գիշերի, և ծագեա  
 գթութեամբ զնշոյլ շնորհաց

առ աւօտու : Բաց զխաւարեալ  
 աչս սրտի իմոյ, և բժշկեա զհի-  
 ւանդացեալ հոգիս իմ . ընկալ  
 զդարձ մեղաւորիս, և մի՛ բար-  
 կանար բազմամեղիս տէր իմ  
 յիսուս . և քանզի անթիւ ու-  
 նիմ զչարիս, ջնջեա յինէն և  
 տուր ինձ զշնորհս բարեաց :

118. Համարձակիմ տէր՝ ա-  
 ղօթել առ քեզ և ոչ դիտեմ  
 զհաճոյսն քո . խնդրեմ և ոչ ի-  
 մանամ զօգտակարն հոգւոյս,  
 յայտնեա ինձ ողորմած տէր՝  
 զկամս բարիս, և սւտ ինձ ըզ-  
 պատու իրանս քո : Ձբարիս՝ զոր  
 ոչ խնդրեմ և իմանամ, տէր  
 տուր ինձ . և եթէ ոչ դորձեմ  
 զբարիս, բարի արա ինձ տէր .  
 և եթէ ոչ խնդրեմ զողորմու-  
 թիւն, ողորմութիւն շնորհեա

ինձ տէր, և զհեռացեալս առ  
 քեզ կոչեա. և եթէ ոչ կամիմ,  
 բռնաւ որեա և ՚ի քեզ կորզեա.  
 և թէ կամիմ և եթէ ոչ կա-  
 միմ, դարձո զիս. և եթէ ըմ-  
 բրունիմ յումեքէ, զերձո զիս.  
 եթէ յերկրաւորս զբազեցայ,  
 ՚ի խորհուրդս հոգևորս զբա-  
 ղեցս զիս. եթէ այսր և անդր  
 գնալ ցնդիմ, մի թողուր զիս  
 մինչև ըմբռնեալ տարցես ՚ի  
 տեղի յարկի փառաց քոց :

119. Տէր իմ և աստուած իմ  
 յիսուս քրիստոս, դու ես իմ  
 օգնական, ՚ի ձեռս քո եմ. դու  
 պիտես զօգուան իմ, օգնեա ինձ.  
 մի թողուր զիս մեղանչել քեզ,  
 զի մոլորական եմ ՚ի չար դիւաց.  
 մի թողուր զիս հետևել կամաց  
 իմոց, մի թողուր զիս կորնչել

'ի մեղս իմ, այլ գթա յիս 'ի  
ստեղծուածս ձեռաց քոց . մի  
ընկենուր զիս յերեսաց քոց և  
զհոգիդ սուրբ մի հաներ յինէն :

120. Առ քեզ ապաւինեցայ,  
բժշկեա զանձն իմ զի մեղայ  
քեզ . առաջի քո են ամենայն  
նեղիչք իմ, և ոչ գոյ ինձ հան-  
դիստ բաց 'ի քէն, աէր . կեցս  
զիս վասն բազում ողորմութե  
քո, քանզի ամենեքեան յարու-  
ցեալ են 'ի վերայ իմ, որք խընդ-  
րեն զանձն իմ կորուսանել ըզ-  
նա . և զի դու կարող ես և հը-  
զոր յամենայնի, վերկեա զիս :

121. Ա'ի հայիր աէր՝ 'ի մեղ-  
կեալ սիրտս և 'ի զազրասէր մար-  
մինս իմ, զի հող եմ և մոխիր .  
սիրեմ զերկիրս և որ 'ի սմա, և  
ոչ փափագեմ նայել յերկինս

և որ 'ի նմա . այլ միշտ հեշտա-  
 նամ 'ի չարիս , և ոչ տեսանեմ  
 զանվախճան զփառսն . և ոչ յի-  
 շեմ զառաջին սուրբ հարսն զե-  
 րանելիսն , այլ ընդ տիղմն աշ-  
 խարհիս թաւալիմ . և ոչ մար-  
 բեալ վերանամ դասիլ ընդ ա-  
 ռաքինիսն : Եւ զի մտանամ  
 զերկիւղ դատաստանին , և ոչ  
 դողամ յահագին դառն տան-  
 ջանացն՝ որ կայ պահեալ մե-  
 զաւորաց . և ես ծուլանամ ան-  
 հոգ լինելով 'ի փրկութենէ կե-  
 նաց . շնորհեա ինձ տէր՝ սուգ  
 և կոծ անհանգիստ՝ և առաս-  
 արտասուս ապաշաւանաց :

122 . Մի յանդիմաներ զիս  
 տէր՝ յաւուրն մեծի ահեղին ,  
 և մի յատենի հրապարակին կա-  
 ցուցաներ զիս ամօթալի , և 'ի



տեղի ատենի մի խայտառակեր  
 զիս , և մի կշտամբեր յատեան  
 դատաստանին . և մի թողուր  
 ինձ զոչ գիտեմն լսել , և զա-  
 հաւոր բարբառն ահաբեկ՝ որ  
 ասէ , երթայք յինէն ՚ի հուր  
 գեհենին . և մի ՚ի բաց մեր-  
 ժեր ընդ վատ և ընդ չոր ծա-  
 ւային . և ՚ի ձեռն անօրէն կա-  
 պողի մի մատներ զիս , և մի  
 տար կերակուր որդանց թու-  
 նաւորաց ՚ի մէջ բորբոքեալ  
 բոցոյ , և մի արկաներ զիս ՚ի  
 խաւար սառնամանեացն տար-  
 տարոսին : Այլ փրկեա զիս  
 ՚ի սաստիկ կայծականց հրոյն ,  
 ՚ի բոցեղէն գետոց արշաւա-  
 նացն , ՚ի սաստիկ լալագին և  
 խիստ տանջանացն և յողբոյ  
 տարակուսանաց , ՚ի կափկափե-

լոյ ատամանցն և 'ի սարսուելի  
կսկծանացն, 'ի տոչորմանէ խա-  
ւարային բոցոյն և 'ի դժնդակ  
դառն աղէտից խորովելոյն, 'ի  
բոցածաւալ և 'ի շրջապատ հը-  
րոյն և 'ի կողկողածայն և յան-  
դադար վայոյն :

123. Բազմացաւ տէր՝ անօ-  
րէնու թիւն 'ի վերայ իմ իբ-  
րև զբեռն ծանր աղի կամ կա-  
պարի . բազում է ախտ 'ի հո-  
գիս իմ, և անխտիր եմ 'ի մեղս  
մարմնոյ, և զանազան չարեօք  
լցեալ եմ: Բայց այլ ինչ ունիմ  
վատթարագոյն՝ զանդղջու թիւն  
մարմնոյ, որ քան զամենայն չա-  
րիս է դառնագոյն . և զի յա-  
ղօթելն իմում ձանձրանամ, և  
'ի սաղմոսելն ոչ իմանամ . 'ի  
խնդրել զերանու թիւն պղեր-

դանամ, և յերկիւղէ շնորհաց  
դաաարկանամ . տկարանամ  
մարմնովս, և արձանս աղի սիրտ  
իմ լինի . և ոչ ծագէ 'ի ներս  
լոյսն անշիջանելի, և յաւուրն  
չարի ոչ սարսեալ դողամ:

124. Շնորհեա ինձ տէր՝ եր-  
կիւղ սրբութեան և սգոյ, և  
յորդեա առ իս աղբերս ար-  
տասուաց . և թեթեացս ըզ-  
ճանրութիւն բեռանց իմոց,  
և աճեցո առ իս զսուրբ աղօ-  
թքս: Փութացիր տէր՝ և եկ  
'ի խնդիր մոլորելոյս, որ մեր-  
ձեալ եմ 'ի վախճան կորստեան.  
վասն զի խաւարեցայ 'ի լուսոյ,  
և 'ի սիրոյ պատուիրանաց քոյ  
խառնանեցայ . 'ի չար թշնամ-  
ւոյն յաղթեցայ, և նուաղե-  
ցայ յերկիւղէ քու մմէ: Տա-

պալեցայ 'ի չար խորհրդոց չարին, և ցամաքեցայ 'ի շնորհաց արտասոււայ սիրոյ քո . խաբեցայ յունայն բանից, և 'ի լուսաւորութենէ մտաց մոլորեցայ . աղտեղացայ ցանկութք մեզօք, և զօր վախճանին մուսայցայ :

125. Տարակուսիմ անյոյս լինելով՝ որ ոչ գոյ հնար ապաշխարութե . զի մարմնուլս տկարացայ՝ պակասեալ 'ի զօրութենէ, և ծերացեալ նուազեցայ . սակայն 'ի քեզ ապաւինիմ տէր իմ յիսուս՝ հասիր յօգնութիւն ծանրաբեռնեալ ընկզմելոյս, և աղատեա զիս 'ի չարեաց, որ ազատիչդ ես 'ի յանցանաց :

126. Ի՞նչալ տէր՝ զգոյզն և

դշաղփաղփի աղօթս իմ, որ կամ  
 առաջի քո դատապարտեալ .  
 այլ և ծոյլ 'ի զգաստու թենէ՝  
 մոլորեալ եմ 'ի մտաց, և յեր-  
 կիւղէ ունայնացեալ եմ : Բե-  
 րան իմ այլ ընդ այլոյ բարբան-  
 ջէ . աչք իմ պշնու, և միտք իմ  
 դբաղնու, ոչ անզբօս աղօթեմ,  
 և ոչ սրտի մտօք խնդրեմ . ոչ  
 հաւատով առ քեզ դռչեմ, և ոչ  
 երկիւղիւ կարդամ . ոչ արտաս-  
 ուօք հայցեմ, և ոչ դողամ և  
 սարսիմ վասն աւուրն պատաս-  
 խանատուութեանց : Եւ արդ՝  
 տէր իմ, մի անսար պղերգու-  
 թեանս իմոյ, այլ վութապէս  
 արկ յապաշխարութիւն և 'ի  
 բովս մայրութեան հրոյ սրբ-  
 բեալ և տղատեալ 'ի մեղաց :  
 Մեծաւ ջերմամբ եռացս և 'ի

յորդոր արտասոււս և 'ի պաղա-  
տանս և 'ի խնդրուածս . և ար-  
պաւորեա յիս զառաջին լու-  
սաւորութեան կերպարանն :

127. Աղորմեա տէր՝ մեղաւո-  
րիս և բացադիմի յանցաւորիս  
անթիւ բազմութիւնք , և դարձո  
յապաշխարութիւնն զգերիս վը-  
տարանդեալ , և մոյծ զիս յար-  
քունական վառան , առաջնոր-  
դեա ինձ զվերին ճանապարհն  
դալ առ քեզ . զի եթէ դու ոչ  
առաջնորդեսցես ինձ , ես ոչ կա-  
րացից դալ առ քեզ , զի դու  
իսկ հրամայեցեր՝ եթէ « Աչ որ  
գայ առ իս , եթէ ոչ հայր իմ  
ձգեսցէ զիս » : Եւ արդ տէր  
իմ գթած՝ մի յիշեր զմեզս իմ  
յաճախ լըբութեանս , և զանց  
առնես 'ի ծառայէ քումմէ . մի

Թողուր զիս մնալ 'ի նոյն չարիս,  
 և 'ի կեանս աշխարհիս սպառիլ:  
 այլ որպէս ընթացեալ զկնի  
 ծառայի փախուցելոյ՝ այսպէս  
 դարձուցանելով զիս Թողցես  
 գյանցանս իմ, և արասցես հա-  
 ղորդս սրբոց կամարարաց քոց:

128. 'Երբ թէ տէր՝ զցասու մն  
 բարկու թեան քո յինէն, որ մե-  
 ղօք բազմօք իմովք տրտմեցու-  
 ցի զքեզ, ողորմես ապստամ-  
 բելոյս 'ի քէն, և զանհնարին  
 դիզեալ կոյտս մեղաց իմոց ցըր-  
 ւես, ընդ քաղցր լծոյ ծառայ-  
 ու թեան քո բեւեռես զմիտս  
 իմ:

129. Պարզ և ես ինձ տէր յի-  
 սուս՝ զլալու մն դաւ թի և զող-  
 բու մն երեմիայի, զհառաչու մն  
 պետրոսի և զյորդառասս վտա-

կըստ արտասուեաց կնոջն պոռնը-  
 կի . զի նստեալ լացից անդա-  
 դար 'ի տունջեանն և 'ի գիշերի ,  
 զի թերևս արժանի եղէց սըր-  
 բիլ 'ի յաղտոյ և 'ի թարախոյ ,  
 և յորդնալից հոտարձակ վիրաց  
 մեղաց զերծանիլ , և 'ի բաղմա-  
 բեռն չարեացս թեթևանալ և  
 դասիլ ընդ սուրբս քո :

130. Աղորմել ինձ տէր՝ մի  
 յամենար , զի առանց վաստա-  
 կելոյ քո յիս՝ ոչ երբէք գործի  
 բարի , և ոչ սերմանեալն յանդս  
 հոգւոյ իմոյ բուսանի . զի սերմն  
 բանի քո՝ որ յիս սերմանեցաւ ,  
 'ի չոր թշնամւոյն քաղեցաւ .  
 և բուսեալն՝ ոմն 'ի տապոյ ջեր-  
 մու թեանն չորացաւ , և ոմն 'ի  
 մէջ փշոցն անկեալ հեղձեալ  
 ցամաքեցաւ . մշակելով քո յիս



տէր՝ լծեա զերկուս աչս ե-  
զանց՝ որ յիս, արտասու ագոջ  
ձայնիւ պաղատիլ առ քեզ յա-  
րածամ, զի արժանի գտայց ո-  
ղորմութեան քում:

131. Շնորհեա տէր՝ զխաղա-  
ղու թի եկեղեցւոյ քում սրբոյ,  
և ամենայն հաւատացելոյ՝ թա-  
գաւորաց և իշխանաց, զօրաց  
և զօրավարաց, ՚ի ճակատու  
պատերազմաց յաղթել անօ-  
րէն բռնաւորաց:

132. Աղորմեա տէր՝ առաջ-  
նորդաց եկեղեցւոյ, հայրապե-  
տաց և վարդապետաց, երի-  
ցանց՝ սարկաւագաց՝ դպրաց՝  
և ամենայն ուխտի մանկանց ե-  
կեղեցւոյ առնել զիրաւունս և  
զարդարու թի յամենայն ժամ,  
հալուել զժողովուրդս քո, և

տքնել վասն հոգւոց նոցա, ա-  
սելով՝ ահաւասիկ ես և ման-  
կունք իմ զոր ետուը ցիս:

133. Ողորմեա տէր յիսուս  
քրիստոս՝ կարօտելոց և տարա-  
կուսելոց, որբոց և այրեաց,  
տնանկաց և տանց հաւատա-  
ցելոց, կենդանեաց և ննջեցե-  
լոց, և որք ընծայաբերք են ե-  
կեղեցւոյ, աղքատաց, կերակրո-  
ղաց, ողորմածաց, երկիւղածաց  
և հիւանդաց, նաւորդաց և  
ճանապարհորդաց, խոստովա-  
նողաց և ապաշխարողաց, և  
անդարձ մեղաւորաց ողորմեա  
տէր, և դարձո զնոսա յապաշ-  
խարու թիւն:

134. Ողորմեա տէր՝ եղբարց  
մերոց, ծնողաց և ամենայն ա-  
րեան մերձաւորաց իմոց, կրօ-

նաւորաց և միանձանց ճրգ-  
 նաւորաց, և որք ողորմու թիւն  
 պարգև եցին մեզ, և որք յանձն  
 արարին զինքեանս յաղօթս մեր  
 յիշել: Ողորմեա տէր բարե-  
 րար բարեաց, և ըստ իւրա-  
 քանչիւրոց սկիտոյից բաշխեա  
 առատապէս զնորհս հոգւոյդ  
 սրբոյ ՚ի վերայ ամենեցուն սո-  
 ցա. զարդարեա և միացո ՚ի  
 սէր աստուածու թեան քո:

135. Աղաչեմ տէր յիսուս՝ և  
 անկանիմ առաջի քո սբ խաչին,  
 բարեխօսու թեամբ սորա զա-  
 զաչանս իմ ընկալ, և զինդըր-  
 ւածս իմ կատարեա, և զօրու-  
 թեամբ սորա զօրացո զիս ՚ի կոչ-  
 մանս յոր կոչեցայ, և ՚ի պատուի-  
 րանս քո զոր ուսայ: Տուր ինձ  
 տէր՝ զսա ՚ի զօրութիւն և ՚ի

Ժու ժկալու թիւն, 'ի զգաստու  
 թիւն և յառողջու թիւն՝ լինիլ  
 պահապան անձին իմոյ 'ի տը  
 ւընջեան և 'ի գիշերի և յամե  
 նայն ժամու, 'ի ննջել և 'ի յառ  
 նել, 'ի գնալ և 'ի դադարիլ, 'ի  
 գործել և 'ի վաստակել, յաղօ  
 թել և 'ի պահել, և զհաճոյս  
 կամաց քոյ կատարել: Սա ե  
 ղիցի ինձ բերդ ամուր, և աշ  
 տարակ հղօր երեսաց թշնամ  
 ւոյն, զարդարեա զիս սովաւ 'ի  
 զարդ հոգեղինաց և 'ի լոյս ի  
 մանալի: Եւ յաւուրն ասեղի  
 բարբառոյ գաբրիէլի յերևիլ  
 օրբոյ խաչիդ՝ լուսաւորեա ըզ  
 խաւարեալ հոգիս, վերանալ  
 լուսով ընդ առաջ անմահ փե  
 սայիդ, խառնիլ յերամս հայ  
 րապետաց և 'ի դասս մարտի

բոսացն և 'ի գունդս հրեշտա-  
կացն :

136. Բարեխօսու թք սրբու-  
հւոյ աստուածածնիդ և անա-  
բատ միշտ կուսիդ և յովհան-  
նու կարապետին և սրբոյն ըս-  
տե միաննոսի առաջին մարտիրո-  
սին, և սրբոյն գրիգորի լուսա-  
ւորչին և ամենայն սրբոց վը-  
կայից քոց՝ որք միացեալ 'ի սէր  
աստուածու թեանդ քո, լուր  
ինձ եղկելոյս՝ և մեղուցելոյս  
ողորմեա. խնդիր արա ինձ կու-  
րուսելոյս, և գլորելոյս ձեռքն  
տու լեր, և մոլորելոյս առաջ-  
նորդեա, և 'ի խաւարէ հան-  
ցես զիս 'ի լոյս, և հոգւոյ իմոյ  
ազատու թիւն շնորհեա : Հաս-  
տատեա 'ի սէր քո, և բնեռեա  
յերկիւղ քո. զտաճար հոգւոյ

իմոյ մաքրեա , և առ իս օթե  
 ւանեա : Փակեա զգուռն մե  
 զաց իմոց, և պարսպեա շուրջա  
 նակի յոսոխէ իմմէ , և ՚ի մար  
 դոյ չարէ և յանիրաւէ փրկեա ,  
 և զարդարեա զիս գործովք ա  
 ռաքինու թեամբ , և պարգևեա  
 ինձ զանճառ երանու թիւն քո :  
 Կենդանեաց մերոց ողորմեա ,  
 և զհոգիս ննջեցելոց մերոց լու  
 սաւորեալ պայծառացո յար  
 քայու թեանդ երկնից :

137. Բարեխօս առ քեզ ու  
 նիմբ զառաքեալսն և զմարգա  
 րէսն , և զամենայն սուրբ մար  
 տիրոսսն , զհայրապետսն և ըզ  
 վարդապետսն . լուր աղաչանաց  
 նոցա , և ազատեա զիս ՚ի մեզաց  
 իմոց . տնկեա յիս հոգի շնոր  
 հաց , և յորդորեա զիս բարիս

գործել : Ի ծուլանան իմում  
 բռնաւորեա , և ողորմութիւն  
 ՚ի քեզ կոչեա . խափանեա զիս  
 ՚ի չար գործոց , և սերմանեա  
 յիս պտուղ բարեաց . քաջա-  
 լերեա զիս ՚ի նեղութեան ի-  
 մում , մխիթարեա ՚ի վշտի : Ար-  
 ժանի արա զիս տէր իմ և աս-  
 տուած իմ յիսուս քրիստոս՝ լի-  
 նիլ քեզ խաչակից մինչև ցը-  
 մահ . որպէս զի ՚ի հեշտութեց  
 աշխարհիս հրաժարեցից , և ե-  
 ղեց երանելեացն դասակից , և  
 աւազակին եղեց հաղորդ , և ՚ի  
 դրախտին վայելեցից զկեանս  
 անմահս :

138. Յաւուրն իմոյ վախ-  
 ճանի հրեշտակ բարի ինձ ա-  
 ռաքեա՝ քաղցրութեամբ ա-  
 լանդել զհոգի իմ , ընդ ուղիղ

Ճանապարհ առաջնորդեա , և  
 զգազանն դարանակալ կործա-  
 նեա . անցո զիս անխռով ընդ  
 օդս խաւարայինս , և զերծո 'ի  
 շարաժանի գազանէն . սպրեցո  
 և աներկիւղ պահեա , և 'ի կայա-  
 նըս սրբոցն հանգո՝ սպասել և  
 ակն ունիլ գալատեան քո :

139. Յորժամ գաս տէր՝ յեր-  
 կնից ահեղ փառօք և անթիւ  
 դասուք հրեշտակօք , և զարհու-  
 րեալ դողան առ հասարակ տա-  
 րերք ամենայն՝ երկնայինք և  
 երկրայինքս . յակնարկելքո զօ-  
 բու թէդ՝ սարսին յահեղ փա-  
 ռաց անմահ թագաւորիդ և  
 անճառ դատաստանիդ . և ան-  
 ներելի պատուհասիդ : Յայնմ  
 աւուր և զիս ընկալ տէր՝ ընդ  
 արդարս և ընդ կատարեալս քո ,



և կարգաւորեա ընդ աջմէ դասուն, և պսակեա ընդ սուրբս քո . և շնորհեա ինձ զկեանս յաւիտենից, և զանձառ բարիս քո պարգևեա ինձ . և քեզ փառք արարողիդ՝ և պարգևողիդ իմոյ բարեաց :

140. Յիշեա տէր՝ զհոգիս ննջեցելոյ մերոց յաւուր մեծի քու մզալստեանդ՝ յորժամ գաս յերկնից անձառ փառօք, ահեղ և սոսկալի զօրօք, հրանիւթ և հոգեղէն զուարթնօք : Ահաւոր հուր առաջի քո ընթացեալ տարածանի, կիողէ զլերինս՝ և հալէ զբլուրս, և զարարածս ամենայն առհասարակ տապալէ . յայնմ աւուր ահեղին ուղորմեա ինձ մարդասէր, զի գինս սուրբ արեան քո եմ : Յորժամ

զաղբիւրս ցամաքեցուցանես ,  
 և զգնացս գետոց դադարեցու  
 ցանես , զծովու ջրոյն զանբա  
 ւութի սպառեցուցանես , ըզ  
 լուսաւորս խաւարեցուցանես ,  
 փողն ահագին ընդ տիեզերս ա  
 մենայն հնչի և զմեռեալսն զա  
 մենայն զարթուցանէ և զաշ  
 խարհս ամենայն դողացուցա  
 նէ , և արարածք ամենայն յա  
 ըուցեալ կան առաջի աստուա  
 ծու թեանքո : Յայնժամ դնես  
 զդատողական աթոռքո , և ընդ  
 քեզ բազմեցուցանես զերկո  
 տասան առաքեալսն . անաչառ  
 դատաստանաւ դատիս և յա  
 մենեցունց զարդարու թի պա  
 հանջես , զկամարարս քո պա  
 տուես , և զապստամբեալսն ՚ի  
 ձայնէ կոչմանքո պատժես , և

զարդարսն փառաւորես, զմար-  
 տիրոսսն և զսուրբ վկայսն պը-  
 սակես, զիմաստունն սբ կուսան-  
 սըն զարդարես, և յիմար կու-  
 սանացն զառագաստին դուռն  
 փակես, և ՚ի փառացն և յերա-  
 նութեանցն հալածես, զօդիսն  
 քո ընտրես, և զայծիսն ՚ի քէն  
 ՚ի բաց մերժես և ՚ի գեհեանն  
 առաքես՝ ուր լալումն է աչաց,  
 և դառնագոյն կսկիծ ահեղ  
 տանջանաց, և հրեղինաց չար  
 որդանցն թունաւորաց կտառ-  
 ղացն գազանաց՝ կրճումն ա-  
 տամանց :

Արդ՝ գթա և յիս յայնժամ  
 մարդասէր տէր և բարերար  
 փրկիչդ իմ յիսուս քրիստոս, և  
 ողորմութեամբ քով գթասցիս  
 ՚ի հոգիս ննջեցելոց մերոց՝ որք

հաւատով 'ի քեզ ննջեցին, զորս  
 յարուցեալ կացուցես աւաջի  
 ահաւոր քո մեծի դատաստանիդ՝  
 յայն տիեզերական ահեղ  
 հրապարակին: Յորժամ յայտնին  
 ամ գործք բարւոյ և չարի  
 անթաքչելի 'ի մէջ ատենին,  
 յայնմ աւուր ահեղի թողու  
 թիւն շնորհեա յուսացելոց քոց,  
 որք յանուն քո սբ ննջեցին  
 յերկրի, զորս գնեցեր պատուական  
 արեամբդ քո: Չնջեա զձեռագիր  
 ամենայն մկրտելոցս 'ի քեզ,  
 և թող զպարտիս յանցանաց  
 ամենայն հաւատացելոց զկամայից  
 և զակամայից ընդ աջմէ  
 քումմէ դասեա, և զերանական  
 զձայնն 'ի լսելիս ամենայն  
 հաւատացելոց աւետարանեա  
 ասելով, եկայք օրհն

նեալք հօր իմոյ՝ ժառանգե-  
ցէք զյաւիտենից բարութիւնս :

141. Ա՛րդ՝ տէր իմ և աստ-  
ուած իմ յիսուս քրիստոս՝ բա-  
րերար ողորմած և մարդասէր՝  
անոխակալ և անյիշաչար՝ ըն-  
կալ զաղօթս և զխնդրուածս  
իմ, որպէս պաղատիմ և հայ-  
ցեմ ՚ի քէն վասն իմ և վասն  
ամենայն հաւատացելոց : Մի  
դարձուցաներ զերեսս քո ՚ի  
ժտողէս, այլ խոնարհեա յա-  
զաչանս իմ, և լուր ինձ մարդա-  
սէր տէր, և ցոյց յիս զսովորա-  
կան քո մարդասիրութեդ զո-  
ղորմութիւն, և ինայեա ՚ի մե-  
ղուցեալ ծառայս քո, և կար-  
գեա զիս ընդ աջմէ դասուն, և  
մի՛ կացուցաներ ՚ի ձախմէ ընդ  
ուլան՝ որք զայրացուցին զքեզ :

Եւ մի պահանջեր յինէն զան-  
 համար պարտիս յանցանաց ի-  
 մոց, և մի դատասպարտեր զմե-  
 ղաւորս յայնժամ. և մի յայտ-  
 նեոցին ծածուկ գործք ամբա-  
 ըրչաուլթեան իմոյ յանցանաց  
 յանաչառ քո ատենին՝ առաջի  
 հրեշտակացն և հրեշտակապե-  
 տացն և ամենայն սրբոց քոց  
 սիրողաց : Այլ յաղթեալ ՚ի  
 քումմէ մարդասիրուլթենէդ՝  
 արասցես սյցելուլ թիւն մեղու-  
 ցեալ ծառայիս քո. և մի ըստ  
 չար գործոց իմոց հատուցես  
 ինձ, և մի հրամայեր կասեալ  
 ոտիւք և ձեռօք հանել ՚ի խա-  
 ւարն արտաքին, ուր լիւ աչաց  
 է և կրճտել ատամանց. այլ  
 ըստ քում գթուլթեանդ և բա-  
 ըերարուլթեանդ և անյիշաչա-

բու թեանդ՝ ողորմեա ինձ բազմամեղիս : Յայնմ աւուր զերծս զիս յամօթոյն յաւիտենից , և փրկեա զիս յանվախճան տանջանայն , և ապրեցո զիս յաններելի պատուհասիցն . և բաց ինձ զգուռն ողորմութեանքո , և մի փակեր զգուռն արքայութեան :

Տէր իմ տէր՝ աստուած իմ աստուած՝ յիսուսքրիստոս, արժանի արա զիս զանարժանս յաւուրն յայնմիկ երանութեանց և անասականութեան սլարդեաց լուսոյ , և անսպառ յաւիտենից ուրախութեանց , և բարեաց հատուցմանց սրբոցն և արդարոցն , և զփառս երանելեացն վայելել միշտ , զի մրտից արժանապէս յառագաստ

անմահ փեսայիդ , և ժողան-  
 գեցից զանսպառ բարինն ընդ  
 ամենայն սուրբս քո՝ մաքուր և  
 յստակ և նք սրտիւ՝ համարձակ  
 երեսօք : Անհատ տեսից զքեզ  
 ընդ հրեշտակս , և ընդ սուրբ  
 սիրողս քո վայելեցից զանհաս  
 զանճառելիդ և զանեզր լոյս  
 երրորդու թեանդ՝ գոհանալով ,  
 և զուգահաւասար արասցես  
 ընդ սուրբս քո յօրհնաբանու-  
 թիւնս միշտ արժանասլէս , հա-  
 նապազ աստուածային անբստ-  
 ուեր լուսով քո պայծառացո :  
 Եւ անդադար երգով փառա-  
 լորեցից և բարեբանեցից և  
 վերօրհնեցից զամենանք զեր-  
 րորդու թիւնդ , այժմ և յաւի-  
 տեանս յաւիտենից , ամէն :



## Աղօթք

Դարձեալ նորին սրբոյն Եփրեմի :

Տէր երկնի և երկրի, իշխան մահու և կենաց, դատաւոր կենդանեաց և մեռելոց, քրիստոս աստուած, յոյս և ապաւեն հոգւոյս իմոյ. քեզ խոնարհեցուցանեմ զերկրպագութի և մատուցանեմ փառաբանութեամբ մաղթանս : Աւեր պարգևիչ՝ հայցուածոց իմոց, որ միայնդ ես առանց մեղաց. որ միայնդ ես սուրբ և ՚ի առերբս հանգուցեալ. որ միայնդ ես գթած և ողորմած : Աղորմեա ինձ աստուած ըստ մեծի ողորմութեան քում, և ըստ բազում գթութեան քաւեա զանորէնութիւնս իմ : Ստեղծիչ

իմ՝ ողորմեա ինձ և օրհնեա  
 զիս, երևեցո զերեսս քո առ իս  
 և հաշտեա ընդ իս: Ապրեցու  
 ցիչ իմ՝ դարձ առ իս, երևեցո  
 զերեսս քո և յիշեա զիս յար  
 քայու թեան քում: Դարձ առ  
 իս աստուած վրկիչ իմ, և  
 դարձո զսրտմտու թիւնս քո յի  
 նէն, մի՛ յաւիտեան բարկանար  
 ինձ, և մի՛ դարձուցաներ զե  
 րեսս քո յինէն. մի՛ բարկու թք  
 խրատեր զիս, և մի՛ սրտմտու  
 թեամբ քով յանդիմաներ զիս.  
 մի՛ յաւիտեան բարկանար ինձ,  
 և մի՛ յիշեր զչարիս իմ, և մի՛  
 պարտաւորեր զիս ըստ իմում  
 անօրէնութեա. մի՛ յաւիտեան  
 պահեր ոխս, և մի՛ ՚ի սպառ բար  
 կանար ինձ: Մի՛ ըստ մեղաց ի  
 մոց առներ, և մի՛ ըստ անօրէն

նութեան իմում հատուցաներ  
ինձ : Մի ընկենուր զիս յերե-  
սաց քոց , և մի խնդրեր զգիր  
յանցանաց իմոց , մի դատա-  
պարտեր զիս , զի ես ինձէն գի-  
տեմ զի անուղղայ եմ և յան-  
ցաւոր 'ի մանկութենէ իմմէ ,  
և անպատասխանի յամենայնի :

Այլ դու դատաւոր հզօր և  
անոխակալ , որ զյանցանս մե-  
ղացն թողեր զանառակ որդ-  
ւոյն , թող և ինձ զպարտիս մե-  
ղուցեալ և անարժան քո ծա-  
ւայիս , քանզի քո առատ բա-  
րերարութիւնդ յորժամ յիս  
ցուցցես , յայնժամ երևեսցի  
բարեգթութիւն քո , որ ար-  
ժանի եմ բիւր տանջանաց , զի  
զամենայն զկեանս իմ անառա-  
կութեամբ անցուցի , և ոչ կացի

'ի հրամանի քում: Այլ քաղց-  
 րացիք ինձ քաղցրութեամբ՝  
 քաղցր և բարի թագաւոր, և  
 հաշտեա ընդ բազմամեղիս:   
 Մի հայիր յիմ անհնազանդու-  
 թիւնս և 'ի ծուլութիւնս, մի  
 անարգեր զիս և մի թողուր  
 զիս և մի ընդ վայր հարկաներ  
 զիս: Զի թէպէտ ես զտա-  
 ճար հոգւոյդ սրբոյ ապակա-  
 նեցի իմով ծուլութեամբս և  
 անսռակ գնացիւքս, այլ դու  
 գթա յիս ստեղծիչ իմ ողորմած  
 և անյիշաչար: Մի ապականեր  
 դհոդի իմ գեհենաժառանգ-  
 այրմամբն յաւիտենականաւ.  
 այլ գթացեալ մարդասիրապէս՝  
 երկայնամիտ լեր առ իս, և նե-  
 րեա յանցանաց իմոց, և շնոր-  
 հեա ինձ ժամանակ զղջմամբ

արտասուեաց և ասլաշխարու  
 թեան : Եւ տուր զօրութիւն  
 և իմաստութիւն խորհել զօ-  
 րէնս քո 'ի տուէ և 'ի գիշերի ,  
 գործել զբարի և առնել զար-  
 գարութի առաջի երեսաց քոյ :  
 Համբառնամ առ քեզ տէր՝  
 զաչս իմ բոլորով սրտիւ իմով ,  
 կարգամ առ քեզ , քրիստոս առ-  
 տուած միամին որդի աստու-  
 ծոյ : Ար կամաւ որ խոնարհեցար  
 յանձառ փառաց , առեր զկեր-  
 սարանս ծառայի . և անսար-  
 տականդ յաղագս դատասար-  
 տութեան մերոյ համբերեցեր  
 մինչև զչարչարանս խաչի և  
 մահու յանձն առեր վասն փրկ-  
 կութեան ստեղծուածոյ քոյ :  
 Արդ՝ որ այսպիսի սէր ունիս  
 առ աղգս մարդկան , և կամիս

զի ամենայն մարդ կեցցէ և ՚ի  
 գիտութիւն ճշմարտութեան  
 եկեացէ, գթա ՚ի բաղմամեղս  
 գթած և մարդասէր տէր, և  
 կամեաց ընդ իմ փրկութիւնն,  
 և արա ողորմութիւն ինձ եղ-  
 կելոյս և թշուառականիս, որ  
 առաւել վիրաւորեալ եմ և  
 ողորմելի քան զամ մարդիկ:  
 Զի ոչ մի օր սիրեցի զքեզ ՚ի  
 բոլոր սրտէ իմմէ, և ոչ մի ժամ  
 յամ զօրութենէ իմմէ պահեցի  
 զպատուիրանս քո, այլ սղեւ-  
 գութեամբ և զբօսանօք ան-  
 ցուցի զամ ժամանակս իմ, և  
 աղտեղի խորհրդովք անցուցի  
 զկեանս իմ: Աւուրք իմ պակա-  
 սեցան, և անօրէնութիւնք իմ  
 բարձրացան, և ոչ գոյ ինձ յոյս  
 փրկութեան և տեղի ասպաւինի:

բայց միայն յուսացեալ եմ և  
ապաւինեալ յառատ ողորմու-  
թիւնքո՛ք բրիստոս աստուած :

Եւ արդ՛ անկեալ բխմամբ  
արտասուաց աղաչեմ զքեզ, և  
հառաչմամբ սրտիւ առ քեզ  
պաղատիմ. մինչչև եմ կորու-  
սեալ և մինչչև է ժամանակ  
դարձի իմոյ հասեալ՝ շնորհեա  
ինձ ժամանակ ապաշխարու-  
թեան, և յառաջ քան զվախ-  
ճանն արձակեա զիս ՚ի կապա-  
նաց մեղաց իմոյ, և անտես ա-  
րա զանթիւ անօրէնու թիս իմ :  
Որ ամենայն բարութեանց ես  
տէր, և իշխանդ ես թողուչ  
զմեղս, ծածկեա և արա ան-  
տեսութիւն անօրէնու թե՛ իմոյ  
յամենայն մեծութե՛ք բումմե՛ք :  
Մխիթարեա զվշտացեալ և ըզ-

տառապեալ զհոգիս իմ. և ար-  
ժանի արա զիս յայսմ հետէ ըստ  
կամոց քոց . քաղաքաւարել զայլ  
և ս պանդխտու թեան իմոյ ժա-  
մանակս : Եթէ կամիմ և եթէ  
ոչ կամիմ՝ բռնադատեա զիս ,  
և մի թողուր զիս ՚ի կամս ան-  
ձին իմոյ , մինչև տարեալ հա-  
տուցես յօթեւանս արքայու  
թեանդ երկնից :

Ի ուր տէր՝ աղօթից անար-  
ժան ծառայիս քո , և պաղա-  
տանաց իմոց ունկն դիր . որ ա-  
սացեր՝ թէ հայցեցէք և գրա-  
ջիք , բախեցէք և բացցի ձեզ ,  
և այժմ բաց ինձ տէր զդուռն  
ողորմու թէ՛ որ ողբալով կար-  
գամ առ քեզ : Եւ մի անտես  
առնէր զաղաչանս զմեղուցեալ  
անձին իմոյ . որ ոչ եկիր կոչել



զարդարս, այլ զմեղաւորս յա-  
 պաշխարու թիւն : Արդ՝ խո-  
 նարհեալ անձամբ և բեկեալ  
 սրտիւ և ամօթալից երեսօք  
 անկանիմ առաջի քո և աղա-  
 զակեմ առ քեզ . Հայր, մեղայն  
 յերկինս և առաջի քո . թէպէտ  
 և ոչ եմ արժանի կոչիլ որդի քո  
 յաղագս ապականեալ վարուց  
 իմոց, և ոչ անուանել զանուն քո  
 գարշելի բերանով իմով, այլ  
 համարձակիմ ՚ի գթութի քո,  
 զի գիտեմ զքեզ քաղցր և անու-  
 խակալ, բազմախնամ և երկայ-  
 նամիտ առ արարածս քո : Եւ  
 յաղագս այնորիկ ժտելով պա-  
 զատիմ առ քեզ . և յառաջ քան  
 զդնել ատենին սղաչեմ, և նախ  
 քան զփակել դրանն ապաշխա-  
 րութե և հատանել անդարձ

վճռին՝ զարտասոււս իմ՝ արկա-  
 նեմ առաջի անոխակալ գթու-  
 թեանդ քո, ողորմած տէր եր-  
 կայնամիտ, քաղցր և անյիշա-  
 չար մի՛ ընդ քանքարաթաքոյցսն  
 դատասպարտեր զիս, և մի՛ ընդ  
 յիմար կուսանացն փակեր ըզ-  
 դուռն արքայու թեան քո, մի՛  
 ընդ չար և ընդ վատ ծառայիցն  
 լծակցեր զիս, և մի՛ ընդ անհա-  
 ւատսն և ընդ հերձուածողսն  
 դներ զբաժին իմ, մի՛ ընդ պոռ-  
 նիկսն և ընդ չարագործսն կու-  
 րուսաներ զիս, և մի՛ ընդ ախ-  
 տաւորսն և ընդ շաղախեալսն  
 հողւով հաներ զիս ՚ի կենացն :  
 Այլ զերծո զիս յանեզրական  
 տանջանացն, և ասլրեցո յան-  
 հանդիստ ալէկոծու թեանց, և  
 փրկեա յանմահ մահուանէն,

և աղատեա յաւիտենական ա-  
 մօթոյն . զերծո 'ի միշտ լալոյն  
 և հանապազորդ ողբալոյն : Մի'  
 սարագիր առներ և մի' մերժեր  
 զիս 'ի քո դասուցն և յերանա-  
 լէտ կենացն . մի' անբաժին հա-  
 ներ զիս . 'ի հայրենի ժառան-  
 գու թենէն , և մի' զըկեր զիս  
 յերկնաւոր հարսանեացն , և մի'  
 կարօտ սրահեր զիս 'ի քո ան-  
 ճառելի տեսլենէդ : Այլ շնոր-  
 հեա ինձ ընդ արժանաւորսն և  
 ընդ կատարեալ ոգիսն վերա-  
 նալ լուսեղէն ամպովք ընդ ա-  
 ռաջ քո յօդս , և սարգ երեսօք  
 և աչալըջու թեամբ կալ առաջի  
 քո տէր : Եւ վասն քո փառա-  
 ւորեալ և հզօր և ահեղ թա-  
 գաւորութեանդ մի' մտաներ  
 'ի դատաստան ընդ ճառսցիս քո ,

և մի հատուցաներ ինձ ըստ ա-  
 նորէնու թեանս , և մի ամաչե-  
 ցուցաներ զիս առաջի անթիւ  
 և ահեղ բանակաց քոց . այլ  
 սղորմեա ինձ , զի ոչ ոք է հա-  
 կառակ քեզ , և սլարգեւեա ինձ  
 զքո արքայու թիղ : Ընդ սուրբս  
 քո դասեա , և ընդ արդարան  
 պսակեա . ընդ սիրելիսն քո օրհ-  
 նեա , և ընդ կամարարս կամաց  
 քոց յարազուարձ ուրախու-  
 թիւնսն ուրախացո . և առա-  
 տապարգև փառօք փառաւո-  
 րեա զիս տէր , 'ի լուսեղէն  
 երամս արդարոց՝ ընդ նոսին  
 հանգչել 'ի վերինդ երուսա-  
 ղէմ՝ յանստուեր և յաստ-  
 ւածակեաց ուրախութիւնդ .  
 զի ընդ նոսին համաձայնեալ  
 փառաւորեցից զամենասուրբ

զերրորդու թիւնդ յաւիտեանս  
 յաւիտենից . ամէն :



Աղօթք նորին դարձեալ :

Տէր իմ յիսուս քրիստոս՝ մի  
 մտանէր 'ի դատաստան ընդ  
 ծառայիս քո , և մի տար այ-  
 լում զդատաստանս իմ , այլ 'ի  
 փառաւոր բեմին մերձենալ զիս  
 արժանաւորեա . քանզի զոր աս-  
 տուած դատի , ողորմութեան  
 արժանի լինի : Լսելով զայս 'ի  
 հանճարեղաց և յիմաստնոց և  
 'ի սրբոց առաքելոցն զայսոսիկ՝  
 ասեմ . զի ամենայն ոք որ ըզ-  
 թագաւոր տեսանէ , թէպէտ  
 և մեղուցեալ է՝ ոչ մեռանի :

Աղաչեմ զքեզ՝ ստեղծիչ իմ և  
 փրկիչ իմ, մի՛ զիս 'ի նեղելն ի-  
 մում թշուառացուցաներ. մի՛  
 խորտակելով չարչարեր զիս =  
 Քանզի եթէ արժանապէս ըստ  
 գործոց այց արասցես ինձ, յեր-  
 կոցունց կողմանց կազմի ինձ  
 որոգայթ կորստեան. զի յոր-  
 ժամ յիշեմ զգործս իմ զան-  
 ըմբերելի, դողումն 'ի վերայ  
 իմ անկանելով խորտակեն զիս,  
 և սառսուռ դժնեայ ունի զիս  
 յորժամ վստահանամ հատու-  
 ցումն ընդունել 'ի հանգըս-  
 տեանն՝ որ առաջի կայ, և ոչ  
 կարեմ համբերել: Եւ յառա-  
 ջագոյն յայտ առնէ ատամանց  
 իմոց կրճտումն, որ անդ առաջի  
 կայ ինձ ցաւքն և սառսուռքն =  
 Տես տէր՝ զխոնարհութիս իմ

և գթա յիս : Աղաչեմ զքեզ՝  
 միածին որդի աստուծոյ, ար-  
 ժանի արա զիս թողութեան  
 մեղաց, և մի հատուցաներ ինձ  
 ըստ վարձուց վաստակոց իմոց .  
 քանզի եթէ զանօրէնութիս իմ  
 պահեսցես, ո՞վ տեսցէ քեզ .  
 և եթէ ըստ մեծութե քում  
 հատուցանես մեզ ողորմութի,  
 արժանի դտանիմք ՚ի դատաս-  
 տանի քում. քանզի անբերան  
 խցցի և դատապարտեսցի ան  
 աշխարհ առաջի աստուծոյ :  
 Արդ ոչ եթէ զքո շնորհսդ ար-  
 համարհելով յառաջ բերեմ  
 զայսոսիկ, այլ զգրեալսն խօսիմ՝  
 երկայնամիտ քրիստոս : Զի՞նչ  
 օգուտ իցէ քեզ ՚ի մարմնոյ ի-  
 մոյ, եթէ ՚ի բորբոքեալ հուրն  
 առաքեցայց. արա ընդ իս ըսա

ողորմուածեան քում զգծու  
 թիւն քո, և ծանիցի ամենեցուն  
 շնորհք քո և երկայնամուծ թիւն  
 քո : Եթէ զդատաստան ամե  
 նայն երկրի առնես, որպէս պա  
 տուիրանք քո յայտնեցին, ոչ  
 ապրեսցի մի 'ի հաղարաց, և  
 'ի բիւրոց ոչ փրկեսցին : Այլ  
 զինչ հոգալով խօսիմ զայս ես  
 տառապեալս . աղաչեմ փրկիչ  
 ոչ զի զուգեսցես զմեզաւորսն  
 ընդ արդարսն . քեզ մաղթեմ  
 բարերարուծե՛ն որդի, զի ար  
 ժանի արասցես զգծուծի քո  
 սիւեղ 'ի մեզ, յիս և 'ի մերձա  
 ւորս իմ : Դարձեալ աղաչեմ և  
 ոչ դադարեցից երբէք յայտցա  
 նէ . զի թէ ոչ զգուշուծիւն քո  
 ձգեսցես 'ի մեզ, ոչ ոք կարող է  
 տեսանել զկեանս :



Աստուած՝ գթութեամբդ քո  
 աղաչեմ գթեղ, մի կացուցաներ  
 զիս ընդ ուրն ՚ի ձախմէ քում  
 մէ՛ որք զայրացուցին գթեղ, և  
 մի ասիցես թէ ոչ գիտեմ ըղ-  
 քեղ. այլ տուր ինձ յաղագս  
 գթութեան քո մշտնջենաւոր  
 ողբումն և զղջումն. նուաստա-  
 ցո զսիրտ իմ և սրբեա զսա, զի  
 լիցի տաճար շնորհաց քոց: Զի  
 թէպէտ մեղաւոր եմ և ամ-  
 բարիչտ, սակայն հանապազ  
 զդրունս քո բախեմ. զի թէ  
 դանդաղկոտ եմ և պղերգ, սա-  
 կայն զճանապարհս քո կամիմ  
 գնալ: Տէր իմ և փրկիչ, ընդէք  
 զիս լքանես. գթա յիս, վասն  
 զի դու միայն ես առանց մե-  
 ղաց. հան զիս ՚ի տղմոյ անօրէ-  
 նութեան իմոյ, զի մի ընկլայց

յաւիտեան : Փրկեա զիս 'ի բե-  
 րանոյ թշնամւոյն իմոյ, զի ահա  
 իբրև զառիւծ մռնչէ կամելով  
 կլանել զիս . զարթո զզօրութի  
 քո, և եկեացէ կեցուցանել զիս .  
 փայլատակեա զփայլատակունս  
 քո, և քայքայեա զզօրութիւն  
 նորա . երկիցէ և զարհուրեացի  
 յերեսաց քոյ, քանզի տկար է  
 և ոչ ունի զօրութիւն կալ ա-  
 ռաջի քո : Եւ արժանաւորեա  
 զիս ընդ փրկեալսն խաչիւ և  
 արեամբ քով գոհանալ և փա-  
 ռաւորել զքեզ ընդ հօր և  
 ընդ սուրբ հոգւոյն, այժմ և  
 միշտ և յաւիտեանս յաւիտե-  
 նից . ամէն :

Աղօթք նորին դարձեալ :

Տէր աստուած զօրութեց՝  
 աղաչեմք զքեզ, որ մեծդ ես և  
 ահաւոր, ահեղ և սքանչելի, ա-  
 նեղ և անանցանելի, անբաւ  
 և անբովանդակելի և ամենեին  
 անքննելի և անիմանալի և ան-  
 հաս, ՚ի վեր քան զամենայն և  
 ամենեցունց օրհնեալ գովեալ  
 և փառաւորեալ, անյիշաչար  
 գթած և մարգասէր : Քանզի  
 դու միայն ես հայր ամենակալ  
 և արարիչ ամենայն լինելու-  
 թեանց, զորս ՚ի չգոյէ գոյա-  
 ցուցեր, և ունիս ՚ի հաստա-  
 տութեան, և դու տէր՝ որ տէր  
 ես ամենայնի, և ամենայն ա-  
 րարածք քոյով հրամանաւ դ կա-  
 ռաւարին : Դու ես ամենեցուն

օգնականն և պահապանն . դու  
 բժշկես զվիրաւորեալսն ՚ի բան-  
 սարկուէն, և առողջացուցանես  
 զհիւանդացեալս մեզօք . ընդու-  
 նիս զխոստովանողսն և զասպաշ-  
 իարողս , և քաւես և սրբես  
 զյանցանսն մեղուցելոց : Ասան  
 որոյ ես կարի լի եմ մեզօք , առ-  
 քեզ անկանիմ յարածամ , ա-  
 զաչեմ և մաղթեմ և խնդրեմ  
 ՚ի քէն զթողութի . դու նայես  
 յիս փրկիչ՝ մարդասիրութեալ ,  
 և ընկալ գթութեամբ քով ըզ-  
 գերեալս ՚ի չար թշնամւոյն :  
 Խոնարհես տէր՝ ՚ի մաղթանս  
 իմ , և բժշկես զհոգւոյս իմոյ  
 զխոցոտումն յաներևոյթ նե-  
 տից սատանայի :

Տես տէր՝ զտառապանս քո  
 ծառայիս , և շնորհես զթողու-

Թիւն անթիւ յանցանաց իմոց  
 զոր մեղայ : Լուր տէր՝ ձայնի  
 ողբալոյս և ցաւագին պաղա-  
 տանացս , զի կարօտ եմ շնորհի  
 քո և ողորմութեանդ : Թող  
 տէր՝ զյանցանս իմ բազմամը-  
 թեր և զմեղս իմ զանհամարս  
 մինչև հասեալ իցէ դատաս-  
 տանի քո . փարատեա յինէն  
 զանգեղջութեան խաւարն՝ որ  
 տարածեալ կայ ՚ի սիրտս , և  
 զեղջ հաստատեա . յորդորեա  
 զիս յարտասուս և ՚ի զեղջ ա-  
 պաշխարութեան հանապաղ :  
 Շնորհեա ինձ փրկիչ՝ զղջումն  
 արտասուաց մարգարէին , որով  
 զմահիճս թանայր , զի և ես ըզ-  
 վէր հոգւոյս իմոյ լուացից հե-  
 ծեծանօք և պաղատանօք և ող-  
 բագին արտասուօք : Գիտեմ

ատէր՝ զի յանցանք իմ անթիւ  
 են առաջի քո մարդասէր, այլ  
 և անբաւ են ողորմութիւնք քո  
 ՚ի վերայ ապաշխարողաց . ընդ  
 որս և ինձ ողորմեա, ինձ որ  
 առաւելս եմ անօրինեալ քան  
 զամենայն մարդ : Եւ շեմ ար-  
 ժանի առ քեզ ՚ի վեր հայել  
 բարերար՝ ՚ի բազմութենէ պա-  
 տահեալ յանցանացն զոր գոր-  
 ծեցի . այլ դու ատէր՝ հայեաց  
 ՚ի վարանումն տարակուսանաց  
 իմոց յերկեղէ գեհեներն, և  
 մի անդեղջ և անապաշաւ հա-  
 ներ զիս յաշխարհէս լի յան-  
 ցանօք : Այլ ՚ի վայրս տարժա-  
 նելի վաստակոց և ՚ի ջան կա-  
 տարեալ ապաշխարութե առ-  
 զհոգի իմ յինէն, և խառնեա  
 ՚ի թիւ ճշմարիտ ապաշխարո-

զայն արդարացելոցն՝ որ ՚ի փա-  
 ռս քո վայելեն : Աչ վասն իմ  
 ինչ վարուց եմ արժանի սղոր-  
 մութեան քո՝ մարդասէր , սյլ  
 վասն գթութեան քո տէր՝ շը-  
 նորհեա ինձ թողութիւն յան-  
 ցանաց իմոց , և օգնեա ՚ի մար-  
 տի թշնամւոյն ծուլացելոյ ծա-  
 ռայիս քո՝ բարերար . քանզի  
 բազում անգամ խոստովանե-  
 ցայ և ապաշխարեմ , և ա-  
 նորէն թշնամին ժամ ՚ի ժամ  
 ձգելով կորոյս զկարողութեան  
 ժամանակն ապաշխարելոյ :

Այլ արդ եթէ ոչ գու տէր՝  
 օգնեսցես և շնորհիւ քո զօրա-  
 ցուսցես , չիք ինձ ՚ի գործոց  
 իմոց ՚ի փրկութիւն . զի թէ-  
 սկտ և բանամ զբերան իմ յա-  
 զօթել , և զձեռս իմ առ քեզ ՚ի

վեր համբառնամ յաղաչանս ,  
 անդրէն զսիրտ իմ սատանայ  
 սլատրուակէ , և զմիտս մերժէ  
 յաստուածային յերկեղէ , զա-  
 նազան և զազիր խորհրդովք  
 զբաղեցուցանէ և ընդունայն  
 հանէ յաղօթիցն : Ասան որոյ  
 զվրկիչդ իմ աղաչեմ , փրկեա  
 զիս 'ի սլատերազմէս յայսմանէ .  
 քանզի կարի նեղեալ եմ 'ի նեն-  
 գութենէ թշնամւոյն՝ որ եր-  
 բեմն 'ի հաւատս յորդորէ յօ-  
 ժարամիտ սրտիւ խնդութք , և  
 երբեմն 'ի մեղս ընկենու ոչ յի-  
 շելով զքոց գեհենոյն . զոր ոչ  
 զգացի , և ոչ լալով լուացի ըզ-  
 վիրաց յանցանաց իմոց փտու-  
 թիւնս : Ար չարախոցս եմ վի-  
 րաւորեալ յանթիւ մեղացս  
 բազմութենէ , և ոչ բաւեմ



ասլրել ծուլացելով անձամբս .  
 այլ յողորմութիւնքս յուսա-  
 լով համարձակիմ առ քեզ յա-  
 ղօթել բարերարիդ և մարդա-  
 սիրիդ աստուծոյ : Ընկալ զա-  
 զաչանս մեր ցաւագինս և պա-  
 զատանս իմ աղերսաբերս . և  
 շնորհեա ինձ զղջումն արտաս-  
 ւաց ասպաշխարութեան , որով  
 զմեզս իմ քաւեցից , և զարա-  
 բիչդ իմ հաշտեցուցից մաղ-  
 թանօք : Ահա տէր՝ սիրտ իմ  
 գելու յանթիւ մեղացս վարա-  
 նաց , և որովայն իմ հեծէ առ  
 քեզ ողբալով . անձն իմ հեծէ  
 և աչք իմ բաղձայ արտասուաց  
 յիշելով զմեղաց իմոց զբազ-  
 մութիւնն : Զի լի եմ անթիւ  
 յանցանօք և անհամար գոր-  
 ծովք անօրէնութեամբ . և առ

քաւիչդ իմ խոստովանիմ ող-  
 բալով, քանզի աստուած ես  
 գթութեանց և տէր ողորմու-  
 թեանց, գթա յամենայն մե-  
 ղըս որ 'ի քեզ եմ ապաւինեար  
 բազմագութ: Զի կարեւիւր  
 եմ մեղօք, և տագնապեալ ախ-  
 ախ յանցանօք, և խնդրեմ 'ի  
 քէն բժշկել՝ որ բժիշկ ես հո-  
 գւոց և քաւիչ յանցանաց: Եւ  
 արդ բժշկեա տէր, զի լեզու  
 իմ վիրաւորի դատարկաբանու-  
 թեամբ և 'ի զրախօսու բամ-  
 բասանաց:

| ուսաւորեա տէր՝ զաչս իմ  
 յածողս 'ի չարաչար նայելոյ և  
 յանդէպ տեսանելոյ: Սրբեա  
 տէր՝ զմիտս իմ 'ի խաւարային  
 խորհրդոց սատանայի և յամե-  
 նայն չար գործոց թշնամւոյն,

և լցո շնորհօք և ողորմութի  
 քո : Լուա տէր՝ զազա հոգւոյ  
 իմոյ զոր ժանդահոտ մեղաց  
 նեխու թեամբ զազրացուցի . և  
 շնորհեա ինձ խորհել միշտ ըզ  
 սիրոյդ քո՝ բաղձալ յարածամ  
 հօրդ մարդասիրի և բարերա  
 ըի կարօտիմ հանապազ , ընկալ  
 զիս գթու թեամբ սրպէս զոր  
 դին անառակ . լցո զքաղց իմ  
 և զծարաւ յառատաբաշխ շը  
 նորհեդ՝ բարերար : Եւ խընդ  
 ըեմ առ քեզ մերձենալ և միշտ  
 շնորհաց քոց փափաքիմ , յարա  
 ժամ բերկրանօք ժտիմ հայցել  
 մաղթանօք : Եւ դու տէր՝ ըն  
 կալ զվշտագնելոյս տառապանս ,  
 և ներեա քոյով մեծաւ ներու  
 զու թեամբ յանցաւոր ծառայ  
 իս՝ բարերար : Զի թէ առանց

Ներելոյ զյանցանս իմ դատես,  
 ասպա երանեմ չեղելոցն յորո-  
 վայնի, զի հուր գեհենին է ժա-  
 ուանգու թի հանապաղ. քանզի  
 ոչ մնացին ճանապարհք մեղաց՝  
 ընդ որս ոչ գնացի, և ՚ի շնոր-  
 հաց սուրբ հոգւոյդ մերկացայ:

Արդ անկեալ առ քեզ պա-  
 ղատիմ, գթա ՚ի ժտու թիւն  
 թախանձանաց մաղթողիս, և  
 մի մերժեր զիս յողորմու թենէ  
 քումմէ՝ ողորմած տէր: Զի  
 զքեզ խնդրեցի և զքեզ աղա-  
 չեմ, լից զփափաք իմ որում  
 միշտ ոգի իմ կարօտի՝ մեղաց  
 թողու թիւն: Զի ոչ թէ իբրև  
 զբարեգործ ոք հայցեմ ՚ի քէն  
 համարձակ, այլ իբրև զմեծա-  
 մեղ յանցաւոր աղերսիւ ժը-  
 տեմ յարաժամ: Ոչ զոգի իմ

մաքուր ունեւոյլ ինչ մերձե՛նամ  
 առ քեզ՝ մարդասէր, այլ ՚ի մաք-  
 րութե՛նէդ քու մմէ զժահահո-  
 տութիւն վերաց մեղաց իմոց  
 մաքրել ազաչեմ. զի դու մի-  
 այն ես հայր իմ և տէր բարե-  
 րար, արարիչ իմ և փրկիչ իմ  
 և կեցուցիչ իմ:

Առ ո՞ երթայց՝ մարդասէր,  
 կամ յու մմէ՞ խնդրեցից օգնու-  
 թիւն և վերաց իմոց բժշկու-  
 թիւն, այլ քեզ մաղթեմ ողոր-  
 մածիդ աստուծոյ և բաղմա-  
 դութ իմոյ արարչիդ: Մի՛ բար-  
 կութք խրատեր, և մի՛ սրտմը-  
 տութեամբ քո յանդիմաներ՝  
 բարերար, մի՛ ընդ պատժեալն  
 պատժեր զիս, և մի՛ ընդ դա-  
 տապարտեալն դատեր զիս՝  
 գթած, մի՛ անողորմ պահան-

Զանօք պահանջեր , և մի սոսկալի գեհե՛նիւդ դողացուցաներ՝ մարդասէր : Մի՛ յաւիտե՛նական ամօթովն ամաչեցուցաներ զիս , և մի՛ ՚ի մեծի յաւուրն սրբոցն պսակելոյ՝ զիս պատուհասեր անողորմ և աններելի : Այլ ապրեցո՞ զիս տէր՝ ՚ի հրահոսան հալոցացն և հըրաբորբոք գեհե՛նայն , յանլոյճ կապանայն և յաննշոյլ խաւարէն , յանաչառ դատաստանացըն և յաններելի տանջանայն  
 ցաւոց :

Այո՛ տէր՝ յայտնեա առ իսզգթութիւնս քո , զի սովոր ես ցուցանել զողորմութիւն քո , որ չարաչարս եմ վիրաւորեալ առաւել քան զսողոմայն , և միշտ երկիւղիւ դողամ հանաւ

ալաղ՝ եթէ կենդանւոյն հրակի-  
 զեացես իբրև զնոսա : Ասն ու-  
 բոյ աղաչեմ զգթութիւնս քո՝  
 մարդասէր, շնորհեա ինձ նման  
 նինուէացւոցն՝ զսրտմտութի  
 քո յողորմութիւն դարձուցա-  
 նել, կանգնել ՚ի յանցանաց կոր-  
 ծանմանէ, զի ահա ծով մեղաց  
 յանդունդս ընկղմէ զիս վասն  
 անօրէնութեան իմոյ առաւել  
 քան զջրհեղեղն : Այլ հրա-  
 մայեա ինձ տէր՝ զողորմութիս  
 քո տասլան ամբողջեան իբրև  
 զնոյի ասլրել ասլաշխարութի  
 ՚ի հրեղէն ծովէն անդնդոց :  
 Քանզի դու այն բարերար տէ-  
 րն ես, որ վասն մարդասիրու-  
 թեան քո ՚ի ծառայական կերպ  
 իջեր՝ թագաւորդ, ազատեա և  
 զիս ՚ի չար ծառայութենէ մե-

ղաց իմոց և յանօրէնու թեանց :

Որ վասն իմ թուք 'ի դէմս  
 և ապտակս 'ի ծնօտս և փուշ  
 'ի գլուխս ընկալար մարդասէր՝  
 հան զփուշ յանցանաց իմոց ,  
 որ չարաչար վիրաւորիմ հա-  
 նապաղ : Որ վասն իմ փայտի  
 խաչի և խոցման գեղարդեանն  
 և ձեռաց կապանաց և բլեւ-  
 ոացն համբերեցեր բարերար՝  
 լոյծ և զիս 'ի դառն կապանաց  
 սատանայի , և բժշկեա զխոցու-  
 մըն աներևոյթ գեղարդեան  
 թշնամւոյն : Եւ արդ որ այսր  
 ամենայնի համբերեցեր ողոր-  
 մած տէր՝ վասն իմ , և այժմ ա-  
 ղաչեմ վասն մեղացս թողու-  
 թիւն : Թէպէտ վասն անբաւ-  
 ծուլութեանս իմոյ չեմ արժա-  
 նի ողորմութեան քո , սակայն



վասն ժտու թեան իմոյ լուր  
տէր՝ իբրև այրւոյն թախան-  
ձանաց առ անիրաւ դատաւո-  
րին : Եւ առ իս կատարեա ըղ-  
բան քո տէր իմ՝ թէ ոչ եկի  
կոչել զարդարս, այլ զմեղաւորս :  
Եւ գիտեմ՝ եթէ արդարքն իբ-  
րև զարտս ընդունին ՚ի քէն  
զարդարութե պարգևսն, բայց  
ինձ ողորմութի շնորհեա իբրև  
զմեծամեղի և բիւրասպատիկ  
մահասպարտի :

Որ առ ամենեւեան ես գը-  
թած, լուր և իմ ողբալոյս առ  
քեզ՝ բարերար, և ունկն դիր  
գթութիւն պաղատանաց ծա-  
ռայիս՝ ողորմած, դարձո զիս  
յուզիղ ճանասպարհն իբրև ըզ-  
հայհոյիչն, և արդարացո որպէս  
զմաքսաւորն, ողորմեա ինձ որ-

պէս քանանացւոյն , ընկալ զիս  
 որպէս զանառակ որդին , և  
 միւսանգամ դարձս յիս զշնոր-  
 հըն աւաղանին սրբութե՛ն զոր  
 զանաղան մեզօք հալածեցի : Եւ  
 մի՛ ընդունայն առնէր զաղաչա-  
 նրս ծառայիս քո՛ բարերար ,  
 այլ բաց զդուռն աղօթից իմոց  
 առ քեզ՝ մարդասէր , և մի՛ թա-  
 գուցանէր զդուռն ողորմութե՛ն  
 քո յամենամեղ ծառայէս՝ ու-  
 ղորմած : Զի դու տէր՝ ասա-  
 ցեր , թէ չէք ինչ զոր ինդրի-  
 ցէք յաստուծոյ՝ և ոչ առնու-  
 ցուք : Ասան որոյ ամենամեղս  
 յանձ հայցել ՚ի քէն թողու-  
 թիւն , զոր անսուտ խոստացար  
 ինձ՝ փրկիչ , զի դու տէր՝ քաղցր  
 և երկայնամիտ ես , վասն մեղա-  
 ւորաց կոչեցար ողորմած . ՚ի

դառնալ անօրինին ոչ յիշես զաւ  
 մենայն անօրէնու թիւնն զոր աւ  
 րար : Արդ խնդրեմ 'ի քէն ու  
 զորմեա ինձ , քանզի դու միայն  
 ես քաւ իչ որ զանթիւ յանցանս  
 յանցելոյն քաւեցեր բարերար ,  
 զմեռեալս մեղօք կենդանացու  
 ցեր , զմոլորեալս 'ի չար թշնա  
 մւոյն դարձուցեր , զխաւա  
 րեալսն 'ի ճշմարտութենէ լու  
 սաւորեցեր , և բազմամեղիս  
 դարձին ներեցեր մինչև ցայժմ :  
 Զի քո եմ և 'ի քո սլառկեր  
 հաստատեցեր զիս , ձեռօք ըս  
 տեղծեր և շնչով կենդանացու  
 ցեր և ամենայն իշխանութք  
 փառաւորեցեր զիս , և ետուր  
 ինձ սատուիրան , և ոչ սլահե  
 լովն անկայ 'ի փառացն : Եւ  
 դարձեալ 'ի գալստեան քո նու

րողեցեր զիս՝ ողորմած, լուսա-  
 ցեր և սրբեցեր զիս աւազանին  
 սրբութեամբ, և դարձեալ վե-  
 րըստին վիրաւորեցայ և բժշու-  
 կեցեր ապաշխարութեամբ: Եւ  
 արդ՝ որ զայս ամենայն բարու-  
 թիւնս շնորհեցեր ինձ ողոր-  
 մութեամբ քով, քաւեա այժմ  
 ՚ի մեղաց և պահեա յայսմ հե-  
 տէ սրբութեամբ՝ տէր, փրկեա  
 ՚ի թշնամւոյն և ՚ի ձեռաց դը-  
 ժոխոց, ՚ի միշտ լալոյն և յան-  
 դադար ողբալոյն՝ յորում ոչ ոք  
 լսէ և ներէ ՚ի դառն աղետից  
 տանջանացն: Բայց միայն ես  
 մարդասէր, քաղցր և երկայնա-  
 միտ, բարերար և բազում ողոր-  
 մած, ընկալ զաղաչանս իմ: Քեզ  
 մեղայ և քեզ խոստովանիմ և  
 առ քեզ սլաղատիմ, զվէրս հո-

գւոյ իմոյ ցաւագին հառաչ-  
մամբ ողբամ, և զանօրէնօւթիս  
իմ առաջի քո: Ազաչեմ հաշ-  
տեաց տէր՝ ընդ ազաչանս իմ  
ողորմութեամբ քով, ներեա և  
մարդասիրեա ՚ի վերայ մեզու-  
ցելոյս, և ընկալ գթութեամբ  
քո զազաչանս իմ:

Մենկալ տէր՝ զզղջումն խոս-  
տովանութեան իմոյ, զհառա-  
չումն ապաշխարութեան, և  
ջնջեա զանթիւ զանօրէնօւթիս  
ամարդութեան իմոյ. զի ար-  
կարացայ իբրև զմարդ, մեղայ  
և անկայ ՚ի խորս չարեաց: Քր-  
թա և քաւեա, և յարո իբրև  
զաստուած և թեթևացո, և  
կանգնեա յաներևոյթ գլորմա-  
նէ, և ընկալ զօուզ ապաշխա-  
րութիւն ապաշխարութեան

իմոյ՝ մարդասէր. և թեթևացո  
 ղձանրու թիւն մեղաց իմոց զոր  
 մեղայ քեզ՝ բարերար: Քո եմ  
 գործ ձեռաց, մի անտես առ  
 ներ զիս՝ ողորմած. որ առ քեզ  
 զաչս ՚ի վեր եմ ամբարձեալ ՚ի  
 մաղթել զձեռս մտացս տարա  
 ծեալ աչացս, և ծունր իջեալ  
 պաղատանօք զմեզս իմ խոստու  
 վանիմ առ քեզ և աղաչեմ ող  
 բալով. Հայր՝ մեղայ յերկինս  
 և առաջի քո, քաւեա զանօրէ  
 նու թիւնս իմ՝ ողորմած: Եւ մի  
 այլ ևս թողուր զիս ՚ի պատ  
 ու իրանս քո մեղանչել՝ բարե  
 րար. այլ շնորհեա ինձ առ քեզ  
 պաղատել ապաշխարու թեամբ՝  
 պաղատանօք և ջանիւ աղօթից,  
 անդադար հառաչմամբ և գո  
 բովագու թ ողորմ ողբալով առ

քեզ հանապազ արտասուել,  
 աղաչել և խնդրել մեղաց թու  
 ղու թիւն. զի կարող ես յամի  
 մարդասիրու թեամբ քո :

Պահեա զիս գթու թեամբ  
 քով. զօրացո զիս շնորհօք քո.  
 օգնեա փրկեա և բժշկեա ըզ  
 վերս մեղաց. նորոգեա զիս և  
 հաստատեա և ապրեցո 'ի չար  
 թշնամւոյն. ներեա քաւեա և  
 արդարացո և լցո հոգւովդ  
 քով: Եւ շնորհեա ինձ պահել  
 հանապազ զվարս ուղիղս և  
 հաւատս ճշմարիտս խոնար  
 հու թեամբ և հեղու թեամբ,  
 հնազանդու թեամբ, պատուի  
 րանապահու թեամբ. և սէր  
 կատարեալ, սրբու թիւն սրաի,  
 ճշմարտու թիւն լեզուի, ցրն  
 ծու թիւն աչաց, պարկեշտու

Թիւն մարմնոյ , պնդու թիւն  
 պահոց , յօժարու թիւն աղօ  
 թից , յորդորումն ողորմու թե ,  
 զղջումն և արտասուս ապաշ  
 խարու թեան , համբերու թիւն  
 և առաւել գոհու թիւն ամե  
 նայն նեղու թեանց : Զի այսու  
 ամենայնիւ քաւեալ զիս և սրբ  
 բեալ՝ արժանի արա մարմնոյ և  
 արեան քո սրբոյ և արքայու  
 թեանդ երկնից , մարդասէր ա  
 մենայնի : Գոհացայց զբէն հա  
 նապաղ . երկիր պագից միան  
 գամայն երրորդու թեանդ յա  
 րաժամ , օրհնեցից գովեցից և  
 փառաւորեցից գոհուք անդա  
 դար զհայրդ ողորմած և զորդիդ  
 բարերար և զհոգիդ սուրբ կեն  
 դանարար , այժմ և միշտ և յա  
 ւիտեանս յաւիտենից , ամէն :



Աղօթք նորին դարձեալ :

Փառք քեզ աստուած, փառք  
 քեզ արարիչ յաւիտենից աս-  
 տուած, փառք քեզ : Որ շնոր-  
 հեցեր հանգիստ տկարութեւ  
 մերում. որ զարթուցեր զա-  
 րարածս զքեզ փառաւորել, որ  
 'ի յերկնից խոնարհեցար մար-  
 մնանալ վասն մեր, և 'ի սուրբ  
 աստուածածնէն ան յայանե-  
 ցար : Որ 'ի մէջ գիշերի վասն  
 մեր յանցանաց ծնար 'ի կուսէն  
 և 'ի սուրբ յայրին բազմեցար,  
 զանարժան ծառայս քո որ յաղ-  
 քատաց եմ ծնեալ՝ սրբեսցես  
 'ի մեղաց : Որ 'ի մէջ գիշերի  
 գալով 'ի տաճարն արձակեցեր  
 զձերունին, զանարժան զքո ծա-  
 ռայս արձակեա 'ի մեղաց կա-

պանաց և 'ի բանտից : Որ 'ի մէջ  
 գիշերի ճանապարհ հորդեցեր  
 յեգիպտոս ելանել, զանարժան  
 քո ծառայիս զելանելն յաշ-  
 խարհէս առաջնորդեսցես 'ի  
 կեանս : Որ 'ի մէջ գիշերի գը-  
 նայիր 'ի վերայ ծովուն իբր 'ի  
 վերայ ցամաքի, անարժան քո  
 ծառայիս ձեռնտու լեր տէր  
 իմ՝ որպէս պետրոսի : Որ 'ի  
 մէջ գիշերի լուացեր զոտս աշայ  
 կերտացն զսլատուական մար-  
 մին և զարիւնդ քո բաշխելով  
 'ի նոսա, զանարժան զքո ծա-  
 ռայիս լուացես զմեղս, և ըն-  
 կալցիս հաղորդս մարդասիրա-  
 պէս ընդ մետասանս բազմեալ  
 'ի սեղան խորհրդոյ : Որ 'ի մէջ  
 գիշերի վասն մեր յաղօթս կայ-  
 իր առ հայր յառաջ քան զչար-

չարանս, զանարժանքո ծառայիս  
 ընկալցիս զաղօթս 'ի ժամ գիշե-  
 րիս : Որ 'ի մէջ գիշերի բժշկել  
 կամեցար 'ի պետրոսէ հատեալ  
 զունկն մաղքոսի , զանարժան  
 գքո ծառայս բժշկեա՝ զվիրա-  
 ւորեալս յանօրէն թշնամւոյն :  
 Որ 'ի մէջ գիշերի կալով առա-  
 ջի կայիափայ՝ դատասպարտեցար  
 և ապտակեցար, զանարժան ըզ-  
 քո ծառայս յահագինքո դա-  
 տաստանին մի դատասպարտեր :  
 Որ 'ի մէջ գիշերի վասն մեր հայ-  
 եցար 'ի պետրոս՝ յիշեցուցա-  
 նելով նմա զյանցանս իւր , ա-  
 նարժանքո ծառայիս շնորհեա  
 զղջումն և արտասուս 'ի լուա-  
 ցումն մեղաց իմոց : Որ 'ի մէջ  
 գիշերի կամաւոր խաչի և մա-  
 հու ընդ մեռեալս համարեալ

և ՚ի զինուորաց պահեցար, ա-  
 նարժանքո ծառայիս զբանակս  
 հրեշտակաց շնորհեսցես պա-  
 հապան: Որ ՚ի մէջ գիշերի յա-  
 րեար ՚ի մեռելոց կամաւ հօր  
 և սուրբ հոգւոյն, զանարժան  
 զքո ծառայս՝ որ մեղօքս եմ մե-  
 ռեալ՝ կենդանացուցես տէր,  
 իմ: Որ ՚ի մէջ գիշերի վասն մեր  
 գալոց ես միւսանգամ նորոգել  
 զարարածս, զանարժան զքս  
 ծառայս յանուանէ կոչեսցես  
 անապական նորոգմամբ և նս-  
 րահրաշ փառօք: Որ ՚ի մէջ գի-  
 շերի վասն քո մարդասիրու թեղ  
 զիմաստուն կուսանսն ընկալցիս  
 յառագաստն, անարժանքո ծա-  
 ռայիս բաց զդուռն դրախտին  
 զառագաստն լուսոյ, զի դու սբ,  
 սբ, սբ ես, տէր զօրու թեց:

Աղօթք նորին դարձեալ :

**Փ**րկեա զիս յիսուս քրիստոս որդի աստուծոյ՝ ՚ի բարկութենէն որ գալոցն է : Որպէս փրկեցեր զադամ ՚ի դժուխոցն , որպէս փրկեցեր զնոյ ՚ի ջրհեղեղէն , որպէս փրկեցեր զաբրահամ ՚ի հալածչացն , որպէս փրկեցեր զղովտ ՚ի սողումայեցւոցն , որպէս փրկեցեր զիսահակ յանհաւատիցն , որպէս փրկեցեր զյակոբ ՚ի ձեռացն եսաւայ , որպէս փրկեցեր զյովսէփ ՚ի գբին , որպէս փրկեցեր զմովսէս և զժողովուրդն ՚ի փարաւոնէ , որպէս փրկեցեր զդաւիթ ՚ի գողիագու , որպէս փրկեցեր զեղիայեղաբէլայ , որպէս փրկեցեր

զեղիսէէ 'ի նախատանացն . որ  
 պէս փրկեցեր զյովնան 'ի վա-  
 րոյ կիտին . որպէս փրկեցեր  
 զեզեկիա 'ի հիւանդութենէն .  
 որպէս փրկեցեր զերեմիա 'ի  
 գբոյ տղմին . որպէս փրկեցեր  
 զշուշան 'ի ծերոցն . որպէս փր-  
 կեցեր զդանիէլ 'ի բերանոյ ա-  
 ուիւծուցն . որպէս փրկեցեր զե-  
 րիս մանկունան 'ի հնոցին . որ-  
 պէս փրկեցեր սուրբ զառա-  
 քեալն պօղոս 'ի բազում վըշ-  
 տացն . որպէս փրկեցեր զթեկղի  
 'ի հրոյն և 'ի գազանացն : Արպէս  
 փրկեցեր զնոսա՝ փրկեա և զիս  
 տէր . ողորմեա ինձ աստուած  
 խաղաղութե և լոյս աշխարհի՝  
 փրկիչ արարածոց :

Վթա տէր՝ և ողորմեա ինձ .  
 կանխեա առ իս և ողորմեա .

լուր ձայնի աղօթից իմոց յա-  
 մենայն ժամ: Ճագեա զլոյս գի-  
 տու թեան քո 'ի յիմարեալ մի-  
 տրս իմ և 'ի մահկանացու մար-  
 մինս իմ: Բարձ յինէն զամօթ  
 նախատանաց թշնամւոյն: Տուր  
 զօգնականութիւն խաչի քո, և  
 կանգնեա յիս զնշան յաղթու-  
 թեան բազկի քո. զի գոհաս-  
 ցին զքէն սուրբք քո, և փա-  
 ռաւորեսցի անուն մեծութե  
 քո: Ճագեա յիս զողորմու-  
 թիւն քո 'ի յաղէ սուրբ շնոր-  
 հաց քոց, և բարձ յինէն զգա-  
 տապարտութիւն անիծից պար-  
 տեաց իմոց 'ի ձեռն քաղցրու-  
 թեան փրկութե քո: Խոնար-  
 հեցո տէր՝ զունկն քո և լուր  
 աղօթից իմոց: Ողորմեա ինձ  
 տէր՝ զի նեղեալ եմ ես. մխի-

Թարեա զիս 'ի զօրու թիւն ան-  
 ուանդ քո . բժշկեա զիս ողոր-  
 մու թեամբ քո, զի դողաց սիրտ  
 իմ և ոսկերք իմ 'ի բազմու-  
 թենէ յանցանաց իմոց : Զի  
 ո՞վ է իմ փրկիչ, եթէ ոչ դու  
 տէր՝ որ ամենեցուն գաղտնիք  
 յայտնի են քեզ . չիք ինչ առա-  
 ջի զօրու թեանդ քո 'ի ծածուկ :

Տէր ամենակալ՝ ուկն դիբ  
 խնդրուածաց իմոց, և լեր իմ այ-  
 ցելու . զի պակասեցաւ 'ի վըշ-  
 տաց կեանք իմ, և տկարացաւ  
 զօրու թիւն իմ, և նուաղեաց  
 լոյս աչաց իմոց . ջեռաւ փոր  
 իմ, և ոսկերք իմ ցամաքեցաւ  
 'ի բազում հոգոց մեղաց ի-  
 մոց : Մի տար զիս տէր՝ նախա-  
 տինս դրացեաց իմոց, և ատե-  
 լիք իմ մի այսպանեսցեն զիս :



Մի թողուր զիս տէր՝ վասն ու  
 զորմու թեանքո, և մի մոռա  
 նար զիս, զի քեզ սպասէ անձն  
 իմ. զի դու ես յոյս ժառան  
 գու թեան իմոյ : Յետս դարձ  
 ցին հալածիչք իմ ընդունայն,  
 և ատելիք իմ՝ ի տարասպարտուց :  
 Լուսաւորեա զիս տէր՝ և դար  
 ձո զերեսս քո յիս : Մերկացո  
 յինէն զխաւարն մուրու թէ,  
 և հաստատեա զիս ի կենդա  
 նու թիւն բանի քո : Բեկ զհը  
 սպարտու թիւն թշնամւոյն՝ տէր  
 ամենակալ. խորտակեա զյա  
 մառու թիւն նորա, զի մի կա  
 րացէ փակել զդուռն լուսոյ  
 քո՝ ելանել ինձ ի ճանապարհս  
 արդարու թեան :

Բազում են քաղցրու թիւնք  
 քո՝ տէր, ցօղեա յիս զկանու ին

և զանազանն : Հայեա զսառն  
 անհնազանդութեան մտաց ի-  
 մոց , և բարձ զմէզ թերահա-  
 լատութե՛ն ՚ի խորհրդոց իմոց :  
 Յաճո յինէն զուխս մուկեկանս  
 հարուածոց ցանկութեան , և  
 ցամաքեցո յինէն զաղբիւրն  
 ստութեան : Հեռի արս յինէն  
 զձեռն ատելութեան , որ ան-  
 բոյս առնէ զսերմն արդարու-  
 թեան : Շնորհեա զարև քաղ-  
 ցրութեան հոգւոյդ սրբոյ՝ ըզ-  
 քաւիչդ իմ և զարարիչդ , և  
 ցօղով շնորհաց քոց լուա յի-  
 նէն զամենայն թոյնս մնասա-  
 կարս : Մշակեա յիս՝ տէր , մշակ  
 բարերար՝ զսերմ արդարութե՛ն  
 քո , և սլահեա ՚ի նենդութենէ  
 թշնամւոյն , զի մի սերմանեա-  
 ցէ յիս զսերմն չար : Ընդ յար-

կաւ արա զիս՝ ապաւէն իմ և  
 փրկիչ իմ, 'ի հակառակութէ  
 Թշնամւոյն :

Օ ագեա զնշոյլ ճառագայ-  
 Թից ճշմարտութեան քո յիս,  
 և առաջնորդեա ինձ մինչև 'ի  
 քաղաքն սրբոց: Արժանաւորեա  
 զիս ան իմ՝ հաւասարել ընդ  
 սուրբս քո. փառաւորել զա-  
 նուն քո, որ աղբիւրդ ես կե-  
 նաց և փրկութեան: Բան քո  
 կենդանի լի է ամենայն երա-  
 նութեամբ. տուր ինձ և լցո  
 զիս, զի կարօտեալ եմ. օգնեա  
 ինձ, զի տկարացեալ եմ: Արա  
 զմեզ արժանի սրբութիւն ճաշա-  
 կել 'ի հոգևոր օրինացդ, զի ե-  
 ղիցի մեզ սպարիսայ յամենայն  
 նեղութենէ Թշնամւոյն: Մի  
 տար գերել զտկար միտս մեր

պղտոր խարդախուքք իւրովք :  
 Արբո մեզ տէր յոյս մեր՝ ՚ի  
 քաղցրութենէ զօրութե՛ն ճըշ-  
 մարտութեան քո , զի ապրես-  
 ցուք ՚ի սաստկագոյն ալեաց  
 փորձութեց աշխարհիս : Տնկեա  
 զմեզ տէր տէր՝ ՚ի վերայ ան-  
 սխալ հաւատոց քոց ՚ի մէջ  
 ջուրց գնացից պատուիրանաց  
 քոց : Յաջողեա մեզ տէր՝ ՚ի  
 բարի խորհուրդս ՚ի տուէ և ՚ի  
 գիշերի , զի առանց զբաղման  
 կացցուք ՚ի զուարթութի լու-  
 սոյ քո՝ բարերար : Եւ բացես  
 մեզ զգուռն կենդանութեան  
 լուսոյ քո արժանի լինել մեզ  
 սիրոյդ քում :

Աղաչեմք տէր՝ զքաղցր և ըզ-  
 գթած տէրութիւնդ քո , տուր  
 մեզ ՚ի սիրոյդ քում մէ , և յաւել

'ի մեզ 'ի շնորհաց քոց, զի ար-  
 ժանի եղիցուք լինել սրաշտօն-  
 եայք կամաց քոց: Բուրեցցեն  
 շրթունք մեր սրպէս խունկ զա-  
 ղօթս մեր յամենայն ժամ ա-  
 ռաջի մեծութեանդ քո: Հաշ-  
 տեա ընդ մեզ տէր՝ զի բարի ես-  
 և թագաւորեցս 'ի մեզ զյաղ-  
 թութիւնս քո, և աուր մեզ  
 զնահատակութի՛ն քաջութեան  
 խաչիւղ քո: Յորդորեա զմեզ  
 տէր՝ 'ի սէր քաղցրութե՛ն բանի  
 քո, և հորդեա զճանապարհս  
 առաջի ոտից մերոց: Կարողս  
 արա զմեզ տէր՝ առ կոչումնդ  
 երկնաւոր կատարել ոտիւք:  
 Բաց մեզ տէր՝ զդուռն հարսա-  
 նեաց քոց, և զարդարեա 'ի  
 զարդ սրբութե՛ն հոգևոր պատ-  
 մուճանիդ՝ և վայելուչ պայ-

Ծառու թեան կենդանի գեղոյդ  
պատու իրանաց քոց :

Օ քեզ աղաչեմք տէր աս-  
տուած մեր՝ յոյս փրկու թեան  
մերոյ . զքէն գոհանամք բե-  
րանովք մերովք՝ տալ փառս և  
խոստովանու թիւն և երկրպա-  
գու թիւն աստուածու թեանդ  
քում : Առաւօտ մեծ ամենայն  
առաւօտուց և լուսատու ա-  
մենայն լուսաւորաց՝ ծագեա  
ի մեզ զլոյս ճշմարտութե քո .  
ի բաց արա ի մէնջ զմէզն և  
զխաւարն ստուերական գիշե-  
րոյ , զի մի կուրացուսցէ զտե-  
սիլս խորհրդոց մերոց , կանխեա  
առ մեզ զլոյս քո գիտութեան ,  
զի գնասցուք ի ճանապարհս  
քո ուղիղս : Յոյս մեր և փրկիչ  
բաց մեզ զգուռն լուսոյ քո , և

արժանի արա փառաւորել ըղ-  
քեղ 'ի ձայն ցնծութեան :

Մտցեն աղօթք իմ առաջի քո  
տէր՝ մի դարձուցաներ 'ի մէնջ  
զերեսս քո վասն մեղաց մերոց,  
փրկիչ հոգւոց մերոց և դար-  
ձուցիչ մոլորութեանց մերոց :  
Ընկալ զմեզ տէր բարերար՝ և  
խլեա զխոչ չարին առաջի ոտից  
մերոց, և բարձ զգայթագղու-  
թիւն նորա 'ի գնացից մերոց :  
Թագաւոր մեր և աստուած՝  
թող մեզ զմեզս մեր և զյան-  
ցանս, զի դու ես քաւիչ մեր :  
Ընց զմեզ փրկիչ՝ սրբութեամբ  
հոգւոյդ սրբոյ բարերարի, զի  
դա է հաշտեցուցիչ մեր ընդ  
կամս քո . և փառաւորեսցի ա-  
նուն քո սուրբ : Տուր մեզ տէր՝  
սիրտ նոր և հոգի նորոյ, և լից

սիրով քով սրբով : Բաց տէր՝  
 զհոսանս քաղցր անձրևաց քոց,  
 և յորդեացես ընդ ակօս ական-  
 ջաց մերոց, զի զուարթացին  
 բոյսք սերման քո սրբոց 'ի մեզ,  
 սր արժանի արարեր զանարժա-  
 նու թիւնս մեր կարգալ զանուն  
 քո սուրբ :

Յանգեա տէր՝ և ամրացո  
 զամենայն խրամատու թիս թըշ-  
 նամւոյն, զի մի՛ ճռաքաղ արաս-  
 ցէ զպտուղ կենդանու թեան  
 մտաց մերոց, և զըկիցիմք յօրհ-  
 նու թենէդ քու մմէ : Զի չիք ոք  
 նման քեզ տէր՝ 'ի սուրբս, և  
 բարերար և պարգևատու կա-  
 բօտելոց և իրաւարար զըկելոց :  
 Արժարժեա 'ի նուաղեալ յան-  
 ձինս մեր զլոյս անու թեանդ քո,  
 և օգն շարու թեան մի շնչեացէ



'ի լոյս հաւատոց մերոց, այլ ա-  
 մաչեցեալ դարձցի յետս: Մի  
 կարօտ առներ զմեզ 'ի քո շնոր-  
 հացդ՝ աստուած մեր. զի չիք ոք  
 որ մխիթարէ զմեզ, և ոչ ոք է  
 որ օգնէ, բայց աջ քո սուրբ՝  
 որ բացիչդ ես փակելոց, ար-  
 ձակիչդ ես կապելոց, անդոր-  
 բիչ նեղելոց, տուիչ կարօտե-  
 լոց, մխիթարիչ սգաւորաց, բը-  
 ժիշկ ախտացելոց, գտիչ կորու-  
 սելոց, քաւիչ յանցուցելոց և  
 թողիչ մեղաց: Գու ես շտե-  
 մարան բարութեան 'ի յերկինս  
 և 'ի յերկրի:

Աղաչեմ զքաղցրութիւնդ քո  
 տէր՝ մի արգելուր 'ի մէնջ զու-  
 ղորմութիւն քո վասն բազում  
 յանցանաց մերոց. այլ բաց  
 մեզ տէր՝ զի մտցուք, և տուր

մեզ՝ զի առցուք : Ասանքս սք  
 անուանող մի յամօթ առներ ըզ  
 մեզ, և մի բարկանար մեզ տէր .  
 և մի յիշեր զանօրէնու թիս մեր  
 և զչարիս զոր գործեցաք : Աս  
 մեաց տէր, զի կեցցուք . և ու  
 զորմեաց, զի ասլրեցցուք : Նե  
 րեա մեզ տէր՝ զի եկեցցուք ՚ի  
 գիտու թիւն ճշմարտու թեան,  
 և մի սահանջեր զմեզ ըստ մե  
 րում չարու թեանս . այլ տուր  
 ձեռն օգնականու թեան, զի մի  
 օտնահար լիցին թշնամիք մեր  
 ՚ի վրիպել զմեզ ՚ի փրկու թենէ  
 քում մէ : Ասնգնեա տէր՝ զգը  
 լորումն մեր, և մի տար զմեզ  
 ՚ի նախատինս դրացեաց մերոց :  
 Զի թէպէտ և մեզաք, սակայն  
 դու բարերար փրկիչ աստուած՝  
 մի անտես առներ, այլ գթա ՚ի

մեզ և առաջնորդեա մեզ 'ի նա-  
 լահանգիստ խաղաղութե քո ,  
 և հաստատեա 'ի մեզ 'ի վերայ  
 շինութեան 'ի կարգս արդա-  
 րութեան : Խափանեա տէր՝  
 զթշուառացուցիչս մեր , և հա-  
 լածիչք մեր դարձցին յետս իւ-  
 րեանց . և մեք հասցուք 'ի  
 քաղցրութի օթեվանաց պատ-  
 ուիրանաց քոց յամենայն ժամ  
 դահանալ զքէն , և փառս տալ  
 անուանդ քում սրբոյ :

Տէր փրկիչ և աստուած բա-  
 զումսողորմ , սղորմեա տէր՝ և  
 մի թողուր զիս վասն անուանդ  
 քում սրբոյ : Տէր գիտութեան  
 և աստուած ամենայն իմաս-  
 տութեան , տուր մեզ տէր՝ զքո  
 գիտութիւնդ և զքո կատար-  
 եալ իմաստութիւնդ . զի ըզ-

դաստասցուք 'ի ցնորից մուր-  
 րու թեանց, այնմ՝ որ եհան ըզ-  
 մեզ 'ի դրախատէն փափկու թէ,  
 և մերժեաց զմեզ 'ի դիտու թէ  
 սիրոյ քո կենդանու թէ: Հայես-  
 ցի տէր՝ ակն ողորմու թեան քո  
 'ի ցուագին վիշտս մեր առ 'ի  
 բժշկել զմեզ յանհնարին տրտու-  
 մու թենէս, որ խառնեալ ունի  
 բազում խռովու թիւնս:

Հաշտեա տէր՝ ընդ մեզ վասն  
 մեծազօր անուանդ քո, և ողոր-  
 մեա մերոյ տկարու թէս: Խա-  
 փանեա 'ի մէնջ տէր՝ զվնասա-  
 կար խորհուրդս և զձայնս՝ որ  
 հեռի են 'ի քաղցրու թենէդ  
 քումմէ: Տէր գթած՝ մի թու-  
 ղուր զմեզ 'ի սպառ, զի քո եմք  
 ստեղծուածք. և մի բարկանար  
 մեզ, զի դու գթած ես և մար-

դասէր : Յիշեա տէր՝ զուխտն  
 որ ընդ սիրելիսն քո , և բարձ  
 'ի մէնջ զխաւարն ամիշու թեան  
 թանձրամած ստուերին կորլս-  
 տեան , որ ընկղմէն զմիտս ըզ-  
 դաստու թեան մերոյ , և վարա-  
 տէն 'ի քո խնամոցդ : Տուր մեզ  
 տէր՝ զլոյս քո կենդանարար ըզ-  
 սուրբ և զխաղաղարար 'ի պահ-  
 պանու թիւն և 'ի սրբու թիւն  
 մտաց մերոց : Ասն բարեխո-  
 սու թեան հրեշտակաց քոց ըն-  
 կալ զազաչանս մեր , և արժա-  
 նաւորեա դասիլ ընդ նոսին՝  
 օրհնել և փառաւորել զքեզ  
 անդադար ձայնիւ : Յիշեա և  
 զիմ նուաստու թիս , և նայեա  
 'ի խնդրուածս իմ . և լուր ձայ-  
 նի պաղատանաց մերոց , որպէս  
 ուսուցեր՝ եթէ յաղօթս կայ-

ցէք և մի ձանձրանայք : Եւ  
դարձեալ թէ յաղօթս կացջիք,  
զի մի մաջիք 'ի փորձու թիւն :  
Դարձեալ հրամայեցեր՝ եթէ  
ջիք ինչ զոր խնդրիցէք յաս-  
տուծոյ, եթէ ոչ տայէ ձեզ :

Արդ այժմ մեք տէր՝ ոչ վասն  
հաճութե գործոց մերոց կամ  
յարդարութիս մեր ապաստան  
լինել աղաչեմք զքեզ, այլ վասն  
սղորմութեան և մարդասիրու-  
թեան քո. զի քաղցր ես և բա-  
րերար, և մեք իբրև զպարտա-  
կանս և զմեծամեղս կամք ա-  
ռաջի քս : Դու իբրև զհայր գը-  
թած, իբրև զտէր քաղցր՝ լուր  
աղօթից մերոց, զի զարթիցեն  
զգայութիւնք մեր խնդրել հա-  
մարձակ : Բաց զականջս մեր լը-  
սել զձայն պատգամաց քոյ .

և բացցին աչք սրտից մերոց  
 հայել առ քեզ 'ի բարձունս :  
 Լուր աղօթից մերոց և ընկալ  
 զխնդրուածս մեր և արա զկամս  
 մեր . լուր ձայնի աղօթից իմօց ,  
 խնայեա 'ի ժողովուրդս քո 'ի  
 ժամանակի նեղութե , և փու-  
 թա առնել զգթութիւն քո :  
 Մի բարկութեամբ քով խրա-  
 տեր զմեզ , և մի սրտմտութի  
 քո ակն յանդիման առներ ըզ-  
 մեզ , զի ժողովուրդ քոյ եմք ,  
 և ձեռակերտք ձեռաց քոց , և  
 ստեղծուած մատանց քոց : Ի քո  
 սլատկեր հաստատեցեր զմեզ ,  
 և հոգի առ 'ի քէն փշեցեր 'ի  
 մեզ . մի յաւիտեան բարկանար  
 մեզ , և մի 'ի բացէ առնիր 'ի  
 ծառայից քոց : Մինչ մոլորեալք  
 էսք՝ դարձուցեր զմեզ , չարչար

րեալք՝ և փրկեցեր, ցրուեալք՝  
 և ժողովեցեր, խաւարեալք՝ և  
 լուսաւորեցեր, արգելեալք՝ և  
 հաներ յանդորր, կապեալք՝ և  
 տրձակեցեր ՚ի կասլանաց. ան-  
 յոյսք էաք, և կոչեցեր զմեզ ՚ի  
 յոյս քո. մեղաւոր էաք, և կա-  
 մեցար զի արդարասցուք. ոչ  
 խնդրեցաք՝ և եկիր առ մեզ և  
 արեամբ քո փրկեցեր զմեզ, և  
 ՚ի ձեռն քո ծանեաք մեք զմեզ.  
 ոչ ձանձրացուցաք մեք զքեզ  
 խնդրուածովք, և իջեր ՚ի դը-  
 ժոխսն. մեք հանապազ բար-  
 կացուցանեմք զքեզ, և դու ե-  
 կիր վասն մեր յանարգանս. ան-  
 չափ էին անօրէնու թիւնք մեր  
 առաջի քո, և փրկեցեր զմեզ  
 չարչարանօք քոյովք: Եւ այժմ  
 աղաչեմք զքեզ՝ տէր և անձ մեր,



երկիր սրագանեմք և գոհանամք  
 զքէն, և փառաւորեմք զողոր-  
 մութիւն քո: Ի ձեռն սիրելի  
 որդւոյ քո լուր աղօթից մերոց,  
 և ընկալ զխնդրուածս մեր, տես  
 զնախատինս մեր, նայեա 'ի տա-  
 ռապանս մեր, և գթասցի սիրտ  
 քո 'ի ժողովուրդ քո՝ որ մատ-  
 նեցաւ յաւար և յափշտակու-  
 թիւն:

Հայեա և 'ի սուրբ տաճարս  
 քո՝ որ աւերեցաւ, և 'ի սեղանս  
 քո՝ որ կործանեցաւ, և 'ի քա-  
 հանայքս քո՝ որ կոտորեցան,  
 և յուխտս քո՝ որ ցրուեցան,  
 և 'ի կտակարանքս քո՝ որ կնքե-  
 ցան 'ի ցրուումն և 'ի յաւա-  
 րումն: Յաճախեաց ամօթ մեր,  
 ցրուեցաւ ժողովուրդ քո, հե-  
 շաւ իրբև զջուր ուխտ քո նր:

Խնայեա 'ի մեզ տէր՝ զի մատ-  
 նեցաք 'ի նախատինս և 'ի չար-  
 շարանս և յամօթ : Առ ո՞վ ա-  
 զազակեսցուք, զի լուսիցէ աղօ-  
 թից մերոց, առ ո՞վ երթիցուք,  
 զի ահա ծառայ քոյ եմք : Խրա-  
 տեցեր զմեզ բարկութեամբ,  
 արա առ մեզ զողորմութի քո :  
 Անդեցան կեանք մեր, մի յապա-  
 զեր՝ զի մի վհատիցիմք : Մի եր-  
 կայնամիտ լինիր 'ի նեղութիս  
 մեր և 'ի տառապանս, որպէս  
 ազաչեաց զքեզ մարգարէն քո՝  
 որ նեղեալն էր իբրև զմեզ և  
 ասէր, մի խրատեր զմեզ եր-  
 կայնամտութեամբ : Առբ աղօ-  
 թից մերոց, որպէս լուար մով-  
 սէսի սիրելւոյ քո, և մի առ-  
 ցեն վրէժս թշնամիք մեր իբ-  
 րև զփարսուսն, որ նեղեաց լղ-

ժողովուրդ քո : Ընկալ զխոն-  
դրուածս մեր, որպէս ընկալար  
զխնդրուածս յեսուայ որդւոյ  
նաւեայ, և սատակեցաւ ամա-  
զէկ և բարձաւ յիշատակ նորա :

Դու ես աստուած առաջ-  
նոցն, և տէր և թագաւոր վերջ-  
նոցս : Ըստար մովսէսի, և ընկզ-  
մեցեր զփարաւոն, լուար ահա-  
րոնի, և արգելաւ մահ բար-  
կու թեան : Գարձուցեր զցու-  
սումն բարկու թեան քո 'ի ձե-  
ռին նախանձախնդրին քո փե-  
նեհէսի, օգնեցեր յեսուայ, և  
յամօթ եղեն թշնամիք նորա :  
Ըստար սամիսոնի 'ի ժամանակի  
նեղու թեան, և խնդրեցեր ըզ-  
վրէժս յայլազգեացն՝ որք բար-  
կացուցին զքեզ : Առեր և ըզ-  
վրէժն դաւ թի 'ի սաւուղայ՝

որ հալածէր զնա, և հաներ նր-  
մա իրաւունս յաբխողոմայ՝ որ  
խառնեցոյցն զնա: Քաւեաց ըզ-  
ժողովուրդն քո սամուէլ առա-  
ջի քո, և ցուցեր զմեծութիւն  
քո, փոխանակ զի անարգեցին  
զթագաւորութիւն քո: Արա-  
րեր իրաւունս եղիայի հալա-  
ծականի, և սատակէր յաղագս  
նորա զմարգարէսն բահաղու:  
Պահեցաւ միքիէ բազում ու-  
ղորմութեամբ քո, և անկաւ  
կործանեցաւ սատակեցաւ հա-  
լածիչն իւր ՚ի պատերազմի:  
Յուցեր զօքանչելիս քո ՚ի հա-  
լածիչսն եղիսէի ՚ի ժամանակի  
իբրև մահն ՚ի շիրմին՝ տեսին  
զմեծութիւն քո: Առար եղե-  
կիայի ՚ի ժամանակի իբրև ար-  
դելեալ պաշարեալ կայր ՚ի նե-

զու թեան, և ցուցեր զզօրու-  
 թիւն քո 'ի սենեքարիմ և 'ի  
 զօրս նորա : Լուար եսայեայ  
 և օգնեցեր յովսափաթու, և  
 խնդրեցեր զվրէժս նեղչաց նո-  
 ցա : Լուար յովնանու 'ի խո-  
 րոց անդնդոց ծովուն 'ի փորոց  
 ձկանն և ալեացն, որ պաշարե-  
 ցին զնա : Լուար դանիւլի 'ի  
 ժամանակի իբրև ընկեցին զնա  
 'ի գուբն, և ապրեցուցեր զնա  
 'ի բերանոց առիւծուցն : Օգ-  
 նեցեր անանիայի և ընկերաց  
 նորա 'ի հնոցի հրոյն, և եկեր  
 բոցն բորբոքեալ զչարախօսս  
 նոցա : Լուար մուրթքէի և  
 եսթերայ 'ի նեղութեան իւ-  
 րեանց . փրկեցեր զժողովուրդ  
 քո, և յամօթ եղև համան հա-  
 լածիչն : Հաներ զերեմիա 'ի

գրոյ տղմոյն , և ետուր զնա 'ի  
 շնորհս և յողորմութիւն առաջ  
 ջի արքային բաբելացւոց :

Խնայեա տէր 'ի ժողովուրդս  
 քո՝ որ չարչարեցաւ . խնայեա  
 տէր՝ և լուր աղօթից իմոց , զի  
 տաճար սրբութեւ աւարեցաւ ,  
 և տեղին քաւութեան պատար  
 ըագաց կործանեցաւ : Քահա  
 նայք մեր կոստորեցան , և ձորձ  
 'ի գլուխ եղեն կուսանք մեր :  
 Խնայեա 'ի մեզ՝ տէր մեր , խը  
 նայեա յաղքատս և 'ի անանկս  
 և 'ի տառապեալս , զի չիք տե  
 ղի հանգստեան , ուր դիցեն ըզ  
 գլուխս իւրեանց : Ճանապարհք  
 մեր թափուր են , և շաւիղք  
 մեր անհետք , աչք մեր խաւա  
 րեցան , և սիրտք մեր մաշեցան :  
 Ընդ աղօթից մերոց և բնկալ

զինդ բուսածս մեր : Եւ թէ մեք  
 անօրինեցաք և դառնացուցաք  
 զքեզ , դու տէր ըստ մեծի ա-  
 նուանդ .քո խնայեա 'ի մեզ : Զիք  
 մեր այլ յոյս և ոչ տունն ապա-  
 ւինի և հանգստեան տեղի քան  
 զքեզ արտաքոյ . զի քո են եր-  
 կինք և քոյ է երկիր . քոյ է տիւ  
 և քոյ է գիշեր . զարեգակն և  
 զլուսինն դու հաստատեցեր :  
 Զքեզ փառաւոր են ծովք ա-  
 լեօք իւրեանց , և եղեր նոցա  
 սահման , և ոչ ելանեն ընդ հը-  
 րամանս քո : Ասպեալ կայ ծով  
 աւազով և կատարէ զհրամանս  
 քո : Քեզ հայեցեալ սպասեն  
 ամենայն բնութիւնք , և ձեռն  
 քո բաւական է ամենայն արա-  
 թածոց քոյ . և չիք ինչ որ կարէ  
 հակառակ կալ կամաց քոյ : Քո

են լուսաւորք երկնից, և հողմք  
 և մրրիկ զանունքո փառաւո-  
 բեն : Քեզ հայեցեալ սպասեն  
 գազանք անասաւորի, թռչունք  
 երկնից և ձկունք ծովուն : Արի  
 օգնել մեզ մեծազօր զօրութիւն  
 քո . զի ծանիցեն ամազգք երկ-  
 րի, զի չիք իբրև զքեզ, և չիք  
 այլ աստուած բաց ՚ի քէն : Ա-  
 սաց փարաւոն՝ ոմէ աստուած .  
 և ընկղմեցեր զնա իբրև զպա-  
 տերազմող ՚ի ծովն ահագին :  
 Համարեցաւ զքեզ սենեքարիմ  
 իբրև զգիսն հեթանոսաց . և  
 արարեր զնա առակ նշաւակի,  
 զի ցուցեր նմա զմեծութիւն քո :  
 Օգնեցեր մատաթիայի՝ որ եղև  
 քինանախանձու օրինաց քոյ :  
 Եւար յուգայի և շմաւոնի և  
 եղբարց նորա, և օգնեցեր նոցա



սքանչելեօք 'ի մարտս սլատե-  
րազմաց զոր արարեր 'ի ձեռն  
նոցա :

Օ, արթիցեն գթութիւնք քո  
տէր . թող զմնացուածս ժողո-  
վրդեան քո՝ որ մատնեցաւ յա-  
ւար . արա նորոգումն տաճարի  
քո յաւուրս մեր . բարձրացո  
զգլուխս մեր՝ որ կորացան յա-  
ւուրս մեր 'ի մեղս մեր . ընկալ  
զսլատարագս ժողովրդեան քո,  
և քաղցրացի՛ն քեզ աղօթքս  
մեր : Բացցի՛ն դրունք փակեալք,  
և կանգնեցցի՛ն դրունք կործա-  
նեալք : Ժողովեցցի ժողովուրդք  
ցրուեալք , և ուրախ եղիցուք  
'ի նորոգութիւն տաճարի քո  
յաւուրս մեր : Գոչեցի առա-  
ջի քո արիւն արդարոցն , և ե-  
ղիցի քեզ 'ի հաճութիւն իբրև

դքուրվառս խնկոց : Խնայեա  
 տէր 'ի ժողովուրդս քո և 'ի սք  
 ուխտ քո՝ որ անկաւ 'ի ձեռս  
 անօրինաց, և ոտն հարին 'ի վե  
 րայ բեկմանս մերոյ : Սուրբ իսկ  
 ես՝ թագաւոր մեր, ցուցանել  
 զգթու թիւն քո 'ի մեզ, և սու  
 վոր իսկ են ծառայք քո խնդրել  
 հանապազ յողորմութեց քոց :  
 Ի քաղցրութիւն մարդասիրու  
 թեանդ ապաւինեալ աղաչեմք  
 զքեզ, զի և 'ի չարաց ոչ արգե  
 լուս զբարերարութի քո : Ծա  
 դես զարեգակն 'ի վերայ չարաց  
 և բարեաց, և աճես անձրև 'ի  
 վերայ արդարոց և մեղաւորաց :  
 Քանզի հանապազ գիտեմք, ե  
 թէ սուրբ իսկ ես լսել նեղելոց,  
 օգնեցեր հալածականաց, զօրա  
 ցուցեր զսկարս, բարձրացու

ցեր զխոնարհս, ապրեցուցեր  
 զչարչարեալս, փրկեցեր զյա-  
 փշտակեալս, լուսաւորեցեր ըզ-  
 խաւարեալս, լցուցեր զքաղ-  
 ցեալս, մեծացուցեր զաղքա-  
 տըս, կանգնեցեր զտնանկս: Զայս  
 ամենայն արարեր յամ դարս  
 ծառայից քոց՝ որք յուսացան  
 ՚ի քեզ: Դու ես որ ցուցեր մեզ՝  
 թէ ես եմ առաջին և ես եմ  
 յապայ: Դու ես աստուած ա-  
 ռաջնոցն և թագաւոր վերջ-  
 նոցս, քոյ է աշխարհ, և քոյ է  
 աշխարհն երկինք և ամենայն  
 որ ինչ եղևն և որ լինելոցն է  
 առ յապա: Առ ոմ երթիցուք,  
 զի լուիցէ մեզ ում հայեսցուք,  
 զի եկեսցէ օգնականու թիւն,  
 ում ակն կալցուք, զի փրկեսցէ  
 զմեզ, առ ոմ աղաղակեսցուք,

դի ընկալցի զաղօթս մեր : Քոյ  
 եմք , և դու ես աստուած մեր ,  
 և քեզ վայելէ փառք իշխանու  
 թիւն և պատիւ , այժմ և միշտ  
 և յաւիտեանս յաւիտեանից .  
 ամէն :



Աղօթք նորին դարձեալ :

**Ա**զաչեմ զքեզ՝ քրիստոս  
 փրկիչ աշխարհի , նայեա յիս և  
 ողորմեա ինձ . փրկեա զիս 'ի  
 բազմութենէ անօրէնութեց  
 իմոց , քանզի անարգեցի զամե  
 նայն զբարիս զոր արարեր յիս  
 'ի մանկութենէ իմմէ : Զիս ըզ  
 ախմար և զանմիտ՝ արարեր ա  
 նօթ լի գիտութեամբ և իմաս

տու թեամբ : Յաճախեա յիս  
 զչնորհս քո , լցո զքաղց իմ , և  
 զծարաւ իմ զովացո , և լուսաւ  
 ւորեա զխաւարեալ միտս իմ ,  
 և ժողովեա 'ի մոլորութենէ ըզ-  
 խորհուրդս իմ : Եւ այժմ եր-  
 կիր պագանեմ և աղաչեմ , ան-  
 կանիմ և հայցեմ խոստովանե-  
 լով քում բարերարութեանդ ,  
 դադարեցո յիս զհոսանս շնոր-  
 հի քո , և պահեա ինձ զնա 'ի  
 դանձի քում , զի դարձեալ տա-  
 ցես ինձ զնա յաւուր յայնմիկ :  
 Մի՛ բարկանար ինձ՝ մարդասէր ,  
 զի ոչ հանդուրժեմ սպառնա-  
 լեաց քոց : Յաղադս այսորիկ ա-  
 ղաչեմ ժտելով , զի առաւել  
 քան զչափ յաճախեա յիս , վն  
 զի լեզու իմ տկարացաւ՝ ոչ կա-  
 րելով խօսել զչնորհէդ քումմէ :

Հիացան և միտք իմ՝ ոչ բերե-  
 լով զքաղմուծի ալեաց նորա :  
 Աերսպարան և ճառագայթ օրհ-  
 նելոյ հօր՝ դադարեցո աստ ՚ի  
 յիս ՚ի հոսանաց նորա, զի իբ-  
 րև զհուր բոցակիզեսցէ զերի-  
 կամուսնս և զսիրտ իմ. արդ  
 դարձեալ պարգևեա ինձ զնա,  
 և կեցո զիս յարքայու թեան  
 քում : Մի յիշեր զանօրէնու-  
 թիւնս իմ. յանդգնիմ հայցեմ,  
 տուր ինձ զխնդրուածս իմ.  
 ծածկեա զանօրէնու թիւնս իմ  
 յսմ գիտութենէդ քումմէ,  
 ընկալ զարտասուս, մերձեսցի  
 առ քեզ ողբումն իմ. յիշեա  
 զարտասուս իմ զոր արտասուե-  
 ջի առաջի սրբոց վկայից քոց,  
 զի գթասցիս յիս յաւուր յայն-  
 միկ, և ծածկեսցես ընդ հովա

նեաւ թեոց շնորհի քո : Քան  
 զի թէ արասցես ինձ ըստ ա-  
 նօրէնու թեան իմոյ, եղուկ ես  
 թշուառականս՝ զի՛նչ ինձ լի-  
 նիցի : Իսկ ես լալով և արտաս-  
 ուօք պաղատիմ քում մարդաւ  
 սիրու թեանդ, փրկես զիս ՚ի  
 բաղմու թե՛նէ անօրէնու թեանց  
 իմոց, և պարգև ես ինձ զարքայ-  
 ու թիւնդ քո . յիս ՚ի մեղաւորս  
 ցոյց զանճառ քո մարդասիրու  
 թիւնդ . արա զիս հաղորդ ա-  
 ւազակին , այնմ՝ որ միով բա-  
 նիւ ժառանգորդ եղև դրախ-  
 տին . զոր կատարելոց է խոստա-  
 ցեալն , անդր զիս մուծցես :  
 Փառք արարչին հօր մերում, և  
 որդւոյ փրկչին մերոյ, և հոգւոյն  
 անբնորոգողին մերում յանսպառ  
 և յանեղծանելի յաւիտեան :

Աղօթք նորին դարձեալ :

Տէր աստուած զօրու թեանց՝  
 աղաչեմ զքո բարերարու թիղ,  
 ժտեմ և հայցեմ 'ի քէն, տուր  
 ինձ տապան ապրեցուցիչ սր-  
 պէս նոյին՝ ապրել ինձ 'ի հրե-  
 ղէն ծովէն և յանդնդային հը-  
 րահոսանայն, յանշէջ արգելա-  
 նէն և յանհնարին վտանգից :  
 Զի դու ես տէր աստուած՝ որ  
 զքանդ աստուածային ծածկե-  
 ցեր և 'ի ծառայական կերպս  
 իջեր վասն մեր, և զլեղի 'ի քիմս  
 առեր, և ապտակ 'ի ճնօտս ըն-  
 կալար : Եւ այժմ աղաչեմ զքեզ  
 ազատեա զիս 'ի դառն ծառայ-  
 ու թենէ սատանայի . զի յոր-  
 ժամ զձեռս իմ 'ի վեր ունելով  
 աղօթեմ, անօրէն սատանայ



խարէ և ունայն հանէ զիս յա-  
 շտից իմոց: Աւեր ինձ աստուած՝  
 բերդ ամուր և աշտարակ հզօր,  
 և կորզեա զիս ՚ի բերանոյ ա-  
 ռիւծուն՝ որ հանապազ կամի  
 կլանել զիս . զի ընդ պիտանիսն  
 ՚ի բարձունս փառաւորեցից ըզ-  
 հայր և զորդի և զսուրբ հոգիդ  
 այժմ և միշտ և յաւիտեանս  
 յաւիտենից . ամէն :




Ազօթք զօրաւոր՝ նբյն Գրիգորի նարեկացւոյ:

ԲԱՆ ՁԹ .

Աստուած և տէր . կեանք և  
 արարիչ . ողորմած . գթած . լոյս .  
 երկայնամիտ . անոխակալ . մար-  
 դասէր . ամենագուց . պարգե-

ւտտու . փրկիչ . օրհնեալ . գո-  
 լեալ . բարեբանեալ : Դարան  
 ամբողթե . պատասպարան լըս-  
 տահու թեան . առանց նեհգու-  
 թեան բարի . առանց խաւարի  
 ճառագայթ . քաւիչ մեղաց . ող-  
 ջացուցիչ վիրաց . անհասանե-  
 լեաց հնարք . անմատչելեաց հը-  
 պաւոր . անյուսու թեան ելք .  
 անուն քո խոստովանեալ՝ աս-  
 տուծոյ որդի . և հօր քո ընդ-  
 քեզ հղօրի և ահաւորի . և հո-  
 գւոյդ ամենակալի՝ և ընդ քեզ  
 երկրպագելոյ՝ փառք և պաշ-  
 տօն գոհաբանութեան յաւի-  
 տեանս . ամէն :





ԵՂՕԹԻՔ

Ի ՎԵՐԱՅ ԻՒՐԱՔԱՆՉԻՒՐ

ԱՒՈՒՐՑ ՇԱԲԱԹՈՒ

ԵՒ ՆԱԽ

ԿԻՐԱԿԻ ԸՒՈՒՐ



ՍԱՂՄՈՍ ԱՊԱՇԽԱՐՈՒԹԵԱՆ

ՏԵՐ մի սրտանութեամբ քով յանդի-  
մաներ զիս, և մի բարկութեամբ քով խը-  
րատեր զիս:

Ողորմեա ինձ տէր, զի հիւանդ եմ ես, բժըշ-  
կեա զանձն իմ, զի խռովեցան ասկերք իմ:

Անձն իմ յոյժ խռովեցաւ, և դու տէր  
մինչև յէրբ:


Բարձ տէր՝ և փրկեա զանձն իմ, կեցո զիս  
տէր ըստ ողորմութեան քու մ:

Չի աչ ոք է որ 'ի մահու յիշէ զքեզ, կամ  
 'ի դժոխս խոստովան առնի առ քեզ :  
 Վաստակեցայ ես 'ի հեծութեան իմում, լու-  
 ւացի զամենայն գիշեր զմահիճս իմ, և ար-  
 տասուօք իմովք զանկողինս իմ թայի :  
 Խռովեցաւ 'ի սրամտութիւն ակն իմ, և մա-  
 շեցայ ես 'ի վերայ ամենայն թշնամեաց իմոց :  
 Ի բաց կայէք յինէն ամենեքեան, ոյք գոր-  
 ծէք զանօրէնութիւն :

Լուաւ տէր ձայնի լալոյ իմոյ, լուաւ տէր  
 աղօթից իմոց, և տէր զինդրուածս իմ ըն-  
 կալաւ :

Ամաշեցին և խռովեցին յոյժ ամենայն  
 թշնամիք իմ, դարձցին յետս և ամաշեցին  
 յոյժ վաղվաղակի և խռովեցին :

### ՀԱՐԱԿԱՆ ԱՊԱՇԽԱՐՈՒԹԵԱՆ

այ.  ԱՅՐ բազու մողորմ խոս-  
 տովանիմ առ քեզ որպէս զա-  
 նառակ որդին, թող ինձ զմե-  
 զըս իմ և ողորմեա :

Տէր՝ որ գթացար 'ի կինն քանանացի, գթաւ և յիս 'ի մեղաւորս և ողորմեա :

Տէր՝ որ դարձուցեր զմօքսաւորն 'ի գիտու թիւն ճշմարտութեան, դարձո և զիս զմոլորեալս և ողորմեա :

Ատուած բազում ողորմ 'իսընայեա յարարածս քո՝ հայր ամենակալ և ողորմեա :

Արեգակն արդարու թեան՝ ծագեա 'ի հոգիս մեր զլոյս ճշմարտութեան և ողորմեա :

Տուր մեզ տէր զխաղաղութի, և վերկեա 'ի նեղչաց մերոց հոգիդ ճշմարտութեան և ողորմեա :

Ի նեղութեան իմում օգնեա ինձ տէր՝ որպէս երբեմն յովնանու, և ողորմեա :

Ի յանցանաց իմոց մտքրեա զհս  
տէր՝ որպէս երբեմն զմաքսա  
ւորն, և ողորմեա :

Ի նենգաւոր շրթանց մտկեա  
զհս տէր, և յարենէ ասրեցո և  
սղորմեա :

Օ զջման իմոյ զարտասուս ար  
կանեմ առաջիքս քրիստոս, թող  
ինձ զմեզս իմ որպէս երբեմն  
զպոռնկին, որ միայնդ ես բազ  
մագու թ :

Անկանիմ առաջիքս քրիստոս,  
որ հովիւդ ես բանաւոր հօտի՛  
խնդրեա և զհս զմուրեալս, որ  
միայնդ ես բազմագու թ :

Զմեզս իմ ցուցից քեզ քրիստոս,  
որ բժիշկդ ես հոգոց և տէր կե  
նաց՝ բժշկեա և զիմ զհիւան  
դու թիւնս, որ միայնդ ես բազ  
մագու թ :

Վտանգիմ 'ի բաղմու թենէ  
մեղաց իմոց . աստուած խա-  
ղաղութեան օգնեա ինձ :

Ալէկոծիմ հողմով անօրէնու-  
թեան իմոց . թագաւոր խա-  
ղաղութեան օգնեա ինձ :

Ի խորս մեղաց ծովու տարա-  
բերեալ ծփիմ . նաւապետ բա-  
րի փրկեա զիս :

Թիւնս իմ . Ողորմեա ինձ  
աստուած :

Ի լսել զձայն փողոյն յահագին  
աւուրն՝ յորժամ հարկանէ հը-  
րեշտակապետն և կոչէ 'ի դա-  
տաստան, ողորմեա ինձ ամ :

Ի նստիլ քո յատենի դատաւոր  
ահեղ՝ յորժամ առնես հրա-  
փորձութեամբ զքննութիւն  
որդւոց մարդկան, ողորմեա ինձ  
աստուած :

Ար առ ՚ի քէն երկրորդ ա-  
դամ վասն առաջնոյն յանցա-  
նաց բնութեամբ մերով պա-  
հելով զմահաբեր պողոյն լու-  
ծեալ զստորանս, առ նա միշտ  
բարեխօսեա կեցուցանել ըզ-  
մեզ :

Փառսի հօր և որդւոյ :

Արդ ազաչեա մայր աստուծոյ  
զծնեալն ՚ի քէն վասն մեր, զի  
բնդ նմին պահելով սուրբ յա-  
բութիք նորա նորոգեցուք .  
առ նա միշտ բարեխօսեա կե-  
ցուցանել զմեզ :

Այժմ և Տիշտ և յաւիտեանս :

Ի միւսանգամ գալատեան աս-  
տուածորդւոյն սուրբ խաչն  
երեի և լուսաւորէ, զի նա է  
յոյս հաւատացելոց :



Ի խորոց սրտից խօսք՝ ընդ Աստուծոյ :

ԲԱՆ ԾԵ .

Ա . Բրիտոս աստուած ա-  
նուն ահաւոր . մեծութե տե-  
սակ . անքնին բարձրութեան  
պատկեր . անսահման զօրութի .  
կերպարան փրկութեան լուսոյ .  
պաշտպան կենաց . դուռն ար-  
քայութե՝ վերնում հանգրս-  
տեանն . ճանապարհ հանդար-  
տութեան . ապաւինութիւն նո-  
րոյ և անտխրական երանութե .  
ամենակալ ինքնիշխանութիւն  
բոլոր էականութեան . օրհնու-  
թե կոչումն . աւետեաց ձայն .  
բերկրութեան բարբառ . ան-  
մահութեան դեղ . որդի ան-  
ճառ աստուծոյ միոյ : Ար ինձ

անհնարին է , քեզ դիւրին է .  
 որ ինձ անհասն է , քեզ սահմա-  
 նեալ է . որ ինձ անանցն է , քեզ  
 հալաւ որ է . որ եղկելոյս ինձ  
 ծածկեցեալն է , քու մի՛ երա-  
 նու թեան մերձաւ որ է . որ ինձ  
 անկարելին է , քեզ կատարեալ  
 է . որ ինձ անկշռելին է , քու մի՛  
 անճառու թեան չափեալ է . որ  
 ինձ յուսահատու թէն է , քեզ  
 սիտիանաց է . որ ինձ անբժշ-  
 կականն է , քեզ անվտանգելի է .  
 որ ինձ հեծու թեանն է , քեզ  
 խնդու թեան է . որ ինձ ծա-  
 նունք են , քեզ թեթեալ գոյնք  
 են . որ ինձ եղծեալն է , քու մի՛  
 զօրեղու թեան գրեցեալ է . որ  
 ինձ կորուսեալն է , քեզ ըմբռ-  
 նեալ է . որ ինձ անճառն է , քեզ  
 համարեալ է . որ ինձ մուայն է ,

.քեզ ճառագայթ է . որ ինձ  
 անթիւն է , օրհնեալդ քում  
 ձեռ ին բովանդակեալ է . որ ինձ  
 սոսկալին է , քեզ հեշտալի է . որ  
 ինձ փախչելին է , քեզ վանելի  
 է . որ ինձ անմատոյցն է , քեզ  
 դիւրահերքելի է . որ ինձ մա-  
 հաբերն է , քումդ էականու-  
 թեան զօրութեան՝ ընդ ոչգոյսն  
 համարեալ է :

Բ. Այլ դու ողորմած աստ-  
 ուած բոլորից տէր յիսուս քր-  
 իստոս , և այսմ զօրես առ ե-  
 լիցն հնար՝ եթէ գթացիս , վն-  
 անուան փառաց մեծութեան  
 հօրքոյ օրհնելոյ , վասն կամաց  
 գթութեան ոգւոյդ քոյ սրբոյ ,  
 տես ՚ի տաժանաւորս կրից յան-  
 դիմանական յայանութիւն , և  
 ՚ի խորոց սրտի ինքնամատոյց

քատախաղու թիւն . նայեա ՚ի  
 բնու թէս ամենապատաղ խա-  
 կու թիւն , և պարգևեա բժշ-  
 կու թիւն վիրացս , և հնարա-  
 սորու թիւն կորստեանս , զեր-  
 ծումն բաղմամասնեայ մահուս ,  
 և շաւիղ կենաց ապականելոյս ,  
 նորոգու թիւն եղծմանս , և մուտք  
 յուսոյ ամբարշտելոյս , Եթէ ես  
 զաննմանն ինձ կամս ցուցի , ո՞ր-  
 չափ առաւել դու զընաւորա-  
 կանսդ քո զընտանի բարերու-  
 րու թիւնսդ . եթէ ՚ի փշոց պը-  
 սուղ ընծայեցաւ քաղցրու թէ ,  
 ո՞րչափ առաւել ՚ի ծառոյդ կե-  
 նաց՝ ճաշակ անմահու թեան .  
 եթէ ես իմոց ատելեաց ողոր-  
 մու թէ մաղթեցի , դու քոյոյս  
 զիարդ ոչ կրկին մատուցեա հը-  
 զօր՝ յաննուազդ առատու թէ :

Գ. Արդ՝ տես 'ի քոյդ մեծու  
 թիւն՝ բարձրեալ, նայեցեալ 'ի  
 յիմս փոքրկու թիւն. ընկալ ըզ  
 սակաւ խոստովանու թիս ան  
 համար մեղացս, որ զքնաւն հա  
 մայն տեսանես. և որպէս զլի  
 մին գթել՝ ոչ գրեցեր, և զա  
 ւազոյս փոքու սասանել՝ մի հա  
 մարեցիս. և իբրև զգաւ թին  
 ընդ մեղայն ասել՝ իսկոյն ան  
 ցուցեր զսլատիժ պարտուցն,  
 և առ իմ ձայնիս հեծու թիւն՝  
 զնոյն գործեցեա երկայնմտու  
 թիւն. որ տաս ամենեցուն ա  
 ռատապէս անաչառու թեամբ՝  
 որպէս յաղթող բարի բաղմի  
 մաստ. և ոչ նախատես զյեա  
 նեալ սարուկս՝ որպէս ողորմած  
 և ամենաստեղծ. ստացիր վե  
 րաթին, և մի կորուսաներ ըզ

բուժեալս արեամբքո, և ըզ-  
բուժեալս ստեամբքո՝ գթած =  
Ձիքո է՝ փրկու թի, և ՚ի քէն է  
քաւու թիւն, և քեզ վայել է  
փառք յամենայնի յաւիտեանս.  
ամէն :



Աւթբ առ Հայրն երկնաւոր, Յովհաննու  
գառնեցւոյ ասացեալ :

Յաւիտենից աստուած և  
արարիչ բոլորից, որ ամենակա-  
րող զօրու թեամբքով ՚ի սկըզ-  
բանէ արարեր զերկինս և զեր-  
կիր յայսմ աւուր գոյացուցեր  
զլոյս հրամանաւ քով, և որու  
չեցեր զլոյսն ՚ի իաւարէն :  
Ահա իաւարեալս ազգի ազգի

անօրէնու թեամբ, աղաչեմ ըզ-  
քեզ տէր իմ և աստուած իմ՝  
բարերար և բազումօղորմ, ծա-  
ղեա առ իս զողորմութե զլոյս  
քո, և մերժեա յինէն զխաւա-  
րային խորհուրդս չարին, որով  
անկեալ կործանեցայ յանդուն-  
դքս կորստեան, և կամ 'ի տա-  
րակուսի :

Ար յամենայնի կարող ես և  
հզօր, լոյս անստուեր, աղբիւր  
անսպառ բարեաց, կենդանու-  
թեան սլարգեատու, ցոլացո  
յիս զփայլումն սրբարար շնոր-  
հաց հոգւոյդ քո սրբոյ, և մաք-  
րեա զսիրտ իմ և զհոգի 'ի մը-  
թու թենէ մեղաց իմոց և յամ  
աղտեղու թենէ, որով շլացեալ  
ոչ կարեմ հայիլ 'ի լոյս անձային  
ստուերանաց քոց, և գնալ 'ի

Ճանապարհս արդարու թեան :

Ամենահայեաց ակն և աննիր-  
հելի պահապան նորոյս իսրայ-  
էլի, որ նստիս 'ի քրովքէս և  
հայիս յանդուներս, նայեաց ա-  
չօք քաղցրու թեան յասլիկար  
ծառայս քո, որ խորասուզեալ  
յանդուներս մեղաց՝ չունիմ կար  
և զօրու թիւն ելանել ինքնին,  
և չիք իմ ձեռնատու և օգնական  
ազատել զիս յանհնարին տա-  
րակուսանացս, այլ դու անար-  
դամեծար տէր՝ լեր ինձ այցե-  
լու և պաշտպան, և զերծո զիս  
'ի խորոց աստի չարեացս ամ-  
բաւից աննահանջելի հրամա-  
նաւ քով. զի չիք ինչ որ ար-  
գելուլ կարիցէ զամենակարող  
զօրու թիւն քո :

Ա՛զաչեմ զքեզ ողորմած՝ ա-



ապետ առ իս զհողի աստուած  
 ծուծէքո, որ շրջելով ՚ի վերայ  
 ջուրց կենդանագործէր զարա-  
 րածսքո, զի ծննդաբեր արաս-  
 ցէ զամլուծիւն մտաց իմոց ՚ի  
 հաճոյական բանից մաղթանս  
 յընդունելուծի կամաց բարձ-  
 րելոյդ. զի ես ինձէն առանց  
 նպաստից նորին՝ զոր ինչ ար-  
 ժան է հայցել՝ ոչ գիտեմ:

Օ ի նա որ քննէ զամենայն  
 և զխորս աստուծոյ, գիտէ նա  
 և զպէտս մեր և զկարիս առա-  
 ւել քան զոր խնդրեմք և իմա-  
 նամք, և գթացեալ ՚ի տկարու-  
 թիւնս մեր ուսուցանէ մեզ  
 զնոսին հայցել հաւատով, և  
 գտանել առ ՚ի քէն հանդերձ  
 թողուծեամք մեզաց մերոց:

Մի ընկենուր զիս յերեսաց

քոց բարեբանեալ, որ ոչ կացի  
 յուխտին իմում՝ զոր ուխտեցի  
 քեզ յաւուրն փրկութեան, և  
 ոչ զգուշացայ կալ ՚ի ճանապարհ  
 հըս օրինաց քոց. այլ իշխանին  
 մոլորութեան անսացեալ խրա-  
 տու՝ զառածեցայ յերկնագը-  
 նաց պողոտայէդ ՚ի փշայեղց  
 մացառս մեղաց և մահու. այլ  
 դու խնամակալ՝ որ ոչ ձանձ-  
 րանաս ՚ի բարերարելոյ, և ոչ  
 յագիս յողորմածութենէ, հո-  
 գւով պետութեան քո հաս-  
 տատեա զիս ՚ի պատուիրանս  
 քո անդրդուելի՝ ուղղել վե-  
 րստին զգնացս ոտից իմոց առ  
 տու իչդ կենաց :

Արդ՝ դու կարող և մարդա-  
 սէր, որ յառաջ քան զինեւու-  
 թիւն երկնի և երկրի պատ-

բաստեցեր զարքայութիւնդ 'ի  
 ժառանգութիւն սրբոց քոց ,  
 սրբեա և զիս յամենայն անօ-  
 րէնութենէ իմմէ , և արժա-  
 նաւորեա ընդ նոսին յարքայ-  
 ութեան քում յերկինս , գու-  
 հութեամբ փառաւորել զա-  
 մենադօր տէրութիւնդ յաւի-  
 տեանս յաւիտեանից .  
 ամէն :





## ԵՐԿՈՒՇԱՐԹԻ ԱՒՈՒՐ



### ՍԱՂՄՈՍ ԱՊԱՇԽԱՐՈՒԹԵԱՆ

ԻՅՐԱՆԻ ում թողութիւն եղև մեզաց,  
և ծածկեցան մմ յանցանք նորա:

Երանի առն որում ոչ համարի տէր զմեզս  
նորա, և ոչ գոյ նենգութի ՚ի բերանոյ նորա:  
Լաւցի ես և մաշեցան ամենայն ոսկերք  
իմ, առ աղաղակել ինձ առ տէր զօրհանա-  
պագ ՚ի տուէ և ՚ի գիշերի:

Ճանբացաւ ձեռն քո ՚ի վերոյ իմ, դարձաց  
՚ի թշուառութիւն զի հարան յիս փուշք:  
Չմեզս իմ ցուցից քեզ, և զանօրէնութիւնս  
իմ ոչ ծածկեցից ՚ի քէն:

Ասացի թէ պատմեցից ինձէն զմեզս իմ, և  
դու թողքես զամենայն ամբարշտութիւնս  
մեզաց իմոց:

Վասն այսորիկ յաղօթս կացցենն առ քեզ ա-  
մենայն սուրբք, 'ի ժամ ընդունելի :

Բայց միայն 'ի ջուրցն հեղեղաց բազմաց,  
որք առ նոսա ինչ ոչ մերձեցին :

Դու ես ապաւէն իմ 'ի նեղութենէ յայս-  
մանէ, որ շուրջ եղենն զինեւ :

Յնծութիւն իմ փրկեա զիս յայնցանէ՝ ոյք  
սպաշարեցին զիս :

Իմաստունն արարից զքեզ և խելամուտ 'ի  
ճանապարհ՝ յոր և դնացես, և հաստատե-  
ցից 'ի վերայ քո զաչս իմ :

Մի լինիք որդէս զձիս և զջորիս՝ զի ոչ դոյ  
'ի նոսա իմաստութիւն, 'ի սանձս և 'ի դան-  
դանաւանդս ճմլեցես զկղակս 'նոցա՝ որք  
առ քեզ ինչ ոչ մերձեցին :

Բազում տանջանք են մեղաւորաց, բայց  
Յք յուսան 'ի տէր՝ ողորմութիւն տեառն  
շուրջ եղիցի զնորօք :

Ուրախ եղերուք և ջնծացէք արդարք 'ի  
տէր, սպարձեցարուք ամենեքեան՝ ոյք ու-  
ղիզ էք սրտիւք :

## ՀԱՐԱԿԱՆ ԱՊԱՀԻՍԱՐՈՒԹԵԱՆ

- Խի. ՍՊՎ կենցաղոյս հանա,  
 պաղ զիս ալէկոծէ :  
 Մըրկեալ ալիք թշնամին ինձ  
 յարուցանէ :  
 Նաւապետ բարի՛ լեր անձին իւ  
 մոյ ապաւէն :  
 Սերձ եմ յընկղմիլ՝ օգնեա  
 ինձ նաւապետ բարի . քանզի  
 ծանրացան ՚ի վերայ իմ բեռինք  
 մեղաց :  
 Աստուած՝ յօգնել ինձ փու  
 թա , քանզի խորք չարեաց ըն  
 կըղմեն զիս յանդուհոս . այլ  
 դու նաւապետ՝ լեր և ինձ ձե  
 ուրնտու :  
 Փրկեա ՚ի վտանգէ զնաւաբեկս  
 ՚ի յալեաց ծովէ . քանզի կորըն

չիմ 'ի մեղաց անօրէնու թեան  
իմոյ :

Աղաչեմ զքեզ տէր՝ պարգև  
եա ինձ ապաշխարու թեամբ  
լուանալ զմեղս իմ, և ողորմեա :  
Զարտասուս իմ և զհառաչանս  
սրտի իմոյ մարդասիրու թեամ  
բըդ .քո ընկալ տէր, և ողորմեա :  
Մերձեսցին խնդրուածք իմ ա  
ռաջի .քո տէր . բարերարու  
թեամբդ .քո խնայեա յիս, և  
ողորմեա :

Աղաչեմ զքեզ հայր երկնա  
ւոր, մի դարձուցաներ զերեսս  
քո յինէն . զի նեղեալ եմ ես,  
վազվազակի լուր ինձ տէր :

Մոլորեալ անձն իմ անօրէնու  
թեամբ, մի կորուսաներ զիս  
տէր ըստ անօրէնու թե՛ իմոյ, որ  
խնդրողդ ես մոլորեալ ոչխարիս :

Ճանրացեալ մեղօք ընկղմի անձն  
իմ. ընկալ զիս սրպէս երբեմն  
զսլետրոս, որ ծփիմս ալէկոծեալ  
յանցանօք :

Մեղայ տէր՝ բազում ողորմ  
աստուած, մեղայ՝ ողորմեա :

Մեղայ տէր՝ և անկանիմ առա  
ջի քո, մեղայ՝ ողորմեա :

Մեղայ տէր՝ խոստովանիմ ըզ  
յանցանս իմ, մեղայ՝ ողորմեա :

Թիւնս իմ. Մեղայ քեզ տէր,  
քաւեա զիս :

Մեղաք անօրինեցաք ամենե  
քեան, ոչ սլահեցաք զսլատուի  
րանս քո. մեղայ քեզ տէր, քա  
ւեա զիս :

Դարձիր տէր ՚ի բարկու թենէ  
քումմէ. անցո ՚ի մէնջ զցա  
սումն քո. մեղայ քեզ տէր,  
քաւեա զիս :



Որ զբանն անեղական զէակն  
 էից գոյացու թեանց անճառա-  
 բար ծնար մարմին եղեալ 'ի  
 փրկութիւն եղականացս , առ  
 նա միշտ բարեխօսեա վասն  
 անճանց մերոց :

Փառս Կօր և որդւոց :

Որ զպտուղն 'ի քէն կենաց ըն-  
 ծայեցեր մեռեալն ադամայ .  
 զորոյ պահօք քառասնօրեայ քա-  
 լեաց զպտղոյն ճաշակումն , և  
 յանվախճան զնոյն վերածեաց  
 'ի կեանս , առ նա միշտ բա =

Մ. յ. Ժ. Ժ. և Ռ. շ. և յա. ի. ք. անս :

Ի միւսանգամ քո դալթտեանն  
 յերեկիլ սուրբ նշանիս՝ արժա-  
 նի արա զճառայս քո վերստին  
 նորոգման . զի դու միայն ես  
 թագաւոր փառաց օրհնեալ  
 յաւիտեան :

Թագաւորք Ասրաշխարութեան :

**Լ**ուր մեղ աստուած փրկիչ  
մեր, և կեցո զմեղ, որ յամենայ  
նի կարօղդ ես :

Լուր մեղ աստուած փրկիչ մեր,  
յոյս ամենայն ծագաց երկրի,  
և որ 'ի ծով հեռի :

Ո՛ւ պատրաստէ զլերինս զօրու  
թեամբ իւրով, և զգեցեալ է  
զօրութիւն, և կեցո զմեղ, որ  
յամենայնի կարօղդ ես :

Լուր աղաչանաց մերոց տէր  
մարդասէր, և գթա 'ի մեղ :

Մի՛ զիս անտես առներ, այլ  
օգնեա ինձ մարդասէր :

Մի՛ ընկենուր զիս տէր յերեսաց  
քոյ, և զհողի քո սուրբ մի՛ հա  
ներ յինէն :

Այլ տուր ինձ զցնծութիւն

փրկու թեան . և հոգւով պե-  
տու թեան քո հաստատեա զիս .

այլ օգնեա ինձ մարդասէր :

Մի անտես առներ զիս՝ տէր  
աստուած փրկիչ իմ . այլ շնոր-  
հեա ինձ թողու թիւն բազմա-  
գու թ մարդասէր , և կեցո :

Երկինք և երկիր գոհանան  
զքէն տէր , արարածք ամենայն  
քեզ երկիր սլագանեն . և հը-  
րեշտակք ՚ի բարձունս աղա-  
ղակեն և ասեն , ողորմեա՛ դու  
ստեղծեր , մի կորուսաներ :

Երկինք երկնից , ջուրք որ ՚ի  
վերոյ քան զերկինս օրհնեցէք  
զանուն տեառն :

Ձի նա ասաց և եղեն , հրա-  
մայեաց և հաստատեցան . և  
հրեշտակք ՚ի բարձունս աղա-  
ղակեն և ասեն , ողորմեա՛ դու

ատեղծեր, մի կորուսաներ :  
 Երկինք և երկիր հանապաղ ըզ-  
 քեզ գոլեն՝ թագաւոր փա-  
 ռաց, սերովբէք և քերովբէք  
 'ի խոնարհ ունելով զդէմս իւ-  
 րեանց, և միաձայն բարբառովն  
 աղաղակեն և ասեն՝ սբ, սբ, սբ,  
 տէր զօրութեանց :



Ի խորոց սրտից խօսք՝ ընդ Աստուծոյ :

ԲԱՆ ԶԱ.

Ա. Ընդ անձանիս մաղթա-  
 նաց՝ ահա և զվերնոցն անմահ  
 հրեշտակացն լուսակերպից զա-  
 ղերս հայցուածոց, որ վասն իմ  
 գոչեն առանց լռելոյ հանապա-  
 զորդեան արգահաստութեամբ

մաքուր բերանոց՝ ընկալ բարեգուծ : Արք են բարիք բարեգործեալք ՚ի բարերարէդ՝ անկիրթք չարեաց, հաստեալք յամէնիշխան հրամանաց էիդ . զօրուծիւնք հզօրք՝ ակնարկուծեան բարձրելոյդ . սուրբք, մաքուրք, անարատք, օրհնեալք, վայելականք, յաղթօղք և անպարտելիք . և ըստ ընթացից տեսուծե մտաց՝ արագուէք :

Բ . Արք և պտղակորոյս տնկոյ թղենւոյն եռամեանն դատարկուծեամբ, որ զքնաւ յաւիտեանս պարունակէ ժամանակըն՝ զանցեալն ընդ ներկայիս և ընդ ապառնւոյն, յամայր յամբուծեամբն յերկարածդեւոյ՝ յայդի աշխարհիս արմատացելոց, սին սաղարթիւն պաճու-

ճեւոյ՝ զրկեալ ՚ի պտղոց , որ  
 է ճշգրիտ պատկեր թշուառ  
 մարդկու թեանս , սորա բարե-  
 խօսք՝ հանդերձիչք՝ այլ և խը-  
 նամակալք . որ դեգերին հա-  
 նապաղ առ մեզ՝ ընդ մերում  
 կրիցս կարեկցելով , բարեմաս-  
 նութեանն մեր սպասեն . և  
 յաւիտենականն կենդանութի  
 փրկութեն մեր աղօթեն՝ զայս  
 բան ասելով , զգործս ձեռաց  
 քոյ մի անտես առներ : Քանզի  
 արդարև մեր են այս աղաչանք  
 ՚ի բարերարէդ աստուծոյ վասն  
 մեր կարգեալ առ նոսա . զի նո-  
 քա բանիւ են ստեղծեալ , և  
 մեք ձեռօք ներգործեալ : Որք  
 և գալոց են ընդ միածնիդ՝ վը-  
 կայք սոսկալի դատաստանին  
 հատուցման , ճշմարտաբան դա-

տախազք յանցաւ որու թէ երկ  
 րայնոցս, յահաւորին ատենի՝  
 յայտնիչք իրաւամբք զմատա-  
 կարարու թիւնն՝ որ առ մեզ, որ  
 և անտանօր կարեկցեն ազդեալ  
 հառաչմամբ զմշտանուէրն նը-  
 ւագ ձայնի, ողորմեա՛ դու ըս-  
 տեղծեր, մի կորուսաներ:

Գ. Արդ՝ ընդ գոհաբանու  
 թեան ձայնիցն խնդրուածոց՝  
 անմահականացն վեհից՝ և ՚ի  
 մեր հեծու թիս հոտոտեսցիս՝  
 բնաւից արարիչ, որ յաղթես  
 գթու թեամբդ քո վերնոցն և  
 ստորնայնոցս. քանզի քո է բա-  
 րերարելդ առ մեզ և առ նոսին:  
 Արդ՝ վասն բարեզարդու թեան  
 անախտականացն, հրաշատեսիլ  
 հրակերպիցն, անշաղախ մաք-  
 րոցն, անմեղիցն, բոցանիւ թի-

ցըն, հոգեղինացն, և անվանե-  
 լեացն. ամէնաճեցուն առա-  
 լելու թեամբ ՚ի բարձրն ընտ-  
 րականու թիւն գերաւիայլ յա-  
 ճախ գիտու թեամբ՝ անցուրտ  
 ջերմու թեամբ ջեռուցանողք՝  
 ինքնաբուն տապոփն աստուած-  
 սիրու թեան ըստ ինքեանց ըզ-  
 մերս սառնասեր սրտիցս ան-  
 բորբոք շիջումն, այրիլ անա-  
 ղօտ ՚ի մեծախորհուրդ սրբում  
 սեղանիս՝ որ ՚ի խորանիս, ա-  
 ռանցնիր հելոյ և դանդաղանաց  
 սպասել հրամանաց երանակա-  
 նաց կեցուցիչ կամաց ամենա-  
 ստեղծիդ. բրուբէօրէն առա-  
 քինու թեամբ յաստուած մի-  
 ացեալք անբաժանելի: Որք  
 երկնաւոր պետու թիք են մեծք,  
 և զինուորու թիւնք անբիծք ա-



հաւորք, երկնաւորիդ աստու-  
ծոյ՝ ազատազնեայ պաշտօնեծոյք,  
'ի յամսոյդ լուսոյ՝ ցոլք նշու-  
ղից :

Դ. Արուլք և ինձ մեղաւորիս  
հողեղինի մարդասիրեցես ու  
ղորմել՝ յիսուս աղաչանօք իմոյն  
հրեշտակի, դարձուցանելով  
զիս տէր՝ 'ի բարիդ քո հետս  
լուսոյ. զի զաւանդ հոգւոյս  
իմ պաշտպանութեան, զոր հա-  
ւատացեր նմին տեսչութեան,  
զընկալեալն 'ի քէն 'ի կենցաղ  
աստեացս՝ ուրախութք սրտիւ  
յիս բերկրեալ, անմեղադրելի  
առ 'ի քէն օրհնեալ՝ խնդալից  
դիմաց զուարճութեամբ՝ քեզ  
արքայ բարձրութեան փառաց  
անհասից՝ 'ի խրախճանս կեն-  
դանախումբս բերկրեցելոցն

պարուց մատուցեալ ընծայե-  
ցուսցէ՝ գովեալ ողորմած : Եւ  
քեզ անքնին ընդ հօր անհասի՝  
Թուակցու թէ հոգւոյդ անճա-  
ռի՝ վայելէ փառք պատիւ և  
երկրպագութիւն, յաւիտեանս  
յաւիտենից . ամէն :



Ազօթք առ ամենասուրբ Երրորդութիւնն ,  
Յովհաննու գառնեցւոյ ասացեալ :

Բարերար և ամենակալ՝ յոյս  
ապաւինի ամենայն տարակու-  
սելոց՝ տէր իմ և աստուած իմ,  
արարիչ էից յանէից և նախախ-  
նամօղ բոլորից . որ յայսմ ա-  
ւուր հրամանաւ քով բաժա-  
նեցեր զբազմութիւն ջուրց ,

զքաղցուհան ամբարձեր 'ի վեր  
 յամսս տեղալ 'ի վերայ երկրի'  
 'ի բղխել զաղբիւրս և խաղա  
 ցուցանել զգետս, և զաղտաղ  
 տինս թողեր յերկիր ստորին  
 անսահման իմաստու թեամբ, և  
 արկեր անջրպետ 'ի մէջ նոցա  
 լոյծ և հոսանուտ զհաստատու  
 թիւնն օդոյ, զի փոխադարձ  
 տուրեառութիւն ջուրց մշտնջե  
 նապէս հաղորդիլ կարասցեն  
 ընդ միմեանս վերինքն և ստո  
 րինք յօգուտ համօրէն տիեզե  
 րաց, և 'ի պէտս ազգի մարդ  
 կան՝ զոր հանդերձեալ էիր ա  
 րարչագործել 'ի վայելումն ե  
 րանաւէտ փառաց աստուա  
 ծու թեանդ . քո :

Արդ՝ ես որ կամ իբրև զջուր  
 ստորին աղտեղեալ 'ի ճահիճս

զանազան մեղաց գարշու թիւ ,  
 և աստիանեալ բազմօրինակ ա-  
 նօրէնու թեամբ , առ քեզ պա-  
 ղատիմ արարիչ իմ և յոյս , բա-  
 ըեգ ու թ կամօքդ վեր առեալ  
 զմիտս իմ 'ի ստորէ՝ մաքրագոր-  
 ծեա որպէս զՂուբան ամպոց  
 յամ աղտեղու թեանց քոյովդ  
 սրբու թեամբ . և զդառնու թի  
 նեխու թեան իմոյ 'ի բաց արա-  
 յինէն քոյովդ քաղցրու թեամբ ,  
 լինել հաճոյ աստուածու թեան  
 քո կամաց՝ 'ի գովեստ փառաց  
 անբաւ շնորհաց քոց :

Մի հայիր 'ի բազմու թիւն ա-  
 նօրէնու թեան իմոյ՝ որ անար-  
 ժան եմ դ թոյ , և մի գարշիր  
 յինէն վասն զազրու թեան յան-  
 ցանաց իմոց՝ յորում կամ շա-  
 զախեալ . այլ մատիր առ իս

անճառելի գթութեամբդ, և  
 ողորմեա ինձ ըստ բաղում ու  
 ղորմութեան քում, զի քաղցր  
 ես առ ամենեւին՝ որք կարդան  
 առ քեզ, և ապաւինին ՚ի քո  
 մարդասիրութիւնդ:

Դու տէր՝ զանձրև գթութեան  
 կամաց քոց և զառա-  
 սազեղ ողորմութեան քո զյօղ  
 անձրևեա ՚ի սիրտ իմ, որ ՚ի  
 սաստիկ ցանկութենէ չարեաց  
 և ՚ի տապոյ անօրէնութեան ե-  
 րաշտացեալ՝ չունի ինչ բերս  
 պտղոց բարութեան, և ոռո-  
 գեալ սրարտացո շնորհօք  
 մարդասիրութեան քո՝ բերել  
 զարդիւնս անեղձանելիս ՚ի պա-  
 շար մշտնջենաւոր և անեղրա-  
 կան կենաց:

Սուր ինձ բարերար, քաւեա

անյիշաչար , և արա զճառայս  
 քո արժանի վերին օթեվանա-  
 ցրդ ընդ սիրելիս անուան քո  
 սրբոյ , և ընդ կամարարս հա-  
 ճոյից աստուածու թեանդ քո՝  
 որ յերկինս և որ յերկրի , զի  
 ընդ նոսին փառաւորեցից ան-  
 լուելի օրհնաբանու թեամբ ըզ-  
 հայր և զորդի և զսուրբ հոգիդ ,  
 այժմ և միշտ և յաւիտեանս  
 յաւիտենից , ամէն :





# ԵՐԵՄԻԱՅԻ ԱՊՈՒՐ



## ՍԱՂՄՈՍ ԱՊԱՇԽԱՐՈՒԹԵԱՆ

ՏԵՐ մի սրտմտութեամբ քով յանդի-  
մաներ զիս, և մի բարկութեամբ քով խը-  
րատեր զիս:

Զի նեղք քո հարան յիս, և յիս հաստա-  
տեցաւ ձեռն քո:

Ոչ գոյ բժշկութիւն մարմնոյ իմոյ, յերե-  
սաց բարկութեան քոյ:

Ոչ է խաղաղութիւն սակերաց իմոյ՝ յերե-  
սաց մեղաց իմոյ:

Անօրէնութիւնք իմ բարձրացան քան ըզ-  
գլուխ իմ, որպէս բեռն ծանր ծանրացան  
ի վերաց իմ:

Նեխեցան և փտեցան վէրք իմ՝ յերեսաց  
անդդամութեան իմոյ:

Տառապեցայ և խոնարհ եղէ մինչև յոյժ ,  
 զօրհանապաղ տրտում դնայի , զի անձն իմ  
 լի եղև շարշարանօք , և ոչ գոյ բժշկութի  
 մարմնոյ իմոյ :

Չարշարեցայ և խոնարհ եղէ մինչև յոյժ ,  
 մանչէի առ հեծութեան սրտի իմոյ :

Տէր առաջի քո է ամենայն ցանկութի իմ ,  
 և հեծութիւն իմ 'ի քէն ոչ ծածկեցաւ :

Սիրտ իմ խռովեցաւ յիս , և եթող զիս զօ-  
 րութիւն իմ , լոյս աչաց իմոց , և այս ոչ  
 եղև ընդ իս :

Բարեկամք իմ և մերձաւորք իմ առաջի իմ  
 մերձեցան և կացին , և մերձաւորք իմ հեռի  
 եղին յինէն :

Բռնադատէին զիս և խնդրէին զանձն իմ  
 ոյք խորհէին չար 'ի վերայ իմ , խորհեցան  
 զանօրէնութիւն և զնենգութիւն զօրհանա-  
 պաղ խորհեցան :

Այլ ես որպէս խուլ զի ոչ լսէ , որպէս հա-  
 մլը որ ոչ բանայ զբերան իւր :

Եղէ ես որպէս մարդ որ ոչ լսէ , և ոչ գոն  
 խօսք 'ի բերան նորա :

Ես 'ի քեզ տէր յուսացայ , և դու լուիցես  
 ինձ տէր աստուած իմ :

Ասացի թէ մի ուրախ եղիցին յիս թշնամիք  
 իմ , 'ի սասանիլ ոտից իմոց 'ի վերայ իմ



մեծամեծս խօսեցան :

Ես 'ի տանջանս սպարաստ եմ, և ցաւք իմ  
առաջի իմ են յամենայն ժամ :

Չանօրէնութիւնս իմ սպտմեցից, և հոգա-  
ցայց վասն մեղաց իմոց :

Իսկ արդ՝ թշնամիք իմ կենդանի են, և զօ-  
րացեալք են քան զիս, և բազումք էին  
այք ատէին զիս 'ի տարապարտուց :

Ոչք հատուցին ինձ չար փոխանակ ընդ  
բարւոյ. չարախօսէին զինէն, զի ես երթայի  
զհետ արդարութեան :

Մի՛ թողուր զիս տէր աստուած իմ, և մի՛  
'ի բացեաց առնիր յինէն, հայեաց յօգնել  
ինձ տէր փրկութեան իմոց :



## ՇԱՐԱԿԱՆ ԱՊԱՇԽԱՐՈՒԹԵԱՆ

ԲԵՅ. ՊԱՐԶՈ զցասու մն քո 'ի  
մէնջ՝ յաղաղակել հողեղինացս.  
բազմադու թ տէր՝ խնայեա և  
մի՛ կորուսաներ :

Կանգնեա զանկեալս 'ի գլորմա-  
 նէ՝ զվիրաւորեալս 'ի թշնամ-  
 ւոյն. որ բժիշկդ ես հիւանդաց  
 բժշկեա զիմ զհիւանդու թիս :  
 Ի յանցանաց իմոց թախտեալ  
 անձն իմ՝ գոչեմ որպէս զմաք-  
 սաւորն, աստուած՝ քաւեա զիս  
 զմեղաւորս :

Աներևու թից քննող գաղտ-  
 նեաց՝ բժշկեա զհոգւոյ իմոյ  
 զհիւանդու թիւն և կեցո, մի-  
 այն մարդասէր :

Որ երկայնամիտդ ես առ ամե-  
 նեսեան՝ ողորմեա անձին իմոյ  
 բազմամեղի և կեցո, միայն  
 մարդասէր :

Ամենաքաւական ողորմու թե՛  
 շնորհ՝ սպարդեւեա ինձ յահա-  
 գին աւուրն զթողու թիւն և  
 կեցո, միայն մարդասէր :

Ի ազոււմ ենք քո դժու թիքդ  
 քաղմամեղ անձին իմոյ, ողոր-  
 մեա աստուած քաւիչ իմ:

Ձիքեզ անյիշաչար տէր՝ մեղայ  
 չարին խաբմամք, ողորմեա աս-  
 տուած քաւիչ իմ:

Ի քո ՚ի միւսանգամ գալստեա-  
 նքն՝ յորժամ գաս դատել զեր-  
 կիր, ողորմեա անձ քաւիչ իմ:

Սեղաք մինչև յերկինս, և  
 զարդար զցասումն քո շարժե-  
 ցաք ՚ի մեզ, տէր՝ ըստ մեծի  
 քում ողորմութեանդ ողոր-  
 մեա մեզ:

Իջաք մինչ ՚ի դժոխս ընկղմեալք  
 յանօրէնութեան մերում, տէր՝  
 յիշեա զգինս արեան որդւոյ  
 քո, և ողորմեա:

Հալածեա ՚ի մէնջ տէր՝ նշանաւ  
 խաչի քո զընդդիմամարտ և զա-

ներևոյթ գաղան . և մի տար  
յապականութի դքո ժառան  
գութիւնս :

Փառս հօր և որդւոյ :

Տաճար լուսոյ անըստուերին  
և առագաստ անճառ բանին .  
որ զնախնւոյ մօրն եւսոյի բար-  
ձեր զանէ՛ծսն տրտմալի . հայ-  
ցեա յորդւոյ քո միաճնի հօր  
հաշտութեն միջնորդի , բառ-  
նալ 'ի մէնջ զխառովութիւն և  
տալ զողւոց խաղաղութի :

Այժմ և Տիշտ և յաւիտեանս :

Երևեալ աղիւսանման ակն պա-  
տուական 'ի ձև խաչին . հեր-  
ձանելով զծովն կարմիր , առաջ-  
նորդելով ժողովրդեանն սեամբ  
ամսոյ լոյսն անմեկնելի . որ ձե-  
ւացոյց մեզ սովաւ մտանել ընդ  
գուռն անեղաչէն դրախտին  
ան :

Թագաւորք Արտշեսարու թեան :

Երկայնամիտ ես տէր առ  
ամենեւեան , և գթա տէր 'ի  
վերայ մեր՝ որպէս և յաւազա-  
կին փրկիչ և կեցո :

Երկայնամիտ բազում ողորմ և  
ճշմարիտ՝ նայեա առ իս և ու-  
ղորմեա ինձ :

Տուր զօրութիւն ծառայի քո ,  
կեցո զորդի աղախնոյ քո , և ա-  
րա առ իս նշան բարութեան :

Եւ գթա տէր 'ի վերայ մեր ունի  
և յաւազակին փրկիչ և կեցո :

Տէր՝ որ գթացար յաւազակն  
խաչակից լինիլ քեզ , և մաք-  
րեցեր զաղտեղութիւն յան-  
ցանաց նորա յաղբերէ կողի  
քո , գթա և յիս 'ի մեղաւորս ,  
որ ծարաւ իս եմ առ քեզ , և

փափաքիմ 'ի գաւիթս քո՝ որ  
պէս զմի 'ի յեղջերուաց 'ի յաղ-  
բերս ջուրց :

Մարտեաւ ընդ իս թշնամին,  
հանապազ զիս կամի կորուսա-  
նել . այլ դու տէր իմ՝ այց ա-  
րա մսլորեալ ոչխարիս , և կեցո :  
Մարտեան ընդ իս 'ի տարապար-  
տուց , և փոխանակ սիրոյ իմոյ  
մատնէին զիս , այլ ես յաղօթս  
կայի :

Հատուցին ինձ չար փոխանակ  
բարւոյ , ատելութի փոխանակ  
սիրոյ իմոյ . այլ դու տէր իմ՝ այց  
արա մսլորեալ ոչխարիս , և կեցո :  
Որ հովիւդ ես հօտից բանաւոր  
կենդանեաց , տուր ինձ յոյս  
կենաց ասպաշխարութեան . և  
դարձո զմսլորեալս 'ի հօտ քո  
քրիստոս , և կեցո :

Մեղայ և աղաչեմ զքեզ ,  
 թողու թիւն շնորհեա մեղաց  
 իմոց . քաւիչ լեր քո գթու  
 թեամբդ՝ որ միայնդ ես փրկ  
 կիչ , և կեցո :

Մեղայ տէր մեղայ , և զանօրէ  
 նու թիս իմ ես ինձէն գիտեմ :  
 Աղաչեմ և խնդրեմ 'ի քէն՝ թող  
 ինձ տէր թող ինձ , և մի կու  
 բուսաներ զիս ըստ անօրէնու  
 թեան իմոց . քաւիչ իմ լեր քո  
 գթու թեամբդ՝ որ միայնդ ես  
 փրկիչ , և կեցո :

Մեղայ քեզ տէր , մեղայ քեզ  
 տէր , մեղայ . և քան զաւազ  
 ծովու բազում են յանցանք  
 իմ . պատրանք աշխարհիս խա  
 բեցին զիս . և եղէ անպտուղ  
 'ի կենաց յուսոյդ . այլ դու ա  
 նոխակալ և անյիշաչար փրկիչ :

խնայեա 'ի մեղուցեալ ծառայս  
և կեցո :



Ի խորոց սրտից խօսք՝ ընդ Աստուծոյ :

ԲԱՆ Հ.

Ա. Ի՞նչ քանզի համբարձեալ  
զընթացս բանիս 'ի փոքունց  
աստի երկրայնոց՝ չհամարելոց  
ընդ գոյս եղելոց՝ 'ի մեծագու-  
նիցն տեսակս, ասացից զտօնելի  
հանդէս իրաւանց ահաւորին  
անաչառութեան : Ար զի թէ  
մերձաւորագոյնք իցեն աստու-  
ծոյ՝ իբրև զնախածանօթ հայ-  
րապետութիւնսն, և կամ մար-  
րագոյնք՝ որպէս մարգարէսն,  
կամ անբժագոյնք՝ իբրև զառաւ



քեալսն , կամ ընտրելագոյնք՝  
որպէս մարտիրոսան , եթէ ոչ  
դու մարդասիրեսցես անուագ  
բարիդ՝ և անփոփոխ խնամա-  
կալութիւնդ՝ և անպակաս ո-  
ղորմութիւնդ , ընդունայն է  
ինձ փրկութիւն առ ՚ի նոցանէ :

Բ . Օ՛ր եթէ առ նոյն ինքն  
աբրահամ ձայն արձակիցեմ ,  
իբր ողորմագին առակ ընչե-  
ղին ինձ վարդապետէ , ՚ի տա-  
պոյ անտի պապակեալ , կաթի  
միոյ ջրոյ ոչ բաւականանայ .  
քանզի և նա փակեալ է ընդ  
կարեօք հասարակաց անհնա-  
րութեան : Իսկ եթէ առ մով-  
սէս , և նա զգածեալ է տկա-  
րութիւն , որ ոչ զօրեաց առնն  
փրկութեան , որ զհօյթայթա-  
նաց կրկուտն ՚ի պահպանու-

Թեանն աւուր ժողովէր : Իսկ  
 եթէ առ ահարոն , և նա ինք-  
 նին իսկ կարօտացաւ մաղթու-  
 ղի : Իսկ եթէ առ դաւիթ , 'ի  
 մէջ բարեացն առաւելութե՛ն՝  
 սողտեալ է և նա : Իսկ եթէ  
 առ նոյ և յօբ՝ և դանիէլ , զայս  
 եղէկիէլ մարգարէ մեկնեաց՝  
 յանուանէ իսկ յիշատակեալ  
 զնոսա , և զայն ընդ նոսին իբր  
 'ի դիմաց աստուծոյ ազգեալ ,  
 կենդանի եմ ես՝ ասէ տէր , թէ  
 ոչ ապրեցուցեն զուստերս և  
 զդստերս իւրեանց 'ի բարկու-  
 թենէն՝ որ հասանիցէ , բայց  
 եթէ ինքեանք միայն ապրես-  
 ցին : Իսկ եթէ առ պետրոս  
 լէմն հաւատոյ , 'ի քումդ խը-  
 նամոց խուն մի խիթացեալ և  
 նա ընդ կրիւք իմն դրաւեցաւ :

Թողու մ'ասել զբաղմացն գու-  
 մարու թիւն՝ խոնարհեալ առ  
 կարիս կարիս, թէ և յաւէտ  
 երջանիկք իցեն : Ընդ որս և  
 յովասու ոմն մարգարէի 'ի մէջ  
 անճառաքն սպասաւորութեան՝  
 մարդկօրէնն գայ թակղու թիւն՝  
 մնայ յօլովից անթարգմանելի,  
 թէ և 'ի դէմս իմն մեկնութե  
 ձեակերպեսցի :


Գ. Եւ քանզի չափեալ սահ-  
 մանեցաւ զօրութիւն փրկու-  
 թեան մարդկան, և ցուցան  
 նորա ողորմեալք բարերարիդ՝  
 և զօրացեալք ամենակալիդ .  
 կոչեցեալք պաշտպանողիդ՝ և  
 քաւեցեալք հնարաւորիդ . շը-  
 նորհեալք ազատեցուցչիդ՝ և  
 բժշկեալք անախտականիդ . կե-  
 նագործեալք անապականիդ՝ և

լուսաւորեալք նորոգողիդ, այս  
 սուհետե գիտացեալ զսակն  
 որքանու թեանց հողածին բը  
 նու թեանս, որք մխիթար են  
 օրինակաւն նմանաբար հարա  
 զատասլէս մհատու թեան յու  
 սահատելոց, ահա առ քեզ դի  
 մեցից՝ որդի աստուծոյ կենդա  
 նւոյ քրիստոս օրհնեալ յամե  
 նայնի: Մանաւանդ զառակն  
 ազգակից այսմ մաղթանաց աս  
 տանօր յիշեալ, զվերագրելոցդ  
 բան վերստին արդարացուցա  
 նէ. բարի է, ըստ իմաստնոյ ու  
 մեմն երջանկի, անկանել ՚ի ձե  
 ոքս տնն, և մի ՚ի ձեռս մարդ  
 կան. զի որսլէս մեծու թի նորա,  
 և ողորմութիւն նորին: Եւ այս  
 բան՝ թէ և զգաւ թին իմն գը  
 ծագրէր, որ զերեքմասնեան

հարուածն անձեան առաջի ե-  
 դեալ՝ ընտրեաց ինքնին կամա-  
 ւորաբար զգատակնիք մահուն  
 սատակման՝ իբր զկենդանի քը-  
 ռիստոսի հաւատոցն յաճախու-  
 թեամբ, քան զերկուսն ևս այլ  
 փոքրկունս՝ որք տանջենն և ոչ  
 ողորմին. սակայն և իմս օրինա-  
 կու թիւն բանիս պատկերի ճա-  
 րակեցելոյ հնարս կենաց կո-  
 ռուսեալս անձին՝ ոչ է այլայ-  
 լեալ յարմարութենէ. զի ոչ  
 էթէ զփրկեալսն նուաստացու-  
 ցանեմ՝ ի մատենի այսր ողբեր-  
 գու թեան, առանց որոց ոչ է  
 մատչել առ տէր, այլ զփրկողին  
 անուն պսակեմ, և զչնորհ նո-  
 ռին՝ առ ամենեւին բարեհաջա-  
 կեմ. և զքնաւին բարձունսն ի  
 թռիչս վարուց՝ խոստովանիմ

բանիս պայմանաւ յաւելտ կա-  
րօտեալ ողորմու թէն դեղոյ :

Դ. Ահա դու կեանք , դու  
փրկու թիւն , դու բժշկու թի ,  
դու անմահու թիւն , դու երաւ  
նու թիւն , դու լուսաւորու թի .  
արա ինձ անդորր 'ի մեղացս աշ-  
խատու թեանց , զի և քեզ լիցի  
հանգիստ 'ի մշտադատս հե-  
ծու թեց՝ ձանձրացուցիչս թա-  
խանձանաց . որ ոչ սյլ իւրք ,  
քան թէ փրկու թեամբ մարդ-  
կան պարարիս , օրհնեալ յաւել-  
տեանս . ամէն :



Աղօթք առ Հայրն Երկնաւոր : Յովհաննու  
գառնեցւոյ ասացեալ :

Արարչագործ աստուած և  
ամենախնամ, որ յայսմ աւուր  
գթութեամբ կամաց քոյ ժո-  
ղովեցեր զջուրս որ 'ի վերայ  
երկրի՝ 'ի խորս ծովու, և զա-  
տուցեր զցամաքն 'ի ջուրց. և  
զարդարեցեր զայն զանազան  
բանջարօք և ծաղկագեղ վայ-  
ելչութիւնք, և ազգի ազգի պրտ-  
զաբեր ծառովք : Իսկ արդ եր-  
կիրս անձնաւոր՝ փոխանակ բա-  
րեբոյս սերմանց առաքինագործ  
արդասեաց՝ բուսուցի փուշս  
մեղաց խոցոտիչս հողւոյ իմոյ, և  
փոխանակ բերօցն քաղցրութե-  
պտուղս անօրէնութե՛ն դառինս  
և մահաբերս ինձ դոյացուցի :

Այլ դու անոխակալ տէր՝  
 հայեաց քաղցրութեամբ առ  
 իս յարարածս քո, և մի՛ անտես  
 առներ զգործս ձեռաց քոց .  
 խլեա յինէն զփուշս շարեաց  
 և զարգասիս անօրէնութեան՝  
 զոր ես ինձէն սլտղաբերեցի, և  
 սերմանեա վերստին 'ի միտս և  
 'ի կամս իմ՝ զբարին և զօգտա-  
 կարն հոգւոյ իմոյ՝ յօժարիլ և  
 ընտրել զայն, և առնել կամա-  
 կար սիրով:

Անօրէնութիւնք իմ բարձ-  
 րացան քան զգլուխ իմ, և տրղ-  
 մաշաղախ ջուրք մեղաց ծած-  
 կեցին զանձն իմ. և ահա առ-  
 քեզ առ բարեգութ տէրդ իմ  
 պաղատիմ, երևեցո զիս իբրև  
 երկիր ցամաք, և նորոգեա ըզ-  
 սիրտ իմ բերել պտուղս բարիս



զիանու խն և զանադան ըստ հա-  
ճոյից քոց՝ մարդասէր :

Երկիրս բանաւոր՝ զոր զար-  
դարեցեր բնաբոյս առաքինու-  
թեամբ , ցամաքեցայ 'ի հրա-  
տապ հրապուրանաց իշխանին  
օղոյս այսորիկ՝ որպէս դալարի  
'ի սաստիկ տօթոյ , և թօթա-  
փեցան ծաղիկք հոգւոյս . դօ-  
սացան ոստք առաքինութե , և  
խամբացան բողբոջք բարեաց :

Եւ ահա կորացեալ անձամբ  
առ քեզ աղաղակեմ պարզ և իջդ  
կենաց , ցօղեա յիս զցօղ խնա-  
մոց մարդասիրութեան քո , զի  
չորացաւ որպէս խեցի զօրու-  
թիւն իմ , և որպէս խոտ տա-  
նեաց ցամաքեցայ . և նորոգեա  
զիս նորոգութիւն շնորհաց քոց  
ըստ առաջնումն պայծառութե :

Արարեր զիս այգի վայելուչ  
 ցանկով օրինաց սատսպարեալ  
 առ ՚ի բերել ողկոյզս քաղցրու-  
 թեան ՚ի հաճոյս տնկագործու-  
 ղիդ իմոյ աստուծոյ . իսկ ես ա-  
 սատամք կամօք արհամարհեալ  
 զօրէնս քո , խոսականացայ չարա-  
 չար գնացիւք , և ստղաբերեցի  
 խաղող դառնու թեան բազմօ-  
 րինակ անօրէնու թեան :

Եւ արդ մարդասէր՝ խնայեա  
 յիս գթու թեամք , և դարման  
 տար այգւոյս այսմիկ զոր տըն-  
 կեաց աջ քո . ամրացո զիս վե-  
 ըրստին օրինօքդ կենաց . և ՚ի  
 բաց արա յինէն զբաղձանս  
 չարեաց՝ որք ստեղնին ՚ի կամս  
 իմ :

Արպէս զի վաստակեալ յար-  
 դիւնս առաքինու թեան՝ ար-

Ժանի եղէց ընդունիլ զօրհ-  
 նութիւն առ 'ի քէն և վայ-  
 ելել յանճառ բարիսդ ընդ  
 սուրբս քո յերկինս , և գո-  
 հութեամբ , վառաւորել զա-  
 մենազօր տէրութիւն քո յա-  
 ւիտեանս յաւիտենից .

ամէն :





## ՉՈՐԵՒՇԱՐԵՍԻ ԼԻՈՒՐ



### ՍԱՂՄՈՍ ԱՊԱՇԽԱՌՈՒԹԵԱՆ

ՈՂՈՐՄԵԱ ինձ աստուած ըստ մեծի  
ողորմութեան քում . ըստ բազում դժու-  
թեան քում քաւեա զանօրէնութիւնս իմ :  
Առաւել լուա զիտ յանօրէնութենէ իմմէ .

և 'ի մեղաց իմոց սուրբ արս զիտ :

Չանօրէնութիւնս իմ ես ինձէն գիտեմ .

և մեղք իմ առաջի իմ են յամ ժամ :

Քեզ միայն մեղաց տէր , և չար առաջի քո  
արարի :

Որպէս արդար եղիցիտ 'ի բանս քո , և յառ  
թօզ 'ի դատել դաս :

Անօրէնութեամբ յղացաւ , և 'ի մեզս ծը  
նաւ զիտ մտցր իմ :

Դու տէր զճշմարտութիւն սիրեցեր, զան  
յայտս և զժածկեալս իմաստութեամբ քով  
յայտնեցեր ինձ :

Յօղեա յիս մշտկաւ և սուրբ եղէց, լուա և  
քան զձիւն սպիտակ եղէց :

Լսելի արա ինձ զցնծութիւն և զուրախու-  
թի, և ցնծասցեն օսկերք իմ տառապեալք :  
Դարձո զերեսս քո 'ի մեղաց իմոց, և զիմ  
անօրհնութիւնս իմ քաւեա յինէն :

Սիրա սուրբ հաստատեա յիս աստուած, և  
հոգի ուղիղ նորոգեա 'ի փորի իմում :

Մի ընկենաւր զիս տէր յերեսաց քոց, և ըզ-  
հոգի քո սուրբ մի հաներ յինէն :

Տուր ինձ ցնծութիւն փրկութեան քոց, և  
հոգւով պետութե՛ն քոց հաստատեա զիս :

Ուսուցից անօրինաց զճանապարհս քո, և  
ամբարիշտք առ քեզ դարձցին :

Փրկեա զիս յարենէ աստուած՝ աստուած  
փրկութեան իմոց, ցնծասցէ լեզու իմ յար-  
դարութեան քում :

Տէր եթէ զըրթունս իմ բանաս, բերան իմ  
երգեսցէ զօրհնութիւնս քո :

Թէ կամեցեալ էիր պատարագս մատուցու-  
նէաք, բայց դու ընդողջակէզս իսկ ոչ  
համեցար :

Պատարագ աստուծոց հոգի խնայէ, բլ-

սիրտ սուրբ և զհոգի խոնարհ աստուած  
 ոչ արհամարհէ :

Բարի արա տէր կամօք քովք սիօնի, և շե  
 նեցին սլարիապքն երուսաղէմի :

Յայնժամ հաճեցիս ընդ պատարագս ար  
 դարութեան, յորժամ ուխտից պատարագս  
 հանցեն 'ի սեղան քո զուարակս :



## ՀԱՐԱԿԱՆ ԱՊԱՇԽԱՐՈՒԹԵԱՆ

Էի ՅԱՄԵՆԱՅՆ ժամ աղա  
 չանք իմ այս են 'ի մեղաց ի  
 մոց սուրբ արա զիս տէր :

Յանցանաց իմոց զարհուրի  
 սիրտ իմ, աղաչեմ զքեզ թող  
 ինձ տէր :

Արտասուաց իմոց մի լուեր  
 տէր, զի պանդուխտ եմ ես՝  
 յանցաւոր երկրի :

Թիւնս իմ. Ողորմեա ինձ աստուած իմ՝ ողորմեա ինձ, զի անպատասխանի եմ յամենայնի,  
 Թող ինձ տէր :

Տառապեալք. Ճանապարհք քո ուղիղ են, ես միայն մոլորեցայ, դարձո զիս՝ և ողորմեա ինձ աստուած :

Թեանքո. Գատաստանք քո արդար են, ես միայն եմ մեղուցեալ. քաւեա զիս՝ և ողորմեա ինձ աստուած :

Յոյս իմ ես դու տէր քաւիչ յանցանաց իմոց . մի անտես առներ զբղխու մն արտասուաց իմոց . ողորմեա ինձ աստուած :  
 Առ քեզ ասպաւ ինեցայ որպէս զանառակ որդին . հայր՝ մեղայ յերկինս և առաջի քո . ողորմեա ինձ աստուած :

Փրկեա զիս աստուած ՚ի բազում մեղաց իմոց, արա արժանի քոյին սուրբ արքայու թեանդ, ողորմեա ինձ ամ :

Մեղք իմ բազում են յոյժ, ծանր են քան զաւաղ ծովու, քանզի քեզ միայնոյ մեղայ, ողորմեա ինձ աստուած :

Բաց տէր զդուռն ողորմութե որ ողբալով կարդամ առ քեզ, քանզի քեզ միայնոյ մեղայ, ողորմեա ինձ աստուած :

Հեզ յիս զգթութիդ քո բազում ողորմ և մարդասէր, քանզի քեզ միայնոյ մեղայ, ողորմեա ինձ աստուած :

Թիւնս իմ, Մեղայ քեզ տէր՝ մեղայ, ողորմեա :

Մեղայ անօրինեցայ՝ և մատնեցայ ՚ի ձեռս անօրէն թշնամ :



ւոյն . արդ անկեալ աղաչեմ՝  
 Թող ինձ տէր :

Քան զամենեւեան առաւել  
 մեղայ տէր իմ գթած , քան զա-  
 մենեւեան անօրինեցայ և մատ-  
 նեցայ 'ի ձեռս անօրէն թշնա-  
 մւոյն . արդ անկեալ աղաչեմ՝  
 Թող ինձ տէր :

Եկեացէ տէր 'ի վերայ մեր ու-  
 ղորմու թիւն քո , և քան փրո-  
 կու թեան քո պահեսցէ զան-  
 ձինս մեր 'ի մեղաց :

Ողորմու թիւն քո և ճշմարտու-  
 թիւն քո և լոյս երեսաց քոց  
 առաջնորդեսցէ մեզ 'ի յար-  
 դարու թիւն :

Որ ողորմածդ ես գթած և եր-  
 կայնամիտ տէր , ընկալ զաղա-  
 չանս մեր բարեխօսու թեամբ  
 սուրբ աստուածածնին :

Տէր՝ զլուր միւսանգամ քո  
 գալստեանդ լուայ և երկեայ .  
 զի ուսայ 'ի սրբոց պատուիրա-  
 նացն , եթէ գաս դու 'ի դա-  
 տել զերկիր :

Տէր՝ յիշեցի զչար զգործս իմ  
 և զարհուրեցայ . զի ծանեայ  
 ճշմարտութեամբ զահաւոր և  
 զանաչառ զքո դատաստանն :

Տէր՝ յիշեցի և զգութ արարչա-  
 կան սիրոյ քոյ առ քո արարա-  
 ծըս . և 'ի քո գթութիւնդ ա-  
 պաւինեալ աղաչեմ , ողորմեա  
 ինձ յաւուր յայնմիկ քրիստոս  
 արդար դատաւոր :

Փառք Կօր և ողորմոյ :

Աղաչանօք աստուածածնին  
 անապական քում ճնողին՝ զի-  
 մանալի աչս սրտից մերոց բաց-

ցես ողորմութեամբ հայիլ 'ի  
լոյս քո բրիստոս :

Աթժ և Ռշա և յաւիտեանս :

Յորժամ յարեւելից փայլիս ,  
անձառ լուսով լուսաւորես ըզ-  
հաւատացեալսն . և դատապար-  
տես զազգն հրէից անհաւա-  
տիցն ո՛վ սուրբ քառաթե . և  
ղիս լուսաւորեա զխաւարեալս  
մեղօք . և դասակարգեա 'ի դասս  
մատենագրի յանձառ երկնից  
արքայութեանդ . զի անդադար  
օրհնաբանիս և քո են փառք  
յաւիտեանս , ամէն :



Թագաւորք Ապաշխարութեան :

Տէր իմ՝ բաղում են անօրէն  
նութիւնք անձին իմոյ . ոչ յի-  
շեցի զահեղ զգատաստանս քո .  
արդ անկեալ զքեզ աղաչեմ .  
չնորհեա ինձ ապաշխարութի  
տէր, և ողորմեա :

Անօրէնու թիւնք իմ բարձրա-  
ցան քան զգլուխ իմ . և որ-  
պէս բեռն ծանր ծանրացան ՚ի  
վերայ իմ :

Նեխեցան և փտեցան վէրք իմ  
յերեսաց անզգամութե իմոյ .  
ոչ յիշեցի զահեղ զգատաստա-  
նքս քո . արդ անկեալ զքեզ ա-  
ղաչեմ . չնորհեա ինձ ապաշ-  
խարութիւն տէր, և ողորմեա :  
Պաղատանս մատուցանեմք քեզ  
հայր երկնաւոր, մի անտես առ-

Ներ զաղաչանս մեր . այլ անցո  
 զցասումն քո 'ի մէնջ, և յիշեա  
 զի պատկեր եմք բարերարու  
 թեանդ :

Տէր իմ՝ գթութիւնք քո բա  
 զում են յոյժ, առ իս արա ըզ  
 բարերարութիւնս քո . որպէս  
 և մաքսաւորին և ինձ ողորմեա :  
 Գթութիւնք քո բազում են  
 տէր, և ըստ իրաւանց քոց կե  
 ցո զիս :

Բազումք են որք հալածեն և  
 նեղեն զիս, 'ի վկայութեանց  
 քոց ես ոչ խոտորեցայ . առ իս  
 արա զբարերարութիւնս քո .  
 որպէս և մաքսաւորին և ինձ  
 ողորմեա :

Անոխակալ և անյիշաչար տէր՝  
 որ գթալով 'ի մեղաւորս, շնոր  
 հեցեր ապաշխարութիւնս արգ

գթաւ և յիս տէր 'ի մեղուցեալ  
 և յանօրինեալ քո ծառայս, և  
 փոխարկեա զգործողս չարեաց  
 'ի զղջումն ասպաշխարութեան  
 և կեցո :

Ի տաճարի քում սրբութե  
 փառաւորելով զքեզ, դու ու  
 նիս իշխանուի՝ ողորմեաց մեզ :  
 Այլ ես ըստ բազում ողորմու  
 թեան քում մտից 'ի տուն քո,  
 և երկիր սագից 'ի տաճար սբ  
 քո երկիւղիւ քո :

Տէր՝ առաջնորդեա ինձ յար  
 դարութեան քում վասն թըշ  
 նամեաց իմոց, և ուղիղ արա  
 առաջի իմ զճանապարհս քո,  
 դու ունիս իշխանութիւն՝ ո  
 ղորմեա մեզ :

Ի տաճարի քում սրբութեան  
 հանապազ զքեզ գովեմք թա

Գաւոր փառաց, որ ունիս իշխանութիւն կենաց և փրկութեան, ողորմեա մեզ:



Ի խորոց սրտից խօսք՝ ընդ Տիրուհւոյն:

ԲԱՆ 2.

Ա. Եւ արդ ՚ի վերայ այսքանեաց յուսահատութեանց և ահարկու սրտաբեկութեանց, պակուցանողական սաստկութեանց աստուածային բարկութեց, տագնապեալ ոգւով թախծութեան իսպառ, աղաչեմ զքեզ սուրբ աստուածածին: Հրեշտակ ՚ի մարդկանէ, մարմնատեսիլ քերովքէ, երկնաւոր արքայուհի, անխառն իբրև զօդ, մաքուր որպէս լոյս:

անշաղախ ըստ նմանութեան  
 պատկերի արուսեկին բարձ-  
 րութեան. գերազանց քան ըզ-  
 բնակութիւն անկոխելին սրբ-  
 բութեանց. երանաւոր խոստ-  
 մանն տեղի. եղեմ շնչական.  
 ծառ կենացն անմահից բոցե-  
 ղէն սրովն պարունակեալ. ՚ի  
 բարձրեալն հօրէ զօրացեալ և  
 հովանացեալ, հանգստեամբ հո-  
 գւոյն հանդերձեալ և մաքրա-  
 դործեալ, բնակութեամբ որ-  
 դւոյն յարդարեալ և տաղաւս  
 րեալ: Միածինն հօր՝ և քեզ  
 անգրանիկ, որդիքո ծննդեամբ՝  
 և տէր արարչութեամբ: Ընդ  
 անաղտ մաքրութեանդ՝ և ան-  
 բիծ բարի. ընդ անարատ սրբ-  
 բութեանդ՝ և խնամակալ բա-  
 րեխօս. ընկալ զմաղթանս այսր



աղերսանաց՝ քուժ դաւանողիս, և մատո ընծայեա ընդ սըմին խառնեալ զքանն իմ նախնի՝ մեծիդ ներբողի՝ ՚ի քոյդ պաղատանս : Հիւսեա միացս զմեղուցելոյս դառն հեծութի ընդ քուժդ երջանիկ և խնկաւորեալ հայցուածոց՝ տունկդ կենաց պտղոյն օրհնութեան . զի ՚ի քէն միշտ օգնեալ և բարեգործեալ, և ՚ի մաքրական քո ծնելութիւնդ ասլաւինեալ և լուսաւորեալ, կեցից քրիստոսի որդւոյ քոյ և տեառն :

Բ. () Ժանդակեա թեոցդ աղօթիւք՝ խոստովանեալ մայրդ կենդանեաց՝ և ելիցն իմ յերէս հովտէ, առանց լկանաց հետեւել ՚ի կեանս օթեւանացդ պատրաստութեան . զի թեթե-

Լասցի կատարածն իմ ինձ՝ ծան-  
 բացելոյս անօրէնու թիւ : Արաս-  
 ցես տօն ինձ բերկրու թեան՝  
 զօրն իմ տագնապի՝ ողջացու-  
 ցիչ երկանցն եւայի . բարե-  
 խօսեա խնդրեա աղաչեա , զի  
 ըստ անձառելի մաքրու թեանդ  
 և ահա զբանիդ հաւատամ զըն-  
 դունելու թիւն : Արտասուօք  
 օգնեա մտանգեցելոյս՝ գովեա-  
 լլդ ՚ի կանայս . ծունր խոնար-  
 հեցո առ իմ հաշտու թի՛ ճնողդ  
 աստուծոյ . ընդ իմում թշուա-  
 ռիս հոգա խորան բարձրելոյն .  
 ձեռն աուր անկելոյս տաճար  
 երկնային . փառաւորեա զոր-  
 դիդ քո ՚ի քեզ՝ աստուածօրէն  
 ինձ հրաշագործել քաւու թի՛  
 և ողորմու թիւն աղախին աս-  
 տուծոյ և մայր . բարձրացի՛

պատիւ քո ինև , և ցուցցի  
 փրկու թիւն իմ քև :

Գ. Աթէ զիս գտցես տիրա-  
 մայր. թէ ինձ ողորմեսցիս՝ սքը-  
 բուհի . թէ զկորուսեալս շա-  
 հեսցիս՝ անարատ . թէ զհար-  
 թուցեալս յանձանձեսցես՝ եր-  
 ջանիկ . թէ զամաչեցեալս յա-  
 ռաջ մատուցես՝ բարեշնորհ .  
 թէ յուսահատելոյս ինձ միջ-  
 նորդեսցես՝ միշտ սուրբ կոյս .  
 թէ զմերժեալս ընտանեցուս-  
 ցես՝ մեծարեալդ աստուծոյ .  
 թէ յիս ցուցցես զգթածու-  
 թիւն՝ լուծիչդ անիծից . թէ  
 զճփեալս հաստատեսցես՝ հան-  
 դիստ . թէ ՚ի խռովու թեանցս  
 յուզմանց փոխեսցես զիս՝ խա-  
 զաղարար . թէ վրիպելոյս ինձ  
 հնարաւորեսցես՝ գովեալ . թէ

վասն իմ մտցես 'ի հանդէս՝ մա-  
 հու նահանջիչ . թէ զդառնու-  
 թիւնս իմ անուշեսցես՝ քաղ-  
 ցրու թիւն . թէ զբաժանմանն  
 իմ խորոց քակտեսցես՝ հաշ-  
 աու թիւն . թէ զանմաքրու թիս  
 իմ բարձցես՝ եղծման ընդոտ-  
 նիչ . թէ զմատնեալս մահու  
 փրկեսցես՝ կենդանի լոյս . թէ  
 զլալեացս ձայն հատցես՝ բեր-  
 ւրու թիւն . թէ զխորտակեալս  
 կազդուրեսցես՝ զեղ կենաց .  
 թէ 'ի կործանեալս յիս ակնար-  
 կեսցես՝ հոգեւից . թէ ողոր-  
 մու թեամբ ինձ սլատահեսցես՝  
 կտակ նուիրեալ, օրհնեալդ մի-  
 այն 'ի շրթունս անբիծս լեզ-  
 ւաց երջանկաց . ահա կաթիլ  
 մի կաթին քու մզ կուտու թեան՝  
 յանձն իմ անձրեւեալ՝ կենաց

ինձ զօրէ , մայրդ բարձրելոյ  
տեառն յիսուսի արարչին երկ-  
նի և բնաւին երկրի : Չոր ան-  
ճառապէս ծնար բովանդակ  
մարմնովն և համայն աստուա-  
ծութեամբն . որ փառաւորեա-  
լն է ընդ հօր և հոգւոյն սրբ-  
բոյ էութեամբ , և անբննու-  
թեամբ մերոյին բնութեամբս  
միացելով , ամենայն՝ և յամե-  
նայնում , մի յերրորդութենէն .  
նմա փառք յաւիտենից յաւի-  
տեանս . ամէն :



Ազօթք տա Հայրն երկնաւոր , Յովհաննու  
դառնեցւոյ ասացեալ :

— աստիչ ամբաւազօր լու-  
սաւորացն երկնից , և ճարտա-  
բապետ ամենիմաստ տանա աշ-

խարհի . որ յայսմ աւուր կարգեցեր զլուսաւորսն 'ի հաստատութեան երկնից՝ զարեգակն և զլուսին և զաստեղացն սլարս՝ 'ի նշանս և 'ի ժամանակս և յաւուրս և 'ի տարիս :

Արդ աղաչեմ զքեզ աստուած կենարար՝ հաճոյական սլարգեւօք հոգեձիր շնորհաց քոց շարժեա զմիտս և զկամս իմ սիրել զքեզ յամենայն սրտէ , և ուղղեա զընթացս անձին իմոյ անհերքելի զօրութիւ քով՝ գնալ անխտոր 'ի ճանապարհս հրամանաց քոց : Կասկեալ կամ անզերծ շղթայիւք յանցանաց իմոյ , ազատեա զիս ամենակար : Անկեալ դանդաչեմ 'ի հաղբս կորստեան գաղտնի որսողին , հան զիս բարեգութ : Ի բանդ

անելանելի խաւարին գործոց  
 կաշկանդեալ տանջիմ, ծագեա  
 առ իս զլոյս շնորհիդ, և զերծ  
 զիս ինամակալ՝ յազատու թիւն  
 կենաց անվախճանից ։

Ղու ես յոյս իմ և ապաւի  
 նու թիւն, դու իմ փրկու թի,  
 քեզ ակնկալեալ սպասէ ամե  
 նամեղ անձն իմ ։ Քեզ փափա  
 գի հոգի իմ՝ մարդասէր, որ  
 պէս փափագի եղջերու յաղ  
 բերս ջուրց ։ Ճարաւի եմ ո  
 ղորմու թեան քում՝ արբո զիս,  
 տանջեալ ՚ի սովէ՝ յեղջերաց  
 խողիցն կերակրիմ, զհացդ երկ  
 նաւոր ջամբեա ինձ ։ Մրուր  
 դառնու թեան մեղաց և մահու  
 արբեալ տագնապիմ չարաչար,  
 դբաժակդ կենաց մատու ալեա  
 ինձ ։ Մերկացեալ դողամ յա

նազորուն աւաղակաց իշխանին  
մահու, զգեստուք խնամոց քոց  
ճածկեա զիս : Ա իրաւորեալ եմ  
'ի թիւնաւոր նետից աներևոյթ  
թշնամւոյն, բժշկեա զհարուա-  
ծըս իմ :

Եւ արա զիս զապախտաւոր  
ճառայս որ կարդամ առ քեզ  
արժանաւոր երկնային հարսնա-  
բանին և անմահական սեղանոյն  
ընդ այնոսիկ որք սիրեցին զքեզ  
'ի բոլոր սրտէ, և պահեցին զպա-  
տու իրանս քո զի ընդ նոսին փա-  
ռաւորեցից զամենազուժ մար-  
դասիրու թիւն քո յաւիտեանս  
յաւիտենից . ամէն :







# ՀԻՆԳՇԱՐԵԹԻ ԱՒՈՒՐ



## ՍԱՂՄՈՍ ԱՊԱՇԽԱՐՈՒԹԵԱՆ

ՏԷՐԼՈՒՐ աղօթից իմոց՝ աղաղակ իմ առ-  
քեզ եկեացէ, և մի դարձուցաներ զերեսս  
քո յինէն :

Յաւուր նեղութեան իմոյ խոնարհեցօ առ-  
իս զունկն քո. յորում աւուր կարգամ՝ առ-  
քեզ՝ վաղվաղակի լուր ինձ :

Սպառեցան որպէս ծուխ աւուրք իմ, և  
ոսկերք իմ որպէս խնիւ չորացան :

Հարայ ես որպէս խոտ և ցամաքեցաւ սիրտ  
իմ, մոռացայ ուտել զհաց իմ՝ ի ձայնէ հե-  
ծութեան իմոյ :

Աջեցաւ ոսկր իմ՝ ի մարմին իմ. նմանեցայ  
ես հաւաղսան անասպառի :

Եղէ ես որպէս բու յաւերակի , արնեցայ  
և եղէ ես որպէս ճ՛նճողուկ միայն ՚ի տանիս :

Նախատեցին զիս թշնամիք իմ զօրհանա  
պաղ , և գովիչք իմ ինև երդնուին :

Չմոխիր . որպէս զհաց կերի , և զըմպելին  
իմ արտասուօք խառնեցի :

Յերեսաց բարկութե՛ն սրտմտութեանքօ , զի  
դու բարձրացուցեր և խոնարհեցուցեր զիս :

Աւուրքք իմ որպէս հովանի անցին , և ես  
որպէս խոտ ցամաքեցայ :

Դու տէր յաւիտեան կաս , և յիշատակքօյ  
ազդէ և յազդ :

Դու յարուցեալ զթասցիս ՚ի վերայ սիօնի ,  
ժամանակ զթալոյ նորա հասեալ է ժամ :

Վաճեցան ծառայքք քօ ընդ քարինս նա  
րա , և ՚ի հողս նորա զթասցին :

Երկիցեն հեթանոսք յանուանէ քումմէ . և  
ամենայն թագաւորք երկրի ՚ի փառաց քոց :

Շինէ տէր զսիօն , և երևեացի փառօք  
իւրովք ՚ի նմա :

Հայեցաւ նա յաղօթս խոնարհաց , և ոչ  
արհամարհեաց զինդրուածս նոցա :

Գրեացի այս յազդ յայլ , ժողովուրդ զօր  
տացեալ է օրհնեսցէ զտէր :

Հայեցաւ նա ՚ի բարձանց ՚ի սրբութե՛ն իւրմէ ,  
տէր յերկնից յերկիր հայեցաւ :

Լսել զհեծութիւն կապելոց , և արձակել  
զորդիս մահապարտաց :

Պատմել 'ի սիօն զանուն տեառն , և զօրհն  
նութիւնս նորա յերուսաղէմ :

Ժողովիլ ժողովրդոց 'ի միասին , և թագա  
ւորաց ծառայել տեառն :

Պատասխանի ետ նմա 'ի ճանապարհի զօ  
րութեան իմոց . զնուազութի աւուրց իմոց  
ասա ինձ , և մի հաներ զիս 'ի կէս աւուրց  
իմոց . զի ազգէ յազգ են ամք քս :

Իսկզբանէ տէր զհիմունս երկրի հաստա  
տեցեր , և գործք ձեռաց քոց երկինք են :

Նորա անցանե՛նու դու կաս և մնաս յաւիտն :

Ամենքեան որպէս զձորձս մաշեցին , և ուղ  
զվերարկուս փոխեցես զնոսա և փոխեցին :

Բայց դու նոյն ինքն ես և ամք քս ոչ անցա  
նեն . որդիք ծառայից քոց բնակեցին 'ի նմա ,  
և զաւակի նոցա յաւիտեան յաջողեցի :

## ՀԱՐԱԿԱՆ ԱՊԱՀԻՍԱՐՈՒԹԵԱՆ

ԴՅ. Օ երծո զիս յարողայ  
թէ որսողին , և յամենայն վը  
տանգից ապրեցո՛ և ողորմեա :

Յաներեւոյթ թշնամւոյն և ՚ի  
 դադտնի նետից բանսարկուին  
 պահեա՝ և ողորմեա :

Փրկեա զիս ՚ի յանցանաց մեղաց  
 իմոց , և նորոգեա զիս հոգւով  
 գիտութեան՝ և ողորմեա :

Օ՛ով մեղաց իմոց զիս ալե-  
 կոծէ , որ ես նաւապետ բարի՝  
 շնորհեա ինձ նաւահանգիստ  
 հայր ամենակալ :

Խորք պատրանաց զիս կորու-  
 սանեն . այլ դու նաւապետ բա-  
 րի՝ շնորհեա ինձ նաւահան-  
 գիստ հայր ամենակալ :

Որ միայն իշխանդ ես թողուլ  
 զմեզս . և ես աղաչեմ զքեզ  
 տէր , թող ինձ զմեզս իմ հայր  
 ամենակալ :

Մերձեալ է օր գալոյ քո տէր .  
 լուր ձայնի աղօթից իմոց , որ

կարդամս առ քեզ և ողորմեա :  
 Բանից իմաց ունկն դիր տէր, և  
 'ի միտ առ զաղաչանս իմ զա-  
 ռաւօտուս՝ որ կարդամս առ  
 քեզ, և ողորմեա :

Որ ընկզմեալս եմ 'ի խորս չա-  
 րեաց, սուրբ զհոգիդ քո ա-  
 ռաքեա առ իս՝ որ կարդամս առ  
 քեզ, և ողորմեա :

Ողորմեա ինձ աստուած, զի  
 քեզ միայնոյ մեղայ :

Առաւել լուա զիս 'ի տղմայ  
 յանցանաց աղբիւր բժշկու-  
 թեան, և ողորմեա :

Յարենէ փրկեա զիս, որ հոգւոց  
 և մարմնոց ունիս իշխանու-  
 թիւն, և ողորմեա :

Վ իրաւորեալ յանցանօք ան-  
 ձըն իմ, առ քեզ տէր համբար-  
 ձի զաչս իմ. թող ինձ զմեղս իմ

միայն բարեգու թ, և ողորմեա  
 ինձ աստուած՝ ըստ մեծի ողոր-  
 մու թեան քում:

Կործանեաց զիս չարագործ թըշ-  
 նամին, և կամի իօպառ զիս որ-  
 սալ. հայր բարեգու թ բժըշ-  
 կեա զվիրաւորեալս, և ողորմեա  
 ինձ աստուած՝ ըստ մեծի ողոր-  
 մու թեան քում:

Անդունդք մեղաց պաշարեցին  
 զիս, զի բաղում են քան զաւաղ  
 ծովու. առ քեզ տէր պաղա-  
 տիմ, փրկեա ՚ի վտանգէս, և ո-  
 ղորմեա ինձ աստուած՝ ըստ մե-  
 ծի ողորմու թեան քում:

Օ անպաղական զհոգևոր զգան-  
 ձըն յապականացու կենցաղս  
 ծախեցի. այլ առ քեզ միայն պա-  
 ղատիմ բարերար փրկիչ, խնայ-  
 եա ՚ի մեղուցեալ ծառայս:

Ջրանկ հոգւոյ իմոյ քակտեցի  
 և եղէ անբարունակ որթ. այլ  
 առ քեզ միայն պաղատիմ բա-  
 րերար փրկիչ, խնայեա 'ի մե-  
 ղուցեալ ծառայս :

Ոտաքանց եղէ ես որպէս զար-  
 մաւենի, պտղակորոյս որպէս  
 ձիթենի. այլ անյիշաչար և ա-  
 նոխակալ փրկիչ՝ խնայեա 'ի մե-  
 ղուցեալ ծառայս :

Փառս հօր և որդւոյ :

Մտանելոյն տաղաւար բար-  
 ձող էիցս բարձողին. որ ճնար  
 զաստուած մարմնով զանմար-  
 մնաբար ճնունդն հօր. բարե-  
 խօսեա լիան մեր աստուածա-  
 ծին մարիամ :

Մթմ և Տիշտ և յաւիտեանս :

Օ կենդանագիր անարատ ծը-  
 նողի քո արկանեմք առ աջի ա-

նոխակալ տէրու թեանդ քո .  
 յորժամ դաս փառք հօր դա,  
 տել զթշնամին խաչի քոյ , նե-  
 բեա յանցանաց մերոց բարե-  
 խօսու թեամբ մօր քո և կուսի .  
 աղաչեմք զքեզ տէր , պահպա-  
 նեա զմեզ ընդ հովանեաւ խա-  
 չի քո սուրբ :



Թագաւորք Ապաշխարութեան :

**Ա**պաշխարութեան արտա-  
 սուս աւագան լինի , և լուանայ  
 զքաղմութիւն մեղաց . սովաւ  
 շնորհեա յառաջ քան զվախ-  
 ճան զքաւութիւն և զմեծ քո  
 զողորմութիւն :

Ծարաւի է անձն իմ առ քեզ



աստուած հօր և կենդանի .  
 երբ եկից երևեցայց երեսացդ  
 աստուծոյ :

Եղեն ինձ արտասուք իմ կերա-  
 կուր 'ի տուէ և 'ի գիշերի . և  
 այն զի ասէին զիս զօրհանա-  
 պազ , թէ ո՛ւր է աստուած քո .  
 սովաւ շնորհեա յառաջ քան  
 զվախճան գբաւու թիւն և ըզ-  
 մեծ քո զողորմութիւն :

Յորժամ դաս փառօք հօր յա-  
 հագին աւուրն 'ի դատել զեր-  
 կիր . և դողան սարսափմամբ  
 երկրածինքս ամենայն 'ի յահէ  
 քու միէ . 'ի նստիլ քո յատենի  
 դատաւոր ահեղ . և յակնար-  
 կել քո յարարածս , յիշեա և  
 զիս զբազմամեղս . որ ընկզմեալս  
 եմ յանցանօք բանսարկուին  
 խափմամբ . և հայցեմ զաւա-

զակին, տէր՝ և զիս յիշեա . որ  
միայնդ ես վրկիչ :

Ջիս որ 'ի նաւի աշխարհի ա-  
լէկոծեն մեզք իմ, նաւահան-  
գիստ ապաշխարութեան շը-  
նորհեա ինձ բազումսողորմ, և  
կեցո :

Կեցո զիս աստուած, զի հա-  
սին ջուրք յանձն իմ. ընկլայ ես  
'ի խորս անդնդոց՝ ուր ոչ գոյ  
ինձ հանգիստ . նաւահանգիստ  
ապաշխարութե՛ն շնորհեա ինձ  
բազումսողորմ, և կեցո :

Նաւապետ բարեգուծ առ քեզ  
ապաւ ինիմ. տուր ինձ ձեռն որ-  
պէս երբեմն պետրոսին 'ի վե-  
րայ ալեացն . որ ծփիմս ալէկո-  
ծեալ յանցանօք մեղաց, և կեցո :

Ի ու ես քրիստոս աղբիւր  
կենաց . բղխումն ողորմութե՛ն .

Հնորհեա փրկիչ անձանց մերոց  
 զԹողու թիւն մեղաց մերոց :  
 Ի քէն է տէր աղբիւր կենաց .  
 և լուսով երեսաց քոց տեսա  
 նեմք զոյս :

Տագեա զողորմու թիս քո՝ որք  
 ճանաչեն զքեզ զարդարու թիս  
 քո՝ որք ուղիղք են սրտիւք .  
 Հնորհեա փրկիչ անձանց մե  
 րոց զԹողու թի մեղաց մերոց :  
 Որ աղբիւրդ ես ծարաւեաց , և  
 հանգիստ աշխատելոց , ճանա  
 պարհ մոլորելոց , և հովիւ հո  
 գե որ բանաւոր հօտի . փա  
 փաքողացս առ քեզ քրիստոս՝  
 լեր նաւահանգիստ , և արբո  
 մեզ ծարաւեացս զբաժակ քո  
 քաղցրու թե՛ յանսպառ յաղ  
 բերէդ :

Ի խորոց սրտից խօսք՝ ընդ Աստուծոյ :

ԲԱՆ ԶԲ .

Ա. Տէր աստուած բարերար բազմապարգև թագաւոր, կենաց պատսպարան, լուսոյ կերպարան, լայնատարր հանգստարան . որ յաղագս մեզուցելոյս եկեալ մարմնացար . գործեցեր զանպատումսն , և հանդերձեցեր զհրաշալիսն, մինչև կատարեցեր զառեցեալն ընդ ամենալիր աստուածու թեանդ :

Բ. Արդ՝ վասն առաքելոյն որքոց յերկնաստեղծ քո ձեռացրդ ձեռնադրելոց, և հոգւովդ արբով օծելոց, զորոց զգովեստն արժանաւորու թե ըստ իմում կարի՝ առ ՚ի փառս քո տէր առեկնայնի՝ յայլում բանի պաշ-

տեցի, և ինձ ողորմեսցիս յիշատակաւ սիրոյ նոցին ընտրութեան: Շաւիղ ինձ եղիցի նոքօք՝ և հանդերձեսցեն յերանու թին փափաքելի. ձայն բարի հովուութեան նոցին՝ ՚ի յողջոյն ինձ կենաց քաղցր լուիցի: Մասըն կալայց ՚ի յանեղծութիւն փրկութե տօնեցեալ յուսոյն՝ ընդ առաջնորդացն կենաց, ըսկզբնաշնորհիցն պատուոյս, փառաւորեալն դասուց, գետոցն բանականաց, աւետարանչացն բարձանց, իշխանացն սյանձալեաց, լուսապայծառ թագիւ պճնեւոցն, ՚ի զարդ անկապուտ զօրութեան շնորհին պայծառացելոց, իւղովն դուարթութեան տիրական լուսոյն կատարելոց:

9. Մնդ աշակերտաց մեծիդ  
 հրամանի բարձրեալդ աստու-  
 ծոյ քրիստոսի՝ և մարտիրոսացն  
 ընտրելոց նահատակու թեամբ,  
 որք մահացու և վշտաչարչարն  
 մարմնով, վտանգաւոր և ամե-  
 նակիրն անդամօք, երկրաւորա-  
 կան և հողազանգուածն բնու-  
 թեամբ՝ մարտուցեալ ընդ տա-  
 ըրր գոյից ամենայն նիւթից՝  
 սլսակեցան բարձրացան և կեն-  
 դանացան հոգեպէս, արիաբար  
 ելեալք ՚ի յերկրէ, ըստ մարգա-  
 ըէին, վկայք ճշմարիտք ամե-  
 նափորձն մահու. իմանալեացն  
 անտեսիցն և ծածկելոց՝ աներկ-  
 բայ բարեացն՝ յուսով տեսե-  
 լոցն աստէն նկատիչք. աշա-  
 կերտք առաքելոցն և չարչա-  
 ըակիցք նոցին. որ հաւասաւ

րեալ գործովք ընդ նոսին, կա-  
 տարեալ լումամբ անպակասե-  
 լեաւ՝ պարեն ՚ի խրախճանս ան-  
 կէտն երանու թեան, որոց հա-  
 ճոյական և ընդունական մաղ-  
 թանօք, արիւնքնձայ վաստա-  
 կանուէր քրտնակնդրուկ աղեր-  
 սիցն յարգմամբ՝ ընկալ զիս նո-  
 ղոգ ըստ նոցին մասին անեղծ  
 փրկու թեամբ ՚ի քեզ արձանա-  
 ցեալ:

Գ. Տ՛նդ խաղացեալսն հուրք  
 և սուսերք՝ արեամբ ներկելո-  
 ցրն, և ճգնաւ որացն սբց հարցն  
 միանձանց՝ և քեզ հետեւելոցն  
 որդի աստուծոյ, անպարտելի  
 քաջու թեամբ և անպատիր ըզ-  
 դաստու թեամբ, ընդ դժնեայ  
 գոռոզի մարմնոյս բռնու թեան՝  
 արիապէս մարտուցեալ, սովիմբ

վանեցին զանմարմինն բեշիար .  
 և մշտամարտ հանդիսիւ՝ յաս-  
 պարիսի կենցաղոյս՝ առանց  
 զզուանաց ծանրաբեռնութե  
 'ի լայնածաւալ ծփանաց աշ-  
 խարհիս ծովու՝ տապանակաւ  
 մարմնոյս թանձրութեան՝ ըզ-  
 թեթևութիւն հոգւոցն թը-  
 ւուցեալ՝ 'ի նաւահանգիստն  
 կենաց հասին . և իբր սիրողք  
 վերնում վիճակին՝ առանց յետ-  
 նոցն մտածութեան , զթագն  
 յաղթութե համարձակապէս՝  
 պայծառ ճոխութեամբ պըճ-  
 նեալ իսկապէս՝ 'ի գլուխ կա-  
 պեցին . վասն նոցին արժանա-  
 ւոր մաղթանաց և նուիրական  
 հայցուածոց՝ և զիս զմեզաւորս  
 'ի պատժականաց՝ ընկալ ընդ  
 նոսին :



Ե. Եւ ահա խառնեալ զան  
 մարութս բան՝ ընդ նախագը  
 բեալ երջանկացն փառատրա  
 կան աղերսարկու թի, որ վասն  
 իմ գոչեն քեզ ՚ի հաճու թիւն,  
 և ես ընդ նոսին՝ իբր դառնու  
 թիւն եդեալ ընդ քաղցու, կամ  
 տատասկ ընդ ողորկու թեան,  
 տգեղու թիւն ընդ վայելչու  
 թեան, և տիղմ ընդ գեղեց  
 կու թե մարգարաի, կամ հող  
 ընդ յստակու թեան ոսկւոյ, և  
 կամ քարինս անարգս ընդ սլայ  
 ծառու թեան արծաթոյ, բա  
 ցասու թիւն ընդ ճշմարտու  
 թեան, կամ աւաղ ինչ ատամ  
 նառու ընդ կակղու թեան զան  
 գուածոյ հացի. արդ լուր՝ հը  
 զօր հնարաւոր գովեալ, զնո  
 ցայն վասն իմ, և զիմս ընդ նո

սին 'ի նոցին գովեստ , 'ի փրո-  
 կու թիւն իմ և 'ի փառս քո՝ ա-  
 մենագութ , բարեբար , օրհ-  
 նեալ , երկայնամիտ , կարօղ ,  
 անքնին , անճառ , անեղծ և ան-  
 ստեղծ : Քո են պարգևք , քո են  
 շնորհք , դու սկիզբն և պատ-  
 ճառ բարեաց ամենայնի : Ոչ ես  
 դատապարտիչ , այլ ազատիչ .  
 ոչ ես կորուսիչ , այլ դատիչ . ոչ  
 ես մահացուցիչ , այլ կեցուցիչ .  
 ոչ ես տարագրիչ , այլ ժողովիչ .  
 ոչ ես մատնիչ , այլ ապրեցու-  
 ցիչ . ոչ ես ընկղմիչ , այլ վերա-  
 ծիչ . ոչ ես գլորիչ , այլ կան-  
 դնիչ . ոչ ես անիծիչ , այլ օրհ-  
 նիչ . ոչ ես վրիժառու , այլ շը-  
 նորհիչ . ոչ ես թշուառացու-  
 ցիչ , այլ մխիթարիչ : Ոչ եղծա-  
 նես , այլ գրես . ոչ սասանես ,

այլ հաստատես . ոչ ոսն հար-  
կանես , այլ սփոփես . ոչ պատ-  
ճառս յօղես մահու , այլ հը-  
նարս խնդրես կենաց . ոչ ես 'ի  
կամս շարժեալ սատակման , այլ  
'ի փրկու թիւն ողորմու թեան :  
Ոչ մոռանաս զայցելու թիւն . ոչ  
լքանես զբարի . ոչ արգելուս  
զլ թու թիւն . ոչ բերես մճիւ-  
կորստեան , այլ կտակ աղատու  
թեան : Ոչ թշնամանիս յառա-  
տու թեանց . ոչ բամբասիս 'ի  
շնորհաց . ոչ հայհոյիս 'ի պար-  
գեաց . ոչ նախասիս 'ի ձրի ձը-  
րից . ոչ անգոսնիս յերկայնմը-  
տու թեանց . ոչ եպերիս 'ի նե-  
րու թեանց . ոչ բանսարկիս 'ի  
բարու թեանց . ոչ անպատուիս  
'ի քաղցրու թեանց . ոչ քամա-  
հիս 'ի հեղու թեց , ոչ առարկիս

այսոցիկ արտնջմուկք, այլ ան-  
 լուելի գոհաբանու թիք: Բարձ  
 զմեզս իմ հզօր. լոյժ զանէ՛ծս  
 իմ օրհնեալ. քաւեա զսպարտիս  
 իմ ողորմած. ջնջեա զյանցանս  
 իմ գթած. մատո մասն այցե-  
 լու թեան, և անդ ստին իսկ կա-  
 տարեցայց. զի՞նչ քեզ տէր՝ քան  
 զսոսին դիւրագոյն, և կամ զի՞նչ  
 ինձ սպարտաւորիս կարեորա-  
 գոյն: Այլ կենդանագրեա բա-  
 րեխնամ քոյինաստեղծ սլատկե-  
 ըիս՝ փշումն կրկին ՚ի շունչ նս-  
 րոգման լուսաւորութե մաք-  
 րական շնորհի՛ զամենամեզս ու  
 գի սլաշտպանեալ:

Զ. Մի անէր ողորմած՝ ինձ օր  
 տարածամ ՚ի համառօտս երբ ի՛  
 անթոշակ ապամձեռնու թեամբ՝  
 ընդ անկատար ուղին հետեւել.

մի մատուցաներ բաժակ դառ-  
 նու թեան՝ ՚ի ժամ ծարաւու .  
 մի վրակեր գթած՝ իմ հանդէսլ՝  
 զյաջողուած հոգեոր օգտիս ,  
 և մի իբր յանկարծադէսլ հինից  
 աստատակ՝ գիշեր մահուն ինձ  
 սլատահեցէ . մի տապ տօթոյն  
 յանստորաստ սլահուն՝ զար-  
 մատս հատեալ ցամաքեցուս-  
 ցէ , և մի լուսնական դիպուածք  
 հասեալ գաղտնեօք մնասես-  
 ցեն . մի սլահեցի ինձ սառն  
 մեղացս , և մի հոսանք ուղից  
 կենցաղոյս զիս ողողեցեն : Մի  
 հանգիստն մահ բերիցէ , և մի  
 ննջումնն ՚ի սատակումն յառա-  
 ջեցէ . մի քունն ինձ կորուստ  
 լիցի , և մի նիրհումնն ասլա-  
 կանու թի գործեցէ . մի վախ-  
 ճանն անյարմար՝ ՚ի վերայ իմ

արշաւեսցէ, և մի շնչոյս վեր-  
արձակու թիւն ըմբռնեալ՝ ՚ի  
խոնարհ լբցի:

Է. Գու ես տէր, դու գթած.  
դու բարերար. դու երկայնա-  
միտ, դու ամենակարող. առ ա-  
մենայն բան անհասու թէ ան-  
ճառ զօրաւոր, քաւել՝ փրկել՝  
կենադործել, լուսաւորել, վե-  
րբստին հաստատել, ՚ի ժանեաց  
կերչաց դադանաց՝ և կամ յա-  
տամանց վիշապաց ՚ի կեանս  
կորզել, ՚ի խորոց անդնդաց ՚ի  
լոյս բերկրութեան ամել, և  
՚ի հեղձմանէ ծփանաց մեղաց,  
ընդ արդարս երջանկաց՝ փառօք  
բազմեցուցանել: Ամենայն ոգի  
քեզ ակնկալեալ յուսով սպա-  
սէ, կարօտեալ քումդ շնոր-  
հաց. եթէ երկնայինք, և եթէ

երկրաւորք, եթէ անկածն մե-  
 ղօք, և եթէ ամբարձեալն ար-  
 դարու թեամբ, եթէ տէր, և  
 եթէ ծառայ, եթէ տիկին, և  
 եթէ աղախին. և ՚ի ձեռին քո  
 է շունչ կենդանական բողորե-  
 ցուն: Եւ քեզ ընդ հօր և հո-  
 գւոյդ սրբոյ փառք՝ յաւիտեա-  
 նրս յաւիտենից, ամէն:



Ազօթք առ Հայրն երկնաւոր, Յովհաննու  
 դառնեցւոյ ասացեալ:

**Ո**ր արարչական գթով կեն-  
 դանածնես զարարածս քո, և  
 խնամես քաղցրութեամբ աս-  
 տուած իմ և տէր, որ յայսմ  
 աւուր ամենազօք հրամանաւ

քով հաներ 'ի ջուրց զեռունս  
 շնչոց կենդանեաց և զկէտս  
 մեծամեծս և զթռչունս թե-  
 ւաւորս . և աստուածային օրհ-  
 նու թեամբ քով օրհնեցեր ըզ-  
 նոսա աճիլ և բազմանալ 'ի վե-  
 րայ երկրի :

Արդ՝ աղաչեմ զանփոփոխելի  
 տէրու թիւն բարերարու թեան  
 քո , օրհնեա և զիս զստեղծ-  
 ուածս ամենակալ ձեռին քո  
 ծննդաբեր լինել գործոց առա-  
 քինու թեան : Եւ զսերմն հո-  
 գեոր կենաց՝ զոր անդստին բը-  
 նաւորեալ ես 'ի խորս մտաց ի-  
 մոց , զօրացո զիս աճեցուցանել  
 կենսաբեր խորհրդով 'ի ձեռն  
 շնորհաց և ողորմու թեան քո .  
 զոր տաս ամենայնի և ոչ նա-  
 խատեա , զի դու նոյն ես՝ և



ամբք քո ոչ պակասին . բանաս  
 զձեռն քո , և լցուցանես զպէ-  
 տրս և զկարիս ամենեցուն յան-  
 սպառ գանձուց քոց : Մի թու-  
 զուր զիս տէր իմ՝ ամուլ և ան-  
 բեր գործոց բարու թեան . մի  
 անտես առներ զտառասլեալս  
 'ի քոց խնամոց վասն բազմու-  
 թեան յանցանաց իմոց : Խոնար-  
 հեցո զունկն քո՝ և լուր ինձ , զի  
 աղքատացայ 'ի բարեաց . ըս-  
 տունգանեցի կենարար սլա-  
 ու իրանաց քոց , և յօժարեցայ  
 հաճել զկամս անձին իմոց :

Յարդարեցեր զիս տաճար  
 կենդանի արարչու թեան քում ,  
 և ես զանձն իմ սլատրաստեցի  
 բնակարան ատելեաց քոց դի-  
 ւաց : Պատմուճան լուսազգեստ  
 զգեցուցեր ինձ 'ի հողեոր ծը-

նրնդեան, և ես արկի զանձամբ  
 հանդերձ խաւարի մեղաց և  
 մահու : Ետուր ինձ սիրտ մար-  
 մնեղէն խոկալ յօրէնս քո յամ  
 ժամ, և ես աման խորհրդոց  
 անօրէնու թեան յօրինեցի : Ապր-  
 դեցեր յիս լսելիս 'ի լուր պատ-  
 լիրանաց քոց, և ես բացի առ  
 հրապոյրս բանսարկու ին : Ապա  
 մեցեր յիս լեզու գործի օրհ-  
 նու թեան, և ես չարաչար վա-  
 բեալ արարի զէն անիրաւու-  
 թեան : Սերմանեցեր 'ի միտս  
 իմ սերմն բարի առաքինու թե,  
 և ես փուշս դժնդակ մոլու թե  
 բուսուցի ընդ այն : Զբարիսն  
 զոր պարգևեցեր ինձ շահիլ նու-  
 քօք զկեանս, անմտու թեամբ  
 իմով վարեալ 'ի սնտիս՝ սաա-  
 ցայ ինձ մահ և կորուստ : Տի-

րական իշխանու թեամբ և փա-  
ռօք սլատու եցեր զիս, և ես կա-  
մաւ մատնեցի զանձն իմ՝ ՚ի ծա-  
ռայու թիւն մեղաց :

Եւ այժմ առ քեզ ասլաւի-  
նեալ աղաչեմ բարեգու թ՝ քա-  
ւեա զյանցանս իմ, և նորո-  
դեա զիս շնորհօք ողորմու թե-  
քո : Ճարաւ ի եմ առ քեզ աս-  
տուած իմ, արբո ինձ զԼուրդ-  
կենդանարար : Ճանգահար ե-  
ղէ ցանկու թեամբ չարեաց,  
արկ զիս ՚ի բովս հալոցաց, և  
սրբեա հրով սիրոյ քոյ : Բաղ-  
ձանք երկրաւորսցս տարագիր  
արար զիս առ ՚ի քէն, կարկա-  
ռեա առ իս զաջդ ամենազօր,  
և մատո զիս առ քեզ : Փոխա-  
նակ մշտնջենաւոր և անանց փա-  
ռաց, զդիւրեղծական և զասլա-

կանացուն սիրեցի, մի թողուր  
զիս 'ի կամս իմ:

Տեղացին 'ի վերայ իմ թու-  
նաւոր նետք աներևոյթ թըշ-  
նամւոյն, լեր ինձ վահան ամ-  
բութեան և տեղի ապաւինի  
ասրեցուցանել զիս: Կորհուր-  
դք չարեաց հարին զհոգիս 'ի  
հարուածս անողջանալիս, մա-  
տիր առ իս գթութեամբ, և  
բժշկեա ամենահնար: Թշնա-  
միք զանձն իմ պաշարեցին և  
'ի լարս խաբէութե իւրեանց  
արգելին, զարթո զզօրութիւն  
քո՝ և եկ 'ի կեցուցանել զիս:  
Մերկացուցին զիս անագորունք,  
և վերս 'ի վերայ վերաց յաւե-  
լին, զի ոչ զգեցայ զլրահն ար-  
դարութեան, և ոչ եղի 'ի գը-  
լուխս իմ զսաղաւարտն յուսոյն

փրկու թեան . ոչ առի զլահանն  
 հաւատոյ , և ոչ զսուր բանին  
 աստուծոյ . այլ դու հզօր և ա-  
 մենակար՝ առ զզէն և զասպար-  
 քո , և արի յօգնել ինձ . խոր-  
 տակեա զղօրութիւն հպարտա-  
 ցեալ բռնաւորին , և ասա դու  
 ցանձն իմ՝ թէ փրկու թիւն քո  
 ես եմ : Տրտմեալ է անձն իմ  
 մինչև 'ի մահ , միտթարեա ըզ-  
 ծառայս քո : Ապերախտ գտայ  
 առ երախտաւորդ , և բարկա-  
 ցուցի զանբարկանալի բնու-  
 թիւնդ . այլ դու անյիշաչար՝  
 մի հատուցաներ ինձ ըստ անօ-  
 բէնութեան իմում , այլ ողոր-  
 մութեամբ քո քաւեա զիս :

Առ քեզ ազաղակեմ 'ի խո-  
 բոց անդնդոց , յոր ընկզմեալս  
 եմ՝ որպէս յովնան 'ի փոքոյ կի-

տին . հան զիս 'ի վհէս խաւա-  
 ըի՝ վերաբերեալ 'ի լոյս կենացդ .  
 յաւ իտենից : Նորասու զեալ եմ  
 յանդունդս մեղաց կորստեան ,  
 մատո զաջդ ամենազօր , և փրկ-  
 կեա զիս :


Տանջիմ հանապազ 'ի խղճէ  
 մտաց , զի դառնացուցի զքաղ-  
 ցրագու թ տէրդ իմ . և յոյզք  
 վարանական խորհրդոց աննե-  
 ըելի տանջանաց՝ որ սլատրաս-  
 տեալ և մնայ ինձ , իբրև լեռ-  
 նացեալ ամեհի ալեօք հողմա-  
 կոծեն զանձն իմ . բարերար և  
 անսխակալ՝ հզօր այցելու՝ օղ-  
 նեա ինձ , և հանդարտեցո ըզ-  
 մրրկեալ ալիս խռովութե մը  
 տացս՝ ցօղով գթութեան քո :

Վաղմութի անօրէնութե ի-  
 մոյ որպէս հեղեղք սղտորեալք

դարնանազայր գետոց՝ ողողեցին  
 զմեղուցեալս. այլ դու մարդա-  
 սէր՝ շնչեա զհողմն քաղցրու-  
 թեան կամաց քոց, և ցամաքե-  
 ցո զհոսանս չարեաց իմոց. և  
 ողորմու թիւ քով քաւեա զանօ-  
 ղէնու թիւնս իմ, և թուակից  
 արա սիրելեաց անուանդ քում  
 սրբոյ. զի ընդ նոսին վառաւո-  
 ղեցից զանոխակալ մարդասի-  
 րու թիւն քո, այժմ և միշտ և  
 յաւիտենից յաւիտեանս.

ամէն :





# ՈՒՐՐԷԹ ԼԻՈՒՐ



## ՍԱՀՄՈՍ ԱՊԱՀԽԱՐՈՒԹԵԱՆ

Ի խորոց կարդացի սա քեզ տէր , տէր  
լուր ձայնի իմում :

Եղևցին ականջք քո 'ի լսել զձայն աղօթից  
իմոց :

Թէ զանօրէնութիս իմ քննես տէր տէր , իսկ  
ո՞ կարէ կալ առաջի քօղի 'ի քէն է քառուի :  
Վասն անուան քո համբերի տէր , համբեր  
անձն իմ բանի քում , յուսացաւ անձն իմ  
'ի տէր :

Ի պահէ առաւօտու մինչև յերեկոյ 'ի պահէ  
առաւօտու յուսացաւ խորայել 'ի տէր :

Ի տեառնէ է սղորմութի բազում , 'ի նմանէ  
է փրկութիւն , և նա փրկեաց զխորայել յա  
մենայն ներութեանց նորա :



## ՀԱՐԱԿԱՆ ԱՊԱՆԻԱՐՈՒԹԵԱՆ

ԳԼ . Քրիստոս աստուած  
 աստուածոց՝ ողորմեա :

Անօրէնու թեամբ 'ի մեղս երկ-  
 նեաց զիս մայր իմ . աղաչեմ  
 փրկիչ՝ ողորմեա :

Վիրաւորեալ մեղօք անկանիմ  
 առ քեզ փրկիչ . մի՛ անտես առ-  
 ներ՝ ողորմեա :

Մաքսաւորն հառաչանօք 'ի  
 տաճարին էառ զքաւու թիւն .  
 նովին ձայնիւն և ես գոչեմ, ու  
 զորմեա ինձ աստուած :

Աւազակն աղաղակէր 'ի խաչին՝  
 յիշեա զիս տէր . նովին ձայնիւն  
 և ես գոչեմ, ողորմեա ինձ ամ :

Անառակ որդին աղերսանօք ա-  
 ղաչէր զքեզ, հայր՝ մեղայ յեր-

կինս և առաջի քո . նովին ձայ-  
նիւն և ես գողեմ, ողորմեա ինձ  
աստուած :

Հնորհեա մեզ տէր՝ ընդ աղ-  
քատաց օրինակին զազարու  
ժուժկալու թիւն . զի կամաւ որ  
աղքատու թք՝ արքայու թեանդ  
երկնից ընդ նմին լիցուք ար-  
ժանի . լուր մեզ՝ և ողորմեա  
քրիստոս աստուած :

Ար փոխանակ հացին կարօտու-  
թեան զհայն անմահու թեան  
նմա շնորհեցեր . և ընդ մեծա-  
տանն անգթու թեան ՚ի գողն  
աբրահամու զնա ընկալար . լուր  
մեզ՝ և ողորմեա քրիստոս ամ :

Ղուսաւ որեա զաչս սրաից բու-  
տանալ մեզ ողորմու թեամք ՚ի  
քէն տէր՝ զողորմու թիւն . զի  
մի ընդ մեծատանն հայցեսցուք

'ի բոց հնոցին՝ ծագիւ մատին  
 ջուր 'ի զովացումն . լուր մեզ  
 և ողորմեա քրիստոս ամ :

Օ անսկիզբն աստուած զհայ-  
 րնն ամենակալ բարեբանեցէք  
 ընդ զուարթունս երկնից :

Ջառ 'ի հօրէ ճնեալ զորդին մի-  
 ածին բարեբանեցէք հրեշտա-  
 կային ձայնիւ :

Եւ զնորոգող սուրբ զհոգին  
 ձայնիւ ցնծու թեամբ բարե-  
 բանեցէք անլուելի ձայնիւ :

Անսկիզբն աստուած և թա-  
 գաւոր երկնաւոր՝ բարեբա-  
 նեալ 'ի զօրաց անմահից երկ-  
 նաւորաց , զքեզ օրհնեմք հայր  
 անսկիզբն :

Խոնարհեցար 'ի բարձանց վա-  
 ւրն մերոյ փրկու թեան՝ արձա-  
 կիչ կապելոց և բժիշկ հոգւոց

մերոյ , զքեզ գովեմք որդիդ  
միածին :

Որ էակիցդ ես ընդ հօր և փա-  
ռակից միածնիդ , բաշխօղ պար-  
գեաց և տուօղ ողորմու թէ .  
զքեզ բարեբանեմք սուրբ հո-  
գիդ ճշմարիտ :

Որ զլոյս աստուածային քո  
բանի ծագեցեր յաշխարհա-  
մած խաւարն անգիտու թեան .  
լուսաւորեա և զմեզ հօր ի-  
մաստու թիւն :

Որ զհամօրէն դատաստանին օ-  
րինակ նշանակեցեր առ մե-  
ծասունն և զազարոս , ներհա-  
կաբարտալով զօրաստ ընկալան :  
Վասն որոյ ազաչեսցուք զքեզ  
տէր՝ փրկել զմեզ ՚ի հրոյ մեղաց  
և տանջանաց , հանգչիլ ՚ի գող-  
նահապետին արդարոյ :

Որով և մեք ընդ հրեշտակացն  
 դասուց անբաժանելի սուրբ  
 երրորդութեն համաձայնեալ  
 երգեմք զփառս 'ի բարձունս :

Փառս հօր և որդւոյ :

Սերախացիր բարձրելոյն հովա-  
 նացեալ զօրութեամբ , և բնա-  
 կարան սուրբ հոգւոյն , որով  
 ծնար զբանն աստուած . բարե-  
 խօսեա վասն մեր աստուածա-  
 ծին մարիամ :

Այժմ և Տիշտ և յաւիտեանս :

Քե ցնձան ստորայինքս ամե-  
 նայն 'ի միւսանգամ քո գալըս-  
 տեանն . և յաւէժ զուարճա-  
 նան դասք անմարմնոցն առ  
 էիցս :

Թագաւորք Ապաշխարութեան :

Ի տաճարի սրբութեքում լուր տէր ձայնի իմում, և աղաչանք իմ ժամանեցեն 'ի յականջս քո տէր :

Ըստաւ ինձ 'ի տաճարէ սրբոյ իւրմէ ձայնի աղօթից իմոց, և աղաղակ իմ առաջի նորա մտցէ յականջս նորա, և աղաչանք իմ ժամանեցեն 'ի յականջս քո տիր :  
Որ լուսատու ես տիեզերաց քրքրիստոս աստուած, լուսաւորեալ իմ զլսաւարային խորհուրդս, և կեցո :

Օրհնեալ ես տէր, և փառաւորեալ է քո անբաւ մարդասիրութիւնդ, զաղաչանս մեր քեզ մատուցանեմք, որ թագաւորդ ես յաւիտենից, զննջեցեալսն

մեր արժանի արա տէր՝ ընդու-  
 նիլ 'ի կեանսդ յաւիտենից :  
 Արտասուս ինձ շնորհեա 'ի յա-  
 պաշխարու թիւն տէր , զի լու-  
 ւացից զմեզս անձին իմոյ որ-  
 պէս պոռնիկն . աղաչեմ , և կեցո :  
 Վաստակեցայ ես 'ի հեծու թե  
 իմում , լուացի զամենայն գի-  
 շեր զմահիճս իմ . և արտաս-  
 ւօք իմովք զանկողինս իմ թա-  
 ցի , զի լուացից զմեզս անձին  
 իմոյ որպէս պոռնիկն . աղաչեմ ,  
 և կեցո :

Որ աղբիւրդ ես անապական  
 քրիստոս աստուած . զվիրաւո-  
 րեալ անձն իմ 'ի մեղաց՝ բը-  
 ժըշկեա տէր բղխամամբ արտա-  
 սուաց , և կեցո :

Օ մսլորեալ ծառայս ինդրեա  
 տէր , և մի դատապարտեր զիս

'ի յաւուրն այցելու թեան քո՝  
մարդասէր :

Կեցցէ անձն իմ, օրհնեսցէ ըզ-  
քեզ . և իրաւունք քո օգնես-  
ցեն ինձ :

Մտորեցայ ես որպէս զոչխար  
կորուսեալ, խնդրեա զճառայս  
քո՝ զի զպատուիրանս քո ես  
ոչ մտացայ . և մի դատասպար-  
տեր զիս 'ի յաւուրն այցելու-  
թեան քո՝ մարդասէր :

Որ մտորեցայ 'ի հօտէ քումսկէ,  
հովիւ բարի՝ խնդրեա զիս ըզ-  
մտորեալս . և արժանաւորեա  
իռանիլ 'ի հօտ քո քրիստոս,  
և կեցո :





Ի խորոց սրտից խօսք՝ ընդ Աստուծոյ:

ԲԱՆ ՀԻ՛.

Ա. Ի՞նչ քանզի օր է օրհնա-  
բանեալ և լուսանորոգ՝ կշռու-  
թեան երկուց ընտրու թեանց՝  
արարածոցս սասանու թեանց՝  
յեղանակելոյ յայլ իմն է ու թի-  
երկնակենցաղ անփոխադրելի,  
ամբարձելոցն խոնարհու թե, և  
կործանելոցս վերբերու թեան,  
սարսափելի ուրբաթու մեծի  
պասեքիս, յորում եկն եհաս-  
ժամ բարեպատեհ գրել ինձ  
զայս նուազ ձայնի հեծու թե՛  
զուարձախառն երկիւղիւ, ա-  
հա ըղձալի համարիմ ասել ա-  
տանօր ՚ի քոյոց այտի՝ զոր ընդ  
իմ կրեցեր՝ աստուած բողոքից:

Բ. Կացեր յատենի քում ըս-  
 տեղ ծուածոյն իմովս կերպիւ .  
 ոչ խօսեցար՝ տուիչդ բանի .  
 ոչ բարբառեցար՝ հաստիչդ լե-  
 զուի . ոչ ձայն արձակեցեր՝ սա-  
 սանիչդ երկնի . ոչ մռնչեցեր՝  
 ամենազդեցիկ փողդ մեծու թե .  
 ոչ երախտեօքն քո յանդիմանե-  
 ցեր , և ոչ չարեօք նոցին ըմ-  
 բերանեցեր . ոչ մատնեցեր ա-  
 մօթոյ՝ զմատնիչսն զքեզ տան-  
 ջանաց մահու . ոչ ՚ի կապելն  
 զքեզ դիմադարձեցեր , և ոչ  
 յապտակելն դժուարեցար . ոչ  
 ՚ի թքնուլն թշնամանեցեր , և  
 ոչ ընդ կռփելն երբէք խռովե-  
 ցար . ոչ ընդ կատակելն սրբո-  
 մտեցար , և ոչ ընդ խաղ ար-  
 կանելն երեսս փոխեցեր : Մեր-  
 կացուցին զզգեստ սլատմու-

Ճանին իբրև 'ի տկարէ, և դարձեալ ագուցին իբր անփրկանաւոր ըմբռնեցելոյ : Եթէ ոչ էր արբեալ կրկնակի քացախ՝ զանգեալ ընդ լեղւոյ, ոչ էր հեղեալ մաղձն իմ մթերեալ նախնի դառնութեանն . ճաշակեաց լհատութիւն, և արգելանդէն տարակուսանօք . առին մոլեգնաբար, և դարձեալ մատուցին անսպտկառապէս : Գանիւ հարուածոց յետին անարդութեան 'ի մէջ խառնիճազանջն ամբոխի դատապարտեցին . ծունր կրկնեցին նախատանաց, և պսակ եդին արհամարհութեան :

Գ . Աչ ետուն հանգիստ կենդանարարիդ, եթէ ոչ՝ զգործի մահուն կրել քեզ պատրաստե-


ցին . ընկալար իբր երկայնա-  
 միտ . առեր իբրև զհեղ . բար-  
 ձեր որպէս համբերող , ըստ-  
 անձնեալ իբր զպարտական՝ ըզ-  
 փայտն վշտաց : Որպէս զծաղիկ  
 շուշանաց հովտաց՝ ուսով բե-  
 րեալ զղէնն կենաց , զի յար-  
 հաւրաց գիշերայնաց՝ զիւրա-  
 կերտս գահաւորակս մարմնե-  
 ղէն գոյու թեանս՝ պահպանեա-  
 ցէ ՚ի գատապարտու թէն վայ-  
 րի՝ իբր ՚ի խրախճան խնճոյից :  
 Հանին արտաքս իբր զողջակէզ .  
 կախեցին իբր զխայն սաբեկայ՝  
 ձգեալ զն զջերացն . տարածե-  
 ցին ՚ի սեղան խաչին իբր զպա-  
 տարագ . բևեռեցին որպէս շա-  
 րագ որժ . պնդեցին իբր զա-  
 պատամբ , զխաղաղու թիղ երկ-  
 նաւ որ՝ իբր զաւազակ , զանկաւ .

պուլտ մեծու թիւնդ՝ իբր ըզ-  
 տառապեալ, զառ ՚ի բրովբէից  
 պաշտեցեալդ՝ իբր զքամահ-  
 եալ, զսահմանդ կենաց՝ իբր  
 զարժանաւոր սատակման մա-  
 հու. զաւետարանիս նկարիչ՝  
 իբր զհայհոյիչ օրինին. զտէր  
 և զկատարումն մարդարէից՝ ի-  
 բր զհամառօտիչ գրեցելոցն.  
 զճառագայթդ փառաց՝ և ըզ-  
 կնիք անքնին խորհրդոցդ հօր՝  
 իբր զներհակ ծնողիդ կամաց.  
 զօրհնեալդ իսկապէս՝ իբր ըզ-  
 տարագրեալ. զկապոյ օրինին  
 լուծիչդ՝ իբր զայր ՚ի նպովս գը-  
 րեալ. զհուրդ ծախիչ՝ իբր ըզ-  
 հերքեալ իմն կոյանաւոր. զա-  
 հաւորդ երկնի և երկրի՝ իբր  
 զհաւաստի սրտովաւոր. զի լոյս  
 անմատոյց ծածկեալդ՝ իբր ըզ-

հողածին ըմբռնեալ :

Դ. Ո՞վ քաղցրութիւնդ և  
երկայնամիտ բարերարութիւ  
ողորմածիդ գթութեան , որ  
վասն ապաստաւոր և անօրիւ  
նեալ ծառայիս՝ տէրդ բողորից՝  
զայս ամենայն կամաւորապէս և  
հաւանողական հաճութեամբ  
տարեալ՝ մարմնոյդ միութեամբ  
'ի քեզ ընկալար . և մինչև 'ի  
քնարան շիրմին տապանի՝ ան-  
պակաս 'ի լրութենէ ամբողջ  
նոյնութեան աստուած անքնին՝  
զնոյն կրեալ նախատինս անձառ  
համբերութե , յարեար կեն-  
դանի ինքնիշխան բարձրութիւ  
լուսոյ՝ աննուազ մարմնով , և  
անթերի աստուածութեամբ :  
Օրհնեալ փառօք , գովեալ գը-  
թութեամբ , բարեբանեալ

միշտ ողորմութեամբ, յաւիտեանս յաւիտենից. ամէն:



Աղօթք առ Հայրն երկնաւոր, Յովհաննու գառնեցւոյ ասացեալ:

Եւ ապէս բարի և ամենակարող զօրութիւն աստուած յաւիտենական՝ որ յայսմ աւուր հրամայեցեր երկրի, և եհան զանասունս և զսողունս և ըզգազանս ըստ ազգի. և չհանդուրժեալ բնութեամբ բարիդ՝ արարեր զմարդն՝ ի հողոյ ի պատկեր և ի նմանութիւն արարչապետիդ տիեզերաց, և կացուցեր տէր և իշխան ի վերայ բոլորեցունց. բո արարածոց.

և զգուշացուցեր զնա կալ 'ի  
 պատուիրանի քում, և վայելել  
 զքարին՝ զորս ետուր նմա  
 ձրի և առանց փոխարինի 'ի  
 քումմէ առատութենէ :

Եւ արդ տէր իմ և աստուած  
 իմ՝ որ զիս հողս անարգութե  
 այսպիսի անկշռելի բարութե  
 բարգաւաճեցեր, ես ինքնին  
 հրապուրանաց թշնամւոյն կե  
 նաց անսացեալ՝ պատուիրա  
 նաց կենարարիդ հետեցի, և  
 օտարացայ 'ի նմանութե հաս  
 տողիդ իմոյ աստուծոյ : Եղծի  
 զգեղեցկութիւն կերպարանաց  
 հոգւոյս՝ ազգի ազգի անօրէնու  
 թեամբ, և ոչ զարհուրեցայ :

Պերճացուցեր զիս իմացա  
 կան մտօք խորշիլ 'ի չարէն և  
 ընտրել զքարին, իսկ ես վա



ընտանիքս անմտութեամբ՝ յօժարեցայ ՚ի չարիս : Ամբարձեր զիս ՚ի նմանութիւն աստուածութեանդ քո անձնիշխան կամօք , և ես ծառայ եղեալ կրից մարմնոյս՝ հաւասարեցայ անասնոց անբանից : Թողի զլոյս հրամանաց քոց՝ զոր ետուր ինձ առաջնորդել նովաւ զգնացս ստից իմոց ՚ի ճանապարհ ուղիղ երկնից օթեանին , և ես ընդ խաւար գնացեալ՝ անկայ ՚ի խորխորատ անելանելի կորուստեան վհի :

Այլ դու մարդասէր և երկայնամիտ՝ մի խաղառ բարկանար ինձ , և մի ոխս պահեր յաւիտեան . զի ՚ի քեզ անկայ ես յարգանդէ , և դու ես աստուած իմ և տէր : Գթա յիս

'ի գործս ձեռաց քոց, և նորոշ  
 գեա զխանգարեալ մեղօք պատ,  
 կերս բարեբարութեան քո 'ի  
 ձեռն աստուածեղէն շնորհաց  
 քոց: Առսաւորեա զաչս մտաց  
 իմոց ուղղել զշաւիղս իմ 'ի ճաշ  
 նապարհս օրինաց քոց: Սան-  
 ձակոծեա զերկրաքարչ բաղձալ  
 նրս և զանբան կրիցս բռնութի:  
 երկիւղիւղ քով սրբով: Աւա-  
 սեա զհոգի իմ սիրով աստ-  
 ուածութեանդ քո՝ մատուցա-  
 նել պատարագ օրհնութեան  
 ըստ հաճոյից բարեբարութե  
 քո: Մի՛ թողուր զիս 'ի ձեռս  
 թշնամւոյն փրկութեան իմոց,  
 որ հանգերձեալ է արկանել  
 զիս 'ի խաւարն արտաքին, այլ  
 լեր այցելու բարեգթութի  
 քով, և փրկեա զիս:

Անկաւ բեկաւ զօրութիւն  
 իմ 'ի մահաբեր հարուածոց  
 հակառակորդին , և մէջք իմ  
 կցեցան 'ի հող 'ի ծանրութենէ  
 բեռանցս մեղաց . այլ դու ու  
 զորմած՝ յարո զբազմամեղ ան-  
 ձըն իմ , և զօրացո զիս թօթա-  
 փել զչարիս , և խսկալ զհրա-  
 մանս օրինաց քոց : Հարայ 'ի  
 թունոյ աներեւոյթ վիշապին ,  
 և մահ անմեռ կայ առաջի իմ  
 յսմ ժամ . գթա յիս օրհնեալ  
 և ամենողորմ , և մատո ինձ ըզ-  
 դեղթափ ապօքինիչ երկնաձիր  
 շնորհաց քոց . զի կեցից և փա-  
 ռաւորեցից զանձառ մարդա-  
 սիրութիւն քո այժմ և յան-  
 վախճան յաւիտեանս .

ամէն :

ՇԱՐԷԹ ԱՌՈՒՐ

ՍԱՂՄՈՍ ԱՊՍԷԽԱՌՈՒԹԵԱՆ

Տէր լուր աղօթից իմոց, ունկն դի՛ր  
խնդրուածաց իմոց ճշմարտութեամբ քով:  
Լուր ինձ արգարութեամբ քով, և մի մը  
տաներ 'ի գառաստան ընդ ծառայի քում,  
զի աչ արգարանայ առաջի քո ամ կենդանի:  
Հալածեաց թշնամին զանձն իմ, խոնարհ  
արար յերկիր զկեանս իմ, և նստոյց զիս 'ի  
խուարի որպէս մեռեալ յաւիտենից:

Չանձրացաւ յիս հոգի իմ, և սիրտ իմ  
խռովեցաւ յիս:

Յիշեցի զաւուրն զառաջինս, խորհեցայ  
յամենայն գործս քո, յարարածս ձեռաց  
քոց խորհեցայ, և համբարձի առ քեզ ընդ  
ձեռս իմ:

Անձն իմ որպէս երկիր ծարաւի է առ քեզ,  
 վաղվաղակի լուր ինձ տէր՝ զի նուազեցաւ  
 յինէն հոգի իմ:

Մի դարձուցաներ զերեսս քո յինէն, նմա  
 նիցիմ այնոցիկ ոյք իջանէն ՚ի դուք:

Լսելի տրա ինձ առաւօտու զողորմութիւնս  
 քո, զի ես ՚ի քեզ տէր յուսացայ:

Տոյց ինձ ճանապարհ յոր և գնացից, զի  
 առ քեզ տէր համբարձի զանձն իմ:

Փրկեա զիս ՚ի թշնամեաց իմոց տէր, զի ըզ  
 քեզ սողաւէն ինձ արարի:

Ուստ ինձ առնել զկամս քո, զի դու ես առ  
 տուած իմ:


Հոգի քո բարի առաջնորդեցէ ինձ ՚ի յեր  
 կիր ուղիղ:

Վասն անուան քո տէր կեցուսցես զիս ար  
 դարութեամբ քով, հանցես ՚ի նեղութենէ  
 զանձն իմ:

Ողորմութեամբ քով սատակեա զթշնամիս  
 իմ, և կորս զամենայն նեղիչս անձին իմոյ,

զի ես ծառայ քո եմ:

## ՀԱՐԱԿԱՆ ԱՊԱՀԻԱՐՈՒԹԵԱՆ

ԴՅ.  ԱՄԲԱՌՆԱՄ առ քեզ  
 տէր զաչս իմ, նայեա յիս գը  
 թու թեամբդ քո, և ողորմեա :  
 Դու ես յոյս և ապաւէն իմ,  
 զերծո զիս յորոգայթէ մեղաց,  
 և ողորմեա :

Ապրեցուցիչ իմ և փրկիչ իմ,  
 ապրեցո զիս յորոգայթէ մե  
 ղաց, և ողորմեա :

Բազմութեամբ յանցանօք  
 ծանրաբեռնեալ է անձն իմ,  
 միայնոյ քեզ մարդասիրի աղա  
 շեմ, ողորմեա ինձ աստուած :  
 Բղիամամբ արտասուաց և հա  
 ռաչանօք սրտի իմոյ անդադաթ  
 հայցեմ բազմամեղութեամբ :  
 քաւեա զիս աստուած :

Բազմագու թ մարդասէր՝ շնորհ  
հեա՛ զթողու թիւն իմոյ յան-  
ցանաց, զի առ քեզ միայն պա-  
ղատիմ. քաւեա զիս աստուած:

Աստուած մարդասէր՝ որ ըզ-  
մաքսաւորն արդարացուցեր .  
քաւեա զիս զմեղաւորս:

Որ քղանցիւ հանդերձի քո ըզ-  
մերձեցեալն ՚ի քեզ բժշկեցեր .  
քաւեա զիս զմեղաւորս:

Որ բանիւ հրամանի քո զան-  
դամալոյճն առողջացուցեր. քա-  
ւեա զիս զմեղաւորս:

Որ զազազակ կնոջն այլազ-  
գւոյ առընկալար փրկիչ մար-  
դասիրապէս, և զիմս ապաշ-  
խարու թեան արա արժանի ըզ-  
ձայն մեղուցելոյս ընդունող:

Որ հառաչմամբ ձայնի աղախ-  
նոյն ոչ լռեցեր փրկիչ ընդու-

նակ մեղաւորաց , և զիմս ապաշխարու թեան արա արժանի զձայն մեղուցելոյս ընդունող :  
 Արդառ աջնապարզ և ի քո նշխար ոչ խնայեցեր ընձեռել շանն հովուասիրի , և զիմս ապաշխարու թեան արա արժանի զձայն մեղուցելոյս ընդունող :

Անկանիմ առաջի քո և խընդրեմ զթողութիւն յանցանաց իմոց . մի անտես առներ հայր՝ զաղաչանս իմ :

Աղաղակեմ որպէս մաքսաւորն , և հեղում զարտասուս իմ առաջի քո որպէս պոռնիկն . մի անտես առներ հայր՝ զաղաչանս իմ :

Յաներևոյթ թշնամւոյն պարտեցայ , և ՚ի գաղտնի նետից բանսարկուին վիրաւորեցայ .



Մի անտես առներ հայր՝ զաղա-  
չանս իմ :

Անկանիմ առաջի քո տէր .  
բազմամեղիս ողորմեա :

Աղաղակեմ առ քեզ փրկիչ քա-  
նանսցւոյն զձայն . բազմամե-  
ղիս ողորմեա :

Մաքսաւորին հառաչմամբ կար-  
դամ առ քեզ փրկիչ և բարե-  
բար . բազմամեղիս ողորմեա :

Ողորմեա ինձ քրիստոս՝ ու-  
ղորմու թեամբդ քո մեծաւ , զի  
կարօտ եմ ես շնորհի քո և ու-  
ղորմու թեան . ողորմեա և լուր  
ինձ . բազմամեղիս :

Լուր տէր ձայնի ողբալուոյս և  
ցաւագին սլաղատանացս , որ  
ամօթով կամ առաջի քո իմ  
չարաչար վարուքս . ողորմեա  
և լուր ինձ բազմամեղիս :

Ընկալ տէր զաղաչանս իմ և  
զհառաչանս սրտի իմոյ, որ ա-  
ղաղակեմ որ կինն քանանացի .  
ողորմեա և լուր ինձ բազմա-  
մեղիս :


Փառս Կօր և որդւոյ :

Ար եկիր 'ի փրկութիւն մարդ-  
կան ճննդեամբ կուսին մարիա-  
մու . և կենդանարար քո յա-  
րութեամբդ հրաւիրեցեր ըզ-  
մահացեալքս 'ի յարութի ան-  
մահու թեան . վասն որոյ աղա-  
չանօք մօր քո կեցո զմեզ փր-  
կիչ :

Այժմ և Ռիչ և յաւիտեանս :

Բանն անեղ համագոյ որ ընդ-  
հօր և սուրբ հոգւոյն, երևեալ  
'ի յերկրի պայծառացան արու-

րաճք. հզօրին կարողու թեամբ  
 և զմեզ վերագրեաց յորդե-  
 գրու թեան շնորհս :



ԴԻ. Քրիստոս աստուած՝  
 յոյս ասպաշխարողաց, շնորհեա  
 զթողու թիւն բազում յանցաւ  
 նաց իմոց :

Առ քեզ բազմագու թ՝ ասպաւ ի-  
 նեալ կարդամք, մի՛ մերժեր ըզ-  
 մեզ յողորմու թենէ քումմէ :  
 Արպէս զաւազակն ազազակեմ  
 առ քեզ, յիշեա և զիս տէր՝ ի  
 քում յարքայու թեանդ :

Օ մեղս իմ խոստովան լինիմ  
 առ քեզ քրիստոս, որ միայնդ  
 ես բազմագու թ թողու թիւ .  
 ողորմեա ինձ աստուած :

Դու տէր՝ որ ճշմարտութեանց  
 և սիրող, և քննես զճաճուկս  
 գաղտնեաց սրտի իմոյ . ողոր-  
 մես ինձ աստուած :

Տուր ինձ ցնծութիւն փրկու-  
 թեան, և հողուով տէրութեդ  
 քո հաստատես զիս . և ողոր-  
 մես ինձ աստուած :

Ալիք յանցանաց զիս ալիո-  
 ծեն, և մեղք իմ բազում զիս  
 յանդիմանեն :

Արդ զինչ արարից մեղուցեալ  
 անձամբս, որ չեմ ապրելոց յա-  
 հագին հրոյն :

Մեղայ քեզ քրիստոս որդի աս-  
 տուծոյ, շնորհես զթողութիւն  
 բազում յանցանաց իմոց :

Տէր՝ որ՝ի մէջ լերինն աղբե-  
 րացուցեր զՉուրն ՚ի վիմէն :  
 Տէր՝ ՚ի սրտէ իմմէ հան ինձ ար-

տասուս ապաշխարու թեան :  
 Զի կեցից և ապաշխարու թք  
 ասլրեցայց 'ի հանդերձեալ քոց  
 դատաստանաց :

Մեղուցեալ անձամբ կար-  
 դամ առ քեզ հայր երկնաւոր,  
 օգնեա ինձ 'ի նեղու թեանս՝ որ  
 մեղօքս եմ մեռեալ, օգնեա ինձ :  
 Վիրաւորեցայ ես յաներևոյ թ  
 թշնամւոյն . բժիշկ հիւանդաց՝  
 բժշկեա զիմ զհիւանդու թիս,  
 որ մեղօքս եմ մեռեալ, օգնեա  
 ինձ :

Մոլորեցայ ես որպէս զոչխար  
 կորուսեալ, խնդրող գերեւոց՝  
 խնդրեա զիս զմոլորեալս, որ  
 մեղօքս եմ մեռեալ, օգնեա ինձ :

Մեղայ քեզ տէր՝ քաւեա  
 զիս, և ողորմեա ինձ տատուած :  
 Ոչխար եմ բանաւոր հօտի քո,

և առ քեզ ապաւինիմ հովու  
բարի, խնդրեա զիս զմոլորեալս,

և ողորմեա ինձ աստուած :

Ի ծովու մեղաց ալէկոծեալ եմ,

և առ քեզ աղաղակեմ՝ նաւա

պետ բարի, փրկեա զիս ՚ի վը-

տանգէս, և ողորմեա ինձ աս-

տուած :

Փառս հօր և որդւոյ :

Վասն որոյ աղաչեա մայր աս-

տուծոյ մարիամ զմիածին քո

զորդին, զի շնորհեսցէ ըստ

աւազակին ժառանգել վերբու-

տին մեզ զդրախտին վայելչու-


թիւն :

ԱՅժժ և Ռըբ և յաւիտեանս :

Յաղթող զօրութեամբ խաչի

քո պահեա զմեզ քրիստոս աս-

տուած . որ տարածեցեր զձե-  
ռըս քո 'ի նմա , և լուծեր ըզ-  
կնիք դատապարտութեան  
ցանաց մերոց՝ ապրեցուցա-  
նել զմեզ 'ի պատրանաց թըշ-  
նամուոյն :



Ի խոյոց սրտից խօսք՝ ընդ Աստուծոյ :

ԲԱՆ ԽԻ .

Ա . Եւ արդ՝ զի՞նչ գոյ ասել  
ամաչեցելոյս յերեսաց մեծիդ  
ահաւորութենէ , բայց եթէ  
համբանալ , և հող 'ի բերան  
եղեալ լռել 'ի սրտի , ըստ մար-  
գարէութեանն խրատու , ահա  
'ի բարւոյն կարկառեալ 'ի յոյս :

Իսկ եթէ զփականս շարժողու-  
թեան շրթանցս բացից բռնա-  
դասեցից՝ խօսել կամեցեալ,  
դարձեալ զնոյն ձայն կրկնակա-  
կան եղերերգութեան լալեաց  
բաղմութե խէթ մտացս յա-  
ռաջադրէ :

Բ. Եւ արդ՝ ողբակից մեծ  
մեղաւորին անօրինելոյ կամաւ  
առ ՚ի մահ՝ զնորին գոչումն եր-  
կրորդեցից և ես ընդ նմին, մե-  
ղայ տէր՝ մեղայ, և անօրէնու-  
թեանց իմոց ինձէն վկայեմ :  
Հիւսեալ ընդ նմին զբանս յիս-  
ներորդի սաղմոսին, անթիւս  
գրեմ զպարտուցս սակ անձինս  
մեղանաց՝ քան զհիւզ երկրի  
հողմահոս փոշւոյ՝ ընդ օդս ա-  
մենայն տարածեցելոյ :


Գ. Մեղայ յերկինս և առա-



Ջի քո , ընդ անառակ որդւոյն  
 պատկառեցելոյ՝ հայրենի գը-  
 թոյդ վերստին դարձեալ՝ թա-  
 խանձ արկանեմ . զողորմելին  
 ձայն աղերսանաց՝ արտօսրածին  
 ողբովք գոչման՝ ՚ի տխուր դէմս  
 մատուցեալ առաջի քոյ տարա-  
 ծանեմ՝ հայր գթութեանց ,  
 աստուած բոլորից , չեմ արժա-  
 նի կոչիլ , և ոչ բնաւին առ այս  
 անուանիլ , ոչ միայն որդի , այլ  
 և անպիտան ասպաբան վարձ-  
 կան : Ընկալ զսովեալս տարա-  
 դրական , պարտական մնասուց ,  
 և զցաւ քաղցոյս՝ լլկանաց նե-  
 զոյս նուաղեցելոյս՝ կենաց քո  
 հացիւդ բժշկեսցես : Եւր ընդ  
 առաջ քո ողորմութեամբդ՝ ՚ի  
 սկզբնաւորս տպաւինութեան .  
 զդեցո գթած և անոխակալ՝

անօրինեալս մեղապարտի՝ զնա  
 խակապուտ հանդերձին ծած-  
 կոյթ. աւանդակորոյս ձեռացս  
 աղտեղեալ մեղօք՝ զկնիք մա-  
 տանւոյն համարձակութեաւ ա-  
 մենառատ կամօք մատուցես.  
 զգարչապարացս թշուառութի  
 մերկութեան ոտիցս՝ պատասալա-  
 բութք աւետարանական ամ-  
 բաւերարկու օգիցս կօշկաց՝ ՚ի  
 յօձին թիւնից միշտ ամբացուս-  
 ցես: Զզուարակդ պարարակի  
 եղինդ երկնայնոյ, որ է միածին  
 որդիդ քո օրհնեալ խակապէս  
 մարդասիրութեամբ՝ կարօտե-  
 լոյս բարեաց՝ նուիրեա. որ մա-  
 տուցեալ միշտ և անպակաս մը-  
 նայ ՚ի լրութեան, յարակայ զե-  
 նեալ ՚ի սպանդարանի անթիւ-  
 սեղանոց անսպառութեամբ,

բոլոր յամենեւին՝ և բնաւ յա-  
 մենայնում, էութեամբ յեր-  
 կինս՝ և իսկութեամբ ՚ի ստու-  
 ըինս, աննուազ մարդկութի՛ք և  
 անթերի աստուածութեամբ .  
 փշրեալ՝ և բաշխի ՚ի մասունս  
 անհատս, զի զհամայնն հաւա-  
 քեսցէ առ ՚ի նոյն մարմին իւ-  
 թումն գլխոյ . քեզ փառք ընդ  
 նմին՝ հայր ողորմութեան յա-  
 լիտեանս . ամէն :



Աղօթք առ Հայրն երկնաւոր, Յովհաննու  
գառնեցւոյ ասացեալ:

Մատուած ամենակալ՝ ան-  
բաւելի և անճառելի, անաշ-  
խատ բնութիւն և անտկարա-  
նալի զօրութիւն, որ յայսմ ա-  
ւուր հանգեար յամենայն դոր-  
ծոց քոց՝ զոր արարեր, և օրհ-  
նեցեր զնա և սրբեցեր ամեն-  
խմաստ խորհրդով և կանխա-  
գիտութեամբ քով:

Արդ ես ծնունդս մեղաց՝ ան-  
կեալ կամ յախտ դառնագին  
ցաւոց հոգեկան մնասուց, զոր  
չնչեսաց յիս հողմն մահաճին  
իշխանին խաւարի, և ոչ դոյ  
ինձ հանգիստ ՚ի դժնդակ տան-  
ջանացս: Այլ դու ամենազօր՝  
աստօքինեա զանբժշկելի հի-

ւանդու թիւն հողւոյս աննա-  
 հանջելի հրամանաւ քով, և  
 հանգո զիս յանհնարին տան-  
 ջանացս՝ որով հասեալ կամ 'ի  
 դրունս մահու. զի ամենայնի  
 կարող ես և հղօր, և չիք քեզ  
 իր անհնարաւոր:

Մեր երկրաւորացս և բաղ-  
 ձանք հեշտալեաց գերեալ գեր-  
 բեալ զմիտս իմ՝ չարաչար վըշ-  
 տօք ծառայեցուցանեն զիս հա-  
 նապաղօր 'ի զգալիս և 'ի սնոտիս,  
 և ոչ երբէք տան դուլ և դա-  
 դար ոգի առնուլ, և խոկալ  
 խորհիլ զելս աղատու թէ յան-  
 տանելի կրիցս կարեաց և դա-  
 ռն աշխատու թեանցս: Եւ ա-  
 հա աղաչեմ զքեզ բարերար՝  
 որ փրկու թիւնդ ես ամենայնի  
 և դիւրիչ վշտաց նեղելոց, տուր

ինձ գտանել ելս 'ի տառապանաց աստի յազատութի մշտընջենաւ որ կենաց և անանց հանգրտեան, յորմէ մերժեալ են ցաւք և հեծու թիւնք:

Ալիք յանցանաց յուզեալք 'ի հողմոյ հրասլուրանաց բանսարկուին բաղխեն զնաւակ մարմնոյս շինուածոյ, և սպանան խորասոյղ առնել յանդունդս խաւարի անզերժ տանջանաց: Իսկ դու բարեգութ փրկեա զիս 'ի վշտացս ամենազօր աջովդ շնորհի, և հասո 'ի նաւահանգիստն անքոյթ խաղաղութեան երկնային յարկի, ուր ամբարեալ պահին ամենայն գանձք բարեաց և անզբաղ բերկրութիւնք:

Ա'ի թողուր զիս տէր աստ-

ուած իմ 'ի կամս անձին իմոյ ,  
 զի մի ըստ յօժարութեան ա-  
 պականեալ բնութեանս ստո-  
 բաքարչ եղէց յանցաւորս և 'ի  
 սնոտիս . և մի 'ի բացեսոյ առ-  
 նիր յինէն նահանջելով զնը-  
 պաստս շնորհաց և ողորմու-  
 թեանքս վասն անօրէնութեան  
 իմոյ . այլ ըստ սովորական մար-  
 դասիրութեան քում խնայեա  
 յիս 'ի ստեղծուածս քո՝ որ առ  
 քեզ աղաղակեմ կողկողագին  
 հեծութեամբ :

Սուր ինձ անօխակալ , գթա  
 մարդասէր , ներեա անյիշաչար ,  
 և ողորմեա բազմամեղ անձին  
 իմոյ , ըստ մեծի ողորմութեան  
 քում . արա առ իս նշան բարի  
 'ի փառս անուանդ քում սրբ-  
 բոյ , և քաւեա զմեղս իմ 'ի

ձեռն ամենաբաւական շնորհաց քոց . զի քաղցր ես դու տէր , և գթութի քո անչափ :

Աղաչեմ զքեզ մարդասէր՝ մի մատներ զիս 'ի ձեռս դժոխորովայն գազանաց , որ բացեալ զկոկորդոս իւրեանց՝ խընդրեն կեղեքել զհոգի իմ ամենածախ ժանեօք . հար զնոսա զօրութեամբ բազկի քո 'ի հարուածս անողջանալիս , և զերծո զիս զճառայս քո 'ի մահաբեր վտանգէս . զի դու ես փրկկութիւն իմ և կեանք , և առ 'ի քէն է օգնութիւն իմ յամենայն ժամ :

Տարակուսեալ վարանիմ վասըն բազմութեան մեղաց իմոց , յորժամ նկարեմ առաջի աչաց տեսութեան մտացս զդատաս .




տանն անաչառ , զմերկասպարա-  
նոց յանդիմանու թիւնն ամե-  
նայն գործոց , զպատիժն սոս-  
կալի մեղաւորաց և անդար-  
ձից , զհուրն անշէջ , զօրդնն  
անմահ , և զդատասպարտու թիւն  
յաւիտենական :

Եւ քանզի ոչ կարեմ իմուլս  
զօրու թք թօթալիել յանձ-  
նէ զբեռինս մեղաց , և ազա-  
տիլ յարժանահաս պատժոցս .  
վասն որոյ անձամբ բեկելով  
գոչեմ առ քեզ մարդասէր ,  
գործակից լեր ինձ 'ի դառնալ  
յետս յանօրէնու թեան գնա-  
ցից իմոց՝ և դիմել առ քեզ  
յամենայն զօրու թե՛նէ և 'ի մը-  
տաց , և սրտառուչ զղջմամբ  
գտանել զթողու թիւն և ըզ-  
չնորհս , և ողորմու թեամբ քով

արժանաւորիլ ընդ սուրբս քո  
 մշտնջենաւոր հանգստեան յար-  
 քայու թեան քում յերկինս, և  
 ընդ նոսին փառաւորել անլուե-  
 լի գոհաբանու թեամբ զամե-  
 նաղօր տէրու թիւն քո յամե-  
 նայն յաւիտեանս .


ամէն :





# ԼՂՕԹԻՔ

## ՀԱՆԳՍՏԵԱՆ ԺԱՄՈՒՆ



Հայր մեր որ յերկինս սուրբ եղիցի :

**Ա**ՌԱՔԵԱ տէր զլոյս քո՝ և  
զճշմարտու թիւն քո . զի առաջ  
նորդ եսցեն ինձ , և հանցեն զիս  
ի լեառն սուրբ և ՚ի յարկս քո :  
Մտից առաջի սեղանոյ աստու-  
ծոյ առ աստուած . որ ուրախ  
առնէ զմանկու թիւն իմ :  
Խոստովան եղէց քեզ օրհնու-  
թք աստուած աստուած իմ :

Արդ՝ ընդէր տրտում ես անձն  
 իմ, կամ ընդէր խռովեա զիս .  
 յուսա առ աստուած, խոստո-  
 վանեա նմա . փրկիչ երեսաց ի-  
 մոց աստուած է :

Փառք հօր և որդւոյ և :

Այժմ և միշտ և յաւիտեանս :  
 Եւ ևս խաղաղութեան զպէր աղայէս :  
 Օրհնութիւն և փառք հօր և որդւոյ :

**Ե**ԿԵՍՅԷ 'ի վերայ իմ ողոր-  
 մութիւն քո տէր, և փրկու-  
 թիւն քո ըստ բանի քում :

Տաց սլատասիւանի ոյք նախա-  
 տեն զիս բանիւք, զի ես 'ի բա-  
 նըս քո յուսացայ :

Մի 'ի բացեայ առներ 'ի բերա-  
 նոյ իմմէ զբան ճշմարտութեան  
 մինչև յոյժ . զի յիրաւունս քո  
 յուսացայ :

Պահեցի զօրէնս քո յամենայն  
ժամ, յաւիտեան՝ և յաւիտեա

նրս յաւիտենից :

Գնայի ես յանդորրու . զի ըզ  
պատուիրանս քո խնդրեցի :

Խօսէի զվկայու թիւնս քո առա  
ջի թագաւորաց, և ոչ ամաչէի :

Խորհէի ՚ի պատուիրանս քո զոր  
սիրեցի :

Համբարձի զձեռս իմ ՚ի պա  
տուիրանս քո՝ զոր սիրեցի . և  
խորհէի յարդարութե քում :

Յիշեա զքան ծառայի քո, յոր  
և յուսացուցեր զիս :

Սա մխիթարեսցէ զիս ՚ի խո  
նարհութեան իմում . զի քան  
քո կեցոյց զիս :

Ամբարտաւանք անիրաւեցան  
իս յոյժ, այլ յօրինաց քոց ես  
ոչ խոտորեցայ :

Յիշեցի զիրաւունս քո յաւիտեանից տէր, և մխիթարեցայ: Տրտմութիւն կալաւ զիս 'ի մեղաւորաց, և ոյք թողին զօրէնքս քո:

Գովելլի են ինձ իրաւունք քո 'ի տեղւոջ պանդխտութե իմոյ: Յիշեցի 'ի գիշերի զանուն քո տէր, և պահեցի զօրէնս քո:

Սա եղև ինձ ճանապարհ 'ի կեանս, զի զարդարութիւնս քո խնդրեցի:

Չանօրէնս ատեցի, և զօրէնս քո սիրեցի:

Օգնական և փրկիչ իմ ես դու, և ես 'ի բանս քո յուսացայ:

Ի բաց եղերուք յինէն չարք, և քննեցից զպատուիրանս ատուծոյ իմոյ:

Օգնեա ինձ ըստ բանի քում,

և կեցո զիս . և մի յամօթ առ-  
ներ զիս 'ի յուսոյ իմմէ :

Օգնեա ինձ , և ապրեցո զիս .  
և խորհեցայց յիրաւունս քո  
յամենայն ժամ :

Անարգեցեր զամենեւեան՝ որք  
ապստամբք եղեն յարդարու-  
թեանց քոց . զի անիրաւութի  
էին խորհուրդք նոցա :

Յանցաւորս համարեցայ զամ  
մեղաւորս երկրի . վասն այսո-  
րիկ՝ սիրեցի զպատուիրանս քո :  
Բւեռեա ընդ երկիւղ քո ըզ-  
մարմին իմ . զի 'ի դատաստա-  
նաց քոց երկեսայց յոյժ :

Սերձեսցին խնդրուածք իմ ա-  
ռաջի քո տէր , ըստ բանի քում  
իմաստուն արաս զիս :

Մոցեն աղօթք իմ առաջի քո  
տէր , և բանիւ քո փրկեա զիս :

Բղխեսցեն շրթունք իմ զօրհնու  
 թիս քո, յորժամ ուսուս-  
 ցես ինձ զարդարութիւնս քո :  
 Խօսեսցի լեզու իմ զքանս քո,  
 զի ամենայն պատուիրանք քո  
 արդարութեամբ են :

Եղիցի ձեռն քո 'ի կեցուցա-  
 նել զիս, զի զպատուիրանս քո  
 ընտրեցի :

Տանկացայ փրկութեան քում  
 տէր, և օրէնք քո խօսք իմ էին :  
 Կեցցէ անձն իմ, օրհնեսցէ զքեզ,  
 և իրաւունք քո օգնեսցեն ինձ :  
 Մոլորեցայ ես որպէս զոչխար  
 կորուսեալ, ինդրեա զծառայս  
 քո՝ զի զպատուիրանս քո ես  
 ոչ մոռացայ :

Մի եկեսցեն 'ի վերայ մեր ոտք  
 ամբարտաւանից, և ձեռք մեղա-  
 ւորաց մի դողացուսցեն զմեզ :



Անդ անկցին ամենեքեան ոյք  
 գործեն զանօրէնու թիւն, մեր-  
 ժեսցին և այլ մի կարասցեն  
 հաստատիլ :

Ես 'ի տէր յուսացայ, ցնծացայց  
 և ուրախ եղէց յիմ փրկիչ իմ :  
 Տէր տէր ետ ինձ զօրու թիւն  
 և կացոյց զոտս իմ 'ի հաստա-  
 տու թեան, 'ի վերայ պարանո-  
 ցի թշնամւոյն կացոյց զիս, և  
 հանգոյց զիս երազ երազ :

Որ բնակեալն է յօգնու թիւն  
 բարձրելոյն, ընդ հովանեալ  
 աստուծոյ յերկինս հանգիցէ :  
 Ասացէ տեառն՝ ընդ ունող իմ  
 ես, ապաւէն իմ աստուած, և  
 ես յուսամ 'ի նա :

Նա փրկեսցէ զիս յորոգայթէ  
 որսողին, և 'ի բանիցն 'ի խռո-  
 վու թեանէ :

Ի Թիկնամէջս իւր ընկալցի ըզ-  
քեզ . 'ի հովանի Թեոց նորա  
յուսասցիս :

Որպէս զէն շուրջ եղիցի զքե՛  
ճշմարտու Թիւն նորա :

Ոչ երկիցես դու յերկիւղէ գի-  
շերի , և ոչ 'ի նետէ՛ որ Թլու-  
ջի 'ի տուէ :

Յիրէ որ շրջի 'ի խաւարի , 'ի  
գայթակղու Թենէ դիւին 'ի հա-  
սարակ աւուր :

Անկցին 'ի կողմանէ քումմէ հա-  
ղարք , և բիւրք ընդ աջմէ քում-  
մէ . և առ քեզ ինչ ոչ մերձեա-  
ցին :

Բայց միայն աչօք քովք հայես-  
ցիս դու , և զհատուցումն մե-  
ղաւորաց տեսցես . զի դու տէր  
յոյս իմ ես :

Ջբարձրեալն արարեր քեզ ա-

սլաւէն . զի ոչ հասցեն առ քեզ  
չարք , և տանջանք մի մերձես-  
ցին 'ի յարկս քո :

Հրեշտակաց իւրոց սլատուի-  
րեալ է վասն քո , 'ի պահել  
զքեզ յամ ճանապարհս քո :  
Ի բազուկս իւրեանց ընկալցին  
զքեզ . զի մի երբէք հարցես  
զքարի զոան քո :

Ի վերայ իժից և քարբից գը-  
նասցես դու . և առ ոտն կո-  
խեսցես զառիւծն և զվիշապն :  
Քանզի յիս յուսացաւ , և փրը-  
կեցից զնա . հովանի եղէց նը-  
մա , զի ծանեաւ զանուն իմ :

Կարդասցէ առ իս՝ և ես լուայց  
նմա , և առ նմա եղէց 'ի նե-  
ղու թեան :

Փրկեցից և փառաւոր արարից  
զնա , երկայն աւուրբք լցուցից ,

և ցուցից նմա զփրկու թի իմ :  
 Առ քեզ տէր համբարձի զաչս  
 իմ . որ բնակեալդ ես 'ի յեր-  
 կինս :

Որպէս աչք ծառայի 'ի ձեռն  
 տեառն իւրոյ . և որպէս աչք  
 աղախնոյ 'ի ձեռն տիկնոջ իւրոյ :  
 Այնպէս են աչք մեր առ քեզ  
 տէր աստուած մեր . մինչև ո-  
 ղորմեսցիս 'ի վերայ մեր :

Ողորմեա մեզ տէր ողորմեա  
 մեզ . զի բազում լցաք արհա-  
 մարհանօք :

Եւս առաւել լցան անձինք մեր  
 նախատանօք , որք նախատէին  
 զմեզ . և արհամարհանօք ամ-  
 բարտաւանից :

Աստուած յանուան քում կե-  
 ցո զիս , և 'ի զօրութե քում  
 իրաւ արա ինձ :

Աստուած լուր աղօթից իմոց,  
 ունկնդիր բանից բերանոյ իմոյ:  
 Օտարք յարեան 'ի վերայ իմ,  
 և հղօրք խնդրեցին զանձն իմ,  
 և ոչ համարեցան զքեզ աստ-  
 ուած առաջի իւրեանց:

Ահա աստուած օգնական իմ,  
 և տէր ընդունող հոգւոյ իմոյ:  
 Ի դարձուցանել զչարն 'ի թըշ-  
 նամիս իմ, ճշմարտութեամբ  
 քով սատակեա զնոսա:

Ես կամօք իմովք պատարագս  
 մատուցից քեզ, և խոստովան  
 եղէց անուան քում տէր, զի  
 բարի է:

Յամենայն նեղութենէ իմմէ  
 փրկեցեր զիս, և 'ի թշնամիս  
 իմ ետես ակն իմ:

Օրհնեալ ես դու տէր աստ-  
 ուած հարցն մերոց, գովեալ

և առաւել թարձրացեալ յաւելիտեան :

Եւ օրհնեալ է անուն սուրբ փառաց քոց , գովեալ և առաւել թարձրացեալ յաւելիտեան :

Օրհնեալ ես 'ի տաճարի փառաց սրբութեան քո , գովեալ և առաւել թարձրացեալ յաւելիտեան :

Օրհնեալ ես 'ի վերայ աթոռոյ արքայութեան քո , գովեալ և առաւել թարձրացեալ յաւելիտեան :

Օրհնեալ ես որ նստիս 'ի քրովբէս և հայիս յանդունդս , գովեալ և առաւել թարձրացեալ յաւելիտեան :

Օրհնեալ ես 'ի վերայ հաստատութեան քո , գովեալ և առաւել թարձրացեալ յաւելիտեան :

Օրհնեցէք զաստուած 'ի սրբ-  
բու թեան նորա, օրհնեցէք ըզ-  
նա 'ի հաստատութեան 'ի զօ-  
րու թեան նորա :

Օրհնեցէք զնա 'ի զօրութեան  
նորա, օրհնեցէք զնա 'ի բա-  
զում մեծութեան նորա :

Օրհնեցէք զնա 'ի ձայն օրհնու-  
թեան, օրհնեցէք զնա սաղմո-  
սիւք և օրհնութեամբ :

Օրհնեցէք զնա ցնծութեամբ,  
գովեցէք զնա ուրախութիւն :

Օրհնեցէք զնա 'ի բանս քաղցր,  
գովեցէք զնա 'ի բարբառ լսելի :

Օրհնեցէք զնա 'ի ձայն գոհու-  
թեան, ամենայն հոգիք օրհ-  
նեցէք զտէր :

Արդ արձակեա զճառայս քո  
տէր ըստ բանի քում 'ի խաղա-  
ղութիւն, զի տեսին աչք իմ

զփրկու թիւն քո՝ զոր սխարաս-  
տեցեր առ աջի ամ ժողովրդոց :  
Լոյս յայտնեցար հեթանոսաց ,  
և փառք ժողովրդեան քում  
խորայէլի :

Չգեցեր զձեռն քո՝ և փրկեաց  
զիս աջ քո , և տէր հատուսցէ  
ընդ իմ :

Տէր ողորմու թի քո յաւիտեան ,  
զգործս ձեռաց քոց մի՛ անտես  
առնէր :

Տէր հան 'ի բանտէ զանձն իմ ,  
գոհանամ զանուանէ քում միկ :  
Եւ քեզ սպասեն արդարք՝ մին-  
չև հատուսցես :

Մեծացուսցէ անձն իմ զտէր ,  
և ցնծասցէ հոգի իմ աստու-  
ծով փրկչաւ իմով :

Այց արար 'ի վերայ խոնար-  
հու թեան ազախնոյ իւրոյ , այ-



սուհեաւ երանիցեն ինձ ամե-  
նայն ազգք :

Արար ընդ իս մեծամեծս հզօրն,  
և սուրբ է անուն նորա :

Ողորմու թի արար ազգաց յազ-  
գըս երկիւղածաց իւրոց, արար  
զօրու թիւն բազկաւ իւրով :

Տրուեաց զամբարտաւանս ՚ի  
մտաց սրտից, և քակեաց զհը-  
զօրս յաթուոց :

Զխոնարհս բարձրացոյց՝ զկա-  
րօտս ելից բարու թք, և զմեծա-  
տունս արձակեաց ունայնս :

Պաշտպանեաց իսրայէլի ծա-  
ռայի իւրոյ, յեշելով զողոր-  
մու թիւն իւր :

Որպէս խօսեցաւ առ հարսն  
մեր՝ ընդ աբրահամու և զա-  
ւակի նորա յաւիտեան :

Տուր զօրու թիւն ծառայի քո,

կեցո զորդի աղախնոյ քո, և ա-  
րա առ իս նշան բարու թեան :  
Տեսցեն ատելիք իմ և ամաչես-  
ցեն, զի դու տէր օգնեցեր ինձ  
և մխիթարեցեր զիս :

Փառք հօր և որդւոյ և :

Այժմ և միշտ և յաւիտեանս :

Մարգմանք :

Անձն իմ 'ի ձեռս քո է յա-  
մենայն ժամ, և 'ի սուրբ խաչ  
քո յուսացեալ եմ թագաւոր  
երկնաւոր . զբազմութի սրբոց  
քոց բարեխօս ունիմ առ քեզ :  
Որ երկայնամիտդ ես առ ամե-  
նեսեան, մի անտես առներ զս-  
պաւինեալս 'ի քեզ . այլ պա-  
հեա սլատուական և նք խաչիւ  
քով 'ի խաղաղութեան :

## Քարոզ :

Աղաչեսցուք զամենակալն  
 աստուած , և խնդրեսցուք 'ի  
 նմանէ՝ զի առաքեսցէ զհրեշ-  
 տակ խաղաղութե՛ն , որ եկեալ  
 պահեսցէ զմեզ յերկիրդական  
 գիշերիս , 'ի դիւական խռո-  
 վութենէ ամբողջ պահելով ըզ-  
 հոգի և զմարմին մեր՝ մինչև 'ի  
 կատարումն ժամանակի ամաց  
 մերոց : Ամենակալ տէր աստ-  
 ուած մեր կեցո և ողորմեա :  
 Զհանգիստ գիշերիս խաղաղու-  
 թեամբ անցուցանել՝ հաւա-  
 տով 'ի տեառնէ խնդրեսցուք :  
 Զհրեշտակ խաղաղութե՛ն պահա-  
 պան անձանց մերոց 'ի տեառնէ  
 խնդրեսցուք :  
 Զքաւութիւն և զթողութիւն

յանցանաց մերոց 'ի տեառնէ  
խնդրեսցուք :

Զսրբոյ խաչին մեծ և կարող  
ղօրու թիւնն յօգնու թիւն ան  
ձանց մերոց 'ի տեառնէ խընդ-  
րեսցուք :

Եւ ևս միաբան վասն ճշմարիտ  
և սուրբ հաւատոյս մերոյ՝ ըզ-  
տէր աղաչեսցուք :

Զանձինս մեր և զմիմեանս մն  
աստուծոյ ամենակալին յանձն  
արասցուք :

Ողորմեաց մեզ տէր աստուած  
մեր՝ ըստ մեծի ողորմու թեան  
քում. ասասցուք ամենեքեան  
միաբանու թեամբ :

Աղօթք :

Տէր աստուած մեր՝ դու սլա-  
հես զմեզ խաղաղու թեամբ 'ի

գիշերիս յայսմիկ և յամենայն  
 ժամանակի : Ընդ սուրբ եր-  
 կիւղ քո քեւեռեալ պահեա ըղ-  
 միտս և զխորհուրդս մեր : Որ-  
 սէս զի յամ ժամ քեւ պահսլա-  
 նեալ լիցուք յորոգայթից թըշ-  
 նամւոյնուք քեզ հանցուք զօրհ-  
 նու թիւն և զփառս հօր և որ-  
 դւոյ և հոգւոյդ սրբոյ , այժմ  
 և միշտ և յաւիտեանս յաւի-  
 տենից , ամէն :

Խաղաղութիւն ամենեցուն :

Հրեշտակի խաղաղութեան  
 յանձն արա զանձինս մեր տէր  
 զօրութեանց , որ եկեալ պա-  
 հեսցէ զմեզ անխռովս 'ի տուէ  
 և 'ի գիշերի՝ յարթնութեան  
 և 'ի հանգստեան մերում , զի  
 դու ես արարիչ լուսոյ , և հաս-

տիչ գիշերի: Եւ այժմ աղաչեմք  
 զքեզ տէր աստուած մեր, ըզ-  
 հանգիստ գիշերիս շնորհեա  
 խաղաղութեամբ անցուցանել  
 և հասանիլ 'ի պաշտօն առա-  
 ւօտու յերկրպագութիւն և 'ի  
 փառաբանութիւն ամենասուրբ  
 երրորդութեան, այժմ և միշտ և  
 յաւիտեանս յաւիտեանից, ամէն:

Սաղմոս 74:

Խաղաղութեամբ յայս և 'ի  
 սոյն ննջեսցուք և զարթիցուք.  
 զի տէր միայն առանձինս յու-  
 սովքո թնակեցուցեր զմեզ:  
 Ի կարգալ իմում լուար ինձ ամ  
 ըստ արդարութեան, 'ի նեղու-  
 թէ ինձ անդորր արարեր. ողոր-  
 մեա ինձ և լուր աղօթից իմոց:  
 Որդիք մարդկան՝ մինչև յերբ

էք խստասիրտք . ընդէ՞ր սիրէք  
 զնանրուի, և ինդրէք զստու թի:  
 Տաներուք զի սքանչելիս արար  
 տէր քբյ իւրում. և տէր լուիցէ  
 ինձ 'ի կարդալ իմում առ նա:  
 Բարկանայք՝ և մի՛ մեղանչէք. զոր  
 ինչ ասէք 'ի սիրտս ձեր՝ յանկու  
 ղինս ձեր զղջացարուք:

Մատուցէք պատարագս արդաւ  
 րու թէ, և յուսացարուք 'ի տէր:  
 Բազումք ասէին թէ՛ ո՛ր ցուցցէ  
 մեզ զբարու թի տն, նշանեցաւ  
 առ մեզ լոյս երեսաց քոց, և եւ  
 տուր ուրախուի սրտից մերոց:  
 Ի պտղոյ ցորենոյ գինւոյ և ձիւ  
 թոյ իւրեանց լցուցեր զնոսա:  
 Խաղաղութեամբ յայս և 'ի սոյն  
 ննջեսցուք և զարթիցուք . զի  
 դու տէր միայն առանձին յու  
 սով քո բնակեցուցեր զմեզ:

ԱԼԷԼՈՒԽԱ ՕՐԹԻ :

Խաղաղութիւնն ասեմնեցոսն :

Եւ ընդ հոգւոյդ քում :

Երկիւղածութեամբ լուարուք :

ՍԷ) ասեմարանիս՝ որ ըստ Յովհաննոս :

Փառք քեզ տէր աստուած մեր :

Պաօստումէ :

Ասէ աստուած :

Տէրն Տէր Յիսոսա Քրիստոս ասէ :

Ամէն ամէն ասեմ ձեզ . եւ թէ ոչ հատն ցորենոյ անկեալ յերկիր մեռանիցի, ինքն միայն կայ . ապա եւ թէ մեռանիցի՝ բազում արդիւնս առնէ : Ար սիրէ զանձն իւր՝ արձակէ զնա, և որ ատեայ զանձն իւր յաշխարհիս յայսմիկ, ՚ի կեանսն յաւիտեանականս պահեսցէ զնա : Եւ թէ որ զիս պաշտիցէ, զկնի իմ եւ



կեցցէ . և ուր եսն եմ, անդ և  
 պաշտօնեայն իմ եղիցի . եթէ  
 ոք զիս պաշտիցէ, պատուեցցէ  
 զնա հայրն իմ :

Փառք քեզ տէր աստուած մեր :

Սուրբ խաչիւս աղաչեսցուք  
 զտէր . զի սովաւ փրկեսցէ ըզ-  
 մեզ 'ի մեղաց' և կեցուցէ շը-  
 նորհիւ ողորմութեան իւրոյ :  
 Ամենակալ տէր աստուած մեր,  
 կեցո և ողորմեա :

Պահպանեա զմեզ քրիստոս  
 աստուած մեր՝ ընդ հովանեաւ  
 սուրբ և պատուական խաչիւդ  
 քով 'ի խաղաղութե՛ն, փրկեա  
 յերևելի և աներևոյթ թշնա-  
 մւոյն : Արժանաւորեա գոհու-  
 թեամբ փառաւորել զքեզ ընդ

հօր և ընդ սրբոյ հոգւոյդ . այ-  
ժբմ՝ և միշտ և յաւիտեանս յա-  
ւիտենից . ամէն :



Օրհնեալ տէր մեր յիսուս քրիստոս . ամէն :

Հայր մեր որ յերկինս սուրբ եղիցի :

Անկանիմք առաջի քոյ սուրբ  
աստուածածին և աղաչեմք զա-  
նարատ զկոյսդ , բարեխօսեա  
վասն անձանց մերոց , և աղա-  
չեա զմիածին որդիդ փրկել  
զմեզ ՚ի փորձութենէ և յամե-  
նայն վտանգից մերոց :

Մաղթանք զօրաւորք՝ արհաւրաց գիշերայ-  
նոց, ասացեալ սբն Գրիգորի նարեկացւոյ:

ԲԱՆ ԺԲ.

Րնկալ քաղցրուծք տէր  
աստուած հզօր՝ զգառնացողիս  
զաղաչանս, մատիր գծուծք  
առ սլատկառեալս դիմօք, փա-  
րատեա ամենապարգև՝ զամօ-  
ծական տխրուծիւնս, բարձ-  
րինէն ողորմած՝ զանբերելի  
ծանրուծիւնս, անջրպետեա  
հնարաւոր՝ զմահացու կրծու-  
ծիւնս, աւարեա միշտ յաղ-  
ծող՝ զխաբողին հաճուծիւնս,  
բացադրեա վերնային՝ զմոլելոյն  
մառախուղ, կնքեա կեցուցիչ՝  
զկորուսչին ընծացմունս, ցրը-  
ռեա ծածկատես՝ զըմբռնողին

չար գտմունս . խորտակեա ան-  
 քնին՝ զմարտողին դիմեցմունս .  
 Տեառնագրեա քո անուամբդ  
 զուսանցոյց երդ յարկիս . պար-  
 վիակեա քո ձեռամբդ զառաս-  
 տաղ տաճարիս . գծագրեա քո  
 արեամբդ զմուտ սեմոց սե-  
 նեկիս . կերպացո զքո նշանդ  
 'ի հետս ելից մաղթողիս . ամ-  
 բացո քո աջովդ զհանգստեանս  
 խշտի . մաքրեցես 'ի հաղբից  
 զճածկարան անկողնոյս . պա-  
 հեցես քո կամօքդ զտառա-  
 պեալ անձն ոգւոյս . անխար-  
 դախ արասցես զքո շնորհեալ  
 շունչ մարմնոյս . կացուցես  
 շրջափակ զպար զօրուդ երկնայ-  
 նոյ . կարգեցես 'ի դիմի ընդ-  
 դէմ դիւացն դասու : Տուր  
 հանգիստ բերկրութեան մա-

հահանգոյնս նիրհման 'ի խո-  
 բու թեան գիշերիս, բարեխո-  
 սու թեամբ հայցուածոց սրբոյ  
 աստուածածնիդ՝ և ամենայն  
 ընտրելոց: Ամփոփեալ պարու-  
 բեա զպատուհան տեսու թեց՝  
 զգայարանացս իմաստից՝ ան-  
 զարհուրելի զետեղմամբ՝ 'ի  
 ծփական խռովութեանց, կեն-  
 ցաղական զբաղմանց, անբձա-  
 կան երազոց, խօլականաց ցը-  
 նորից, յիշատակաւ քո յուսոյդ՝  
 անմնասելի պաշտպանեալ: Եւ  
 սթափեալ վերստին 'ի ննջմա-  
 նէ ծանրութե՝ ամենազգաստ  
 արթնութիւն, հոգե՛նորոգ զուար-  
 թութեամբ 'ի քեզ արձանա-  
 ցեալ, զայս ձայն մաղթանաց՝  
 բուրմամբ հաւատոց՝ քեզ ա-  
 մենօրհնեալ թագաւոր փառաց

անճառ ից, փառաքանողաց երկ-  
նագուժար խմբից երգակցեալ  
յերկինս առաքել: Ձի դու փա-  
ռաւորեալ ես յամ արարածոց  
յաւիտենս յաւիտենից, ամէն:

Աղօթք նորին սրբոյն Գրիգորի նարեկացւոյ:

ԲԱՆ ԽԱ.

Որդի աստուծոյ կենդանւոյ  
օրհնեալ յամենայնի, հօրդ ա-  
հաւորի անքնին ճնունդ. որ  
տկարանայ առ ՚ի քէն և ոչ ինչ:  
Որ ՚ի ծագել անասուեր նշու-  
լից՝ ողորմու թեանքոյ փառաց,  
հալին մեղք, հալածին դեք,  
ջնջին յանցանք, խղին կապանք,  
խորտակին շղթայք, կենդանա-  
ծնին մահացեալք, բժշկին հա-  
րուածք, ողջանան վէրք, բառ-

նինն ապականու թիւնք . տեղի  
 տան տխրու թիւնք . նահանջին  
 հեծու թիւնք . փախնու խաւա-  
 րըն . մեկնի մէգն . մերժի մա-  
 ռախուղն . փարատի մռայլն .  
 սպառի աղջտմուղջն . վերանայ  
 մուժն . գնայ գիշերն . տարա-  
 գրի տագնասն . չքանան չա-  
 րիքն . հալածին յուսահատու-  
 թիւնքն . և թագաւորէ ձեռն  
 քո ամենակար՝ քաւիչդ ամի :  
 Ար ոչ եկիր կորուսանել զմարդ-  
 կան ոգիս՝ այլ կեցուցանել .  
 թող ինձ զանթիւ չարիսն իմ  
 քաղում ողորմու թեամբդ . զի  
 դու միայն ես յերկնի անձառ ,  
 և յերկրի անգննին . 'ի տարր  
 գոյի , և յեղրս ծագաց աշխար-  
 հի . սկիզբն ամենայնի , և յա-  
 մենայնի ամենայն լումամբ , օրհ-

նեալ 'ի բարձունս . և քեզ ընդ  
հօր և հոգւոյդ սրբոյ փառք  
յաւիտեանս . ամէն :



Աղօթք հարկաւոր իւրաքանչիւր անձանց  
հաւատացելոց 'ի Քրիստոս , զոր արարեալ է  
սրբոյն Ներսէսի շնորհաւոյ հայոց կաթօ-  
ղիկոսի :

Ի աւատով խոստովանիմ և  
երկիր սլազանեմ քեզ՝ հայր և  
որդի և սուրբ հոգի , անեղ և  
անմահ բնութիւն , արարիչ հը-  
րեշտակաց և մարդկան և ամե-  
նայն եղելոց , և ողորմեա քո ա-  
րարածոց և ինձ բազմամեղիս :  
Հաւատով խոստովանիմ , և եր-  
կիրսլազանեմ քեզ՝ անբաժա-  
նելի լոյս , միասնական սուրբ  
երրորդութիւն և մի աստուա-



Տու թիւն, արարիչ լուսոյ և հա-  
լածիչ խաւարի . հալածեա 'ի  
հոգւոյ իմմէ զխաւար մեղաց  
և անգիտութեան, և լուսա-  
ւորեա զմիտս իմ 'ի ժամուս  
յայսմիկ աղօթել քեզ 'ի հա-  
ճոյս, և ընդունել 'ի քէն ըզ-  
խնդրուածս իմ. և ողոր :

Հայր երկնաւոր աստուած ճըշ-  
մարիտ՝ որ առաքեցեր զորդիդ  
քո սիրելի 'ի խնդիր մօլորեալ  
ոչխարին, մեղայ յերկինս և  
առաջի քո . ընկալ զես որպէս  
զանառակ որդին, և զգեցո ինձ  
զսլատմուճանն զառաջին զոր  
մերկացայ մեղօք. և ողոր :

Որդի աստուծոյ աստուած ճըշ-  
մարիտ՝ որ խոնարհեցար 'ի հայ-  
րական ծոցոյ՝ և առեր մարմին  
'ի սրբոյ կուսէն մարիամայ վասն

մերոյ փրկու թեան . խաչեցար  
 թաղեցար և յարեար 'ի մե-  
 ռելոց՝ և համբարձար փառօք  
 առ հայր , մեղայ յերկինս և ա-  
 ռաջի քո . յիշեա զիս որպէս զա-  
 լաղակն՝ յորժամ գաս արքայ-  
 ու թեամբ քով , և ողոր :

Հոգի աստուծոյ աստուած ճրշ-  
 մարիտ՝ որ իջեր 'ի յորդանան  
 և 'ի վերնաստուենն , և լուսաւո-  
 րեցեր զիս մկրտու թեամբ սբ  
 ալաղանին , մեղայ յերկինս և  
 առաջի քո . մաքրեա զիս վե-  
 րըստին աստուածային հրով քո՝  
 որպէս հրեղէն լեզուօք սուրբ  
 զառսքեալսն , և ողոր :

Անեղ բնութիւն՝ մեղայ քեզ  
 մտօք իմովք , հոգւով և մար-  
 մնով իմով . մի յիշեր զմեղս  
 իմ զառաջինս վասն անուանոյ-

քու մ սրբոյ . և ողոր :

Տեսող ամենայնի՝ մեղայ քեզ  
խորհրդով բանիւ և գործով .  
ջնջեա զձեռագիր յանցանաց  
իմոց , և գրեա զանուէն իմ 'ի  
դպրու թէ կենաց . և ողոր :

Քննող գաղտնեաց՝ մեղայ քեզ  
կամաւ և ակամայ , գիտու թք  
և անգիտու թեամբ . թողու  
թիւն շնորհեա մեղաւորիս , զի  
'ի ճննդենէ սուրբ աւազանին  
մինչև ցայսօր մեղուցեալ եմ  
առաջի աստուածու թեանդ քո  
զգայարանօք իմովք , և ամենայն  
անդամօք մարմնոյս . և ողոր :

Ամենախնամ տէր՝ դիր պահա  
պան աչոյց իմոց զերկիւղ քո  
սուրբ ոչ և ս հայիլ յարատ , և  
ականջաց իմոց՝ ոչ ախորժեւ լը  
սեւ զբանս չարու թեան , և բե

րանոյ իմոյ՝ ոչ խօսիլ զստու թի,   
 և սրտի իմոյ՝ ոչ խորհիլ զչարու-   
 թիւն, և ձեռաց իմոց՝ ոչ գոր-   
 ծել զանիրաւու թիւն, և ոտից   
 իմոց՝ ոչ գնալ ՚ի ճանապարհա   
 անօրէնու թեան. այլ ուղղեա   
 զչարժումն սոցա լինիլ միշտ ըստ   
 պատուիրանաց քոց յամենայ-   
 նի. և ողոր:

Հուր կենդանի քրիստոս՝ զհուր   
 սիրոյ քո զոր արկեր յերկիր,   
 բարբոքեա յանձն իմ. զի այ-   
 րեսցէ զաղա հոգւոյ իմոյ, և   
 սրբեսցէ զխիղճ մտաց իմոց, և   
 մաքրեսցէ զմեղս մարմնոյ իմոյ,   
 և վառեսցէ զլոյս գիտութեան   
 քո ՚ի սրտի իմում. և ողոր:

Իմաստութի հօր յիսուս՝ աուր   
 ինձ իմաստութիւն, զբարիս   
 խորհիլ և խօսիլ և գործել ա-

ուաջի քո յամենայն ժամ, 'ի չար  
խորհրդոց՝ 'ի բանից և 'ի գործոց  
փրկեա զիս, և ողոր :

Կամեցող բարեաց տէր կամա  
րար՝ մի՛ թողուր զիս 'ի կամս  
անձին իմոյ գնալ, այլ առաջ  
նորդեա ինձ լինիլ միշտ ըստ կա  
մաց քոց բարեսիրաց, և ողոր :

Արքայ երկնաւոր՝ տուր ինձ  
զարքայու թիւն քո զոր խոստա  
ցար սիրելեաց քոց, և զօրացո  
ղսիրտ իմ ատել զմեղս, և սի  
րել զքեզ միայն, և առնել ըզ  
կամս քո, և ողոր :

Խնամող արարածոց՝ պահեանիւ  
չանաւ խաչի քո զհոգի և ըզ  
մարմին իմ 'ի պատրանաց մե  
ղաց, 'ի փորձու թեց դիւաց, և  
'ի մարդոց անիրաւաց, և յամ  
վտանգից հոգւոյ և մարմնոյ, և ո :

Պահապան ամենայնի քրիստոս՝  
 աջ քո հովանի լիցի 'ի վերայ իմ  
 'ի տուէ և 'ի գիշերի, 'ի նստիլ  
 'ի տան, 'ի գնալ 'ի ճանապարհ,  
 'ի ննջել և 'ի յառնել՝ զի մի եր-  
 բէք սասանեցայց, և ողոր :

Աստուած իմ՝ որ բանաս զձե-  
 ուրն քո, և լնուս զամենայն ա-  
 ըրարածս ողորմու թեամբ քով,  
 քեզ յանձն առնեմ զանձն իմ,  
 դու հոգա և պատրաստեա ըզ-  
 պէտս հոգւոյ և մարմնոյ իմոյ  
 յայսմհետէ մինչև յաւիտեան,  
 և ողորմեա քո :

Դարձուցիչ մոլորելոց՝ դարձո  
 զիս 'ի չար սովորու թեանց իմոց  
 'ի բարի սովորու թիւն, և բե-  
 շեռեա 'ի հոգի իմ զսոսկալի օր  
 մահուն, և զերկիւղ գեհենոյն,  
 և զսէր արքայուէն, զի զղջացայց

'ի մեղաց , և գործեցից զարդա-  
րու թիւն , և ողոր :

Աղբիւր անմահու թեան՝ աղբե-  
րացո 'ի սրտէ իմմէ զարտասուս  
ապաշխարու թե՛ որպէս պոռնը-  
կին . զի լուացից զմեղս անձին  
իմոյ յառաջ քան զեւանեւն իմ  
յաշխարհէս , և ողոր :

Պարգևիչ ողորմու թեան՝ պար-  
գևեա ինձ ուղղամիտու հաւա-  
տով , և բարի գործով , և սուրբ  
մարմնոյ և արեան քո հաղոր-  
դու թե՛ գալ առ քեզ , և ողոր :  
Բարերար տէր՝ հրեշտակի բա-  
րւոյ յանձն արասցես զիս քաղ-  
ցրու թեամբ աւանդել զհոգի  
իմ , և անխռով անցուցանել  
ընդ չարու թիւն այսոցն՝ որ են  
'ի ներքոյ երկնից . և ողոր :

Լոյս ճշմարիտ քրիստոս՝ արժա-

Նաւորեա զհոգի իմ ուրախու-  
թեամբ տեսանել զլոյս փառաց  
քոց ՚ի կոչման աւուրն, և հանգ-  
չիլ յուսով բարեաց յօթեանս  
արդարոց մինչև յօր մեծի գա-  
լըստեան քո. և ողոր:

Դատաւոր արդար՝ յորժամ գաս  
փառօք հօր դատել զկենդանիս  
և զմեռեալս, մի մտաներ ՚ի դա-  
տաստան ընդ ծառայի քում. այլ  
փրկեա զիս ՚ի յաւիտենական  
հրոյն, և լսելի արա ինձ զե-  
րանաւէտ կոչումն արդարոց  
յերկնից արքայու թիղ. և ողոր:  
Ամենողորմ տէր՝ ողորմեա ա-  
մենայն հաւատացելոց ՚ի քեզ,  
իմոց և օտարաց, ծանօթից և  
անծանօթից, կենդանեաց և  
մեռելոց. շնորհեա և թշնա-  
մեաց իմոց և ատելեաց զթո-



զու թի որ առ իս յանցանաց, և  
 դարձո զնոսա ՚ի չարեացն զոր  
 ունին վն իմ, զի ողորմու թեան  
 քում արժանի եղիցին, և ողոր-  
 Փառաւորեալ տէր՝ ընկալ զա-  
 զաչանս ծառայիս քո, և կատա-  
 րեա ՚ի բարի զխնդրուածս իմ՝  
 բարեխօսու թեամբ սրբուհւոյ  
 աստուածածնին, և յովհաննու  
 մկրտչին, և սբյն ստեփաննոսի  
 նախավկային, և սբյն գրիգորի  
 մերոյ լուսաւորչին, և սբց առա-  
 քելոց՝ մարդարէից՝ վարդապե-  
 տաց՝ մարտիրոսաց՝ հայրապե-  
 տաց՝ ճգնաւորաց՝ կուսանաց,  
 և նմ սրբոց քոց երկնաւորաց  
 և երկրաւորաց: Եւ քեզ փառք  
 և երկրպագութիւն անբաժա-  
 նելի սուրբ երրորդութեանդ  
 յաւիտեանս յաւիտենից, ամէն:

Վասն սրբուհւոյ աստուածածնին բարեխօսութեն՝ տէր ընկալ զաղաչանս մեր, և կեցո զմեզ:

Սուրբ զաստուածածնինն՝ և զամենայն սուրբս բարեխօս աւրասցուք առ հայր 'ի յերկինս. զի կամեցեալ ողորմեսցի՝ և գլխթացեալ կեցուսցէ զարարածս իւր: Ամենակալ տէր աստուած մեր կեցո և ողորմեա:

Ընկալ տէր զաղաչանս մեր՝ բարեխօսութեամբ սուրբ աստուածածնին՝ անարատ ծնողի միածնի որդւոյքո, և աղաչանօք ամ սրբոց քոց, և որոց այսօր է յիշատակ: Լուր մեզ տէր՝ և ողորմեա, ներեա քաւեա և թող

զմեզս մեր : Արժանաւորեա գո-  
 հու թեամբ փառաւորել զքեզ  
 ընդ որդւոյ և ընդ սրբոյ հո-  
 գւոյդ . այժմ և միշտ և յաւի-  
 տեանս յաւիտենից . ամէն :

Օրհնեալ տէր մեր յիսուս քրիստոս . ամէն :  
 Հայր մեր որ յերկինս սուրբ եղիցի :

Օ հանգստեանս զաղօթս և  
 զաղաչանս ընկալ մարդասէր ան-  
 'ի հաճոյս բարերար կամաց քոց .  
 և մեր մեղաց և բազում յան-  
 ցանացն թողու թի շնորհեա . և  
 քեզ փառք յաւիտեանս . ամէն :

Փառք քեզ տէր աստուած  
 մեր , որ պարգևեցեր զօրս զայս  
 բարեաւ և խաղաղութեամբ  
 անցուցանել :

Մարդասէր աստուած՝ զառա-  
ջակայ գիշերս որ 'ի վերայ մեր  
գալոց է, 'ի մեղաց փրկեա, 'ի  
չարեաց ազատեա, և 'ի գործս  
բարիս առաջնորդեա:

Առաւօտու օրհնութեանցն և  
փառաբանութեանցն արժանի  
արա զամենայն հաւատացեալս  
անուանդ քում սրբոյ, և պա-  
հեա 'ի խաղաղութեան:

Տէր աստուած մեր՝ տուր զքո  
խաղաղութիւնդ ամ աշխարհի,  
բարձ զցասումն և զպատու-  
հասն 'ի յարարածոցս:

Ողորմեա հարց և եղբարց մե-  
րոց՝ կենդանեաց և հանգու-  
ցելոց:

Ողորմեա զեկեղեցի շինողաց,  
երախտաւորաց, պտղատուից,  
սպասաւորաց, և այնոցիկ՝ որք

քնդ հովանեաւ սրբոյ եկեղեցւոյ են հանգուցեալ :

Տէր աստուած՝ օգնեա թագաւորացն քրիստոնէից , և իշխանացն բարեպաշտից , զօրաց և զաւակաց նոցին՝ պահելով ՚ի խաղաղութեան :

Տէր աստուած մեր՝ պահեա զառաջնորդս և զեղբայրութիւնս մեր ամբողջ և անխրաով ՚ի կամս ողորմութե քոյ : Նշանաւ սուրբ և պատուական խաչիւ քոյ՝ հալածեա զերևելի և զաներևոյթ թշնամին ՚ի սահմանաց մերոց և ՚ի բնակութենէս մերմէ : Փրկեա զմեզ ՚ի հրոյն յաւիտենից , և քեզ փառք յաւիտեանս , ամէն :

( ) Ըհնեալք եղերուք ՚ի շք

նորհաց սուրբ հոգւոյն . հան-  
 դերուք խաղաղութեամբ . և  
 տէր եղևցի ընդ ամենեւեանդ .  
 ամէն :



# ԱՆՂԹԱՆԻ

Աստուծոյ Աստուածածինն՝ և աստուծոյն Սուրբն Աստուծոյ .  
 յեփ եկեացէին աստ :

ԱՍՏՈՒԱԾԱԾԻՆ ամենօրն նեալ ,  
 զպաղատանս մեր ըն կալ .  
 'ի հանգստեան ժամուս հա սեալ ,  
 առ քեզ գոչեմք անձամբ թախ ծեալ :  
 Բանին կենաց բարձող ե ղեր ,  
 զաստուած մարմնով պարագրե ցեր .  
 առ բանն աստուած բարեխօս լեր ,  
 'ի փորձանաց ըզմեզ փրբ կել :  
 Գովեալ ես դու փայտ փրկութեան ,  
 ամենօրն նեալ յաղթող նը շան .  
 'ի գիշերիս ըստուերա կան ,  
 ծագեա մեզ զլոյսդ արփիա կան :  
 Դողան 'ի քէն գունդք խաւա ըին ,  
 ամենահրաշ զէն արար շին .  
 ըզմեզ պահեա շնորհիւ քոյ ին ,  
 'ի գիշերիս ազջամբղ ջին :  
 Երկատառան ոտբբ առա քեալք ,  
 եօթանասուն աշակեր տեալք :

յանձառ. լուսոյն լոյս անուա նեալք  
 որթոյն կենաց պրտղաբե բեալք :  
 Չձեղ աղաչեմք արտասուա գին  
 և պաղատիմք կողկողա գին :  
 վանիչ լերուք դիւաց գլն գին :  
 ոչ մերձենալ առ մեզ շա բին :  
 Եին ընտրեալք բանին կե նաց  
 դումարք դասուց տեսանո դաց :  
 որք զսոսազայն ժամանա կաց :  
 դուշակեցիք հոգւով շնոր հաց :  
 Ընդ մեզ լերուք աղօթա կից :  
 որք աստուծոյ էք խօսա կից :  
 փրօկել ըզմեզ 'ի վտան գից :  
 'ի յարթնութեան և յերազ զկց :  
 Թագաւորին երկնաւո բի :  
 Երկրպագող 'ի յարգան գի :  
 մեծ կարասկետ սուրբ ամլոր գի :  
 միջնորդ կենաց և օրի նի :  
 Ժամանեա մեզ 'ի յօգնու թիւն :  
 ղի մի մտցուք 'ի փորձու թիւն :  
 մաքուր մարմնով լինիլ 'ի բուն :  
 արդար հոգւով մնալ ար թուն :  
 Ի քէն հայցեմք արտասուա գին :  
 նախապկայ տեսուն արար շին :  
 սուրբ ստեփաննոս բացող զեր կին :  
 տեսող գոփսուս յաջմէ ծնա զին :



Լեր բարեխօս արեամբ քոյ	ին ,
տալ մեզ հանգիստ 'ի յանկո	դին .
արթուն լինիլ յառաւօ	տին ,
բարեբանել զլոյսն անքըն	նին :

Խնդրեմք 'ի քէն հայր պատուա	կան ,
լուսաւորիչ ազգի մարդ	կան .
տէր սուրբ գրիգոր պետ պարթեւ	եան ,
լեր մեզ պարիսպ և պահա	պան :

Տընողաբար 'ի մեզ գը	թա ,
զցրուեալ որդիքս քո ժողո	վեա .
յուրախուծիւն ըզմեզ կո	չեա ,
և 'ի բարին առաջնոր	դեա :

Կենդանաբար թագաւո	րին ,
դուք ճշմարիտ զինուորք նը	մին .
սուրբ մարտիրոսք վըկայք փրբի	չին ,
որք յաղթեցիք զթըշնա	մին :

Հօրն լուսոյ միշտ մաղթե	ցէք ,
ղորդին ընդ հօր աղաչե	ցէք .
հողւոյն շնորհօք մեզ օգնե	ցէք ,
'ի բանասարկուէն զմեզ թափե	ցէք :

Չիւնափայլեալ երամբ ընտ	րեալ ,
ճրզնաւորաց դառք երա	նեալ .
թռչնոց երկնից էք նմա	նեալ ,
յայրս և 'ի ծերպլըս բընա	կեալ :

Ղօղեալ հողւոց մեր 'ի մար	մին ,
լերուք պարիսպք ընդդէմ չա	րին .

զի յաղթեացուք հահառա  
խորտակելով ըզզէնս նո

կին :

բին :

Ճրագունք վառեալ լուսով 'ի  
սուրբ կուսանաց դասք երա  
արժան եղեալք առագաս  
և անթառամ սուրբ պրսա

լի :

մի :

տին :

կին :

Մեզ բարեխօս լերուք սի  
առ տէր յիսուս աղերսե  
'ի փորձանաց զմեզ փրկե  
յանչէջ հրոյն ազատե

բով :

լով :

լով :

լով :

Յանեղ լուսոյ աստուածայ  
լուսոյ ստեղծեալք բանիւ նո  
զարդարեցայք հոգւով շնոր  
դասք իննեկի զօրք երկնայ

ին :

բին :

հին :

ին :

Նախախնամել զմեզ փութաս  
և յօգնութիւն առ մեզ հաս  
որ յաստուծոյ հրաման ա  
ով ճշմարիտ մեր սիրե

Չեք :

Չեք :

ուիք :

լիք :

Շքնորհատու ազգի մարդ  
տէր մեր յիսուս անբրննա  
ըզմեզ պահեա միշտ անսա  
տատի մինչ յօր քո գալըս

կան :

կան :

սան :

տեան :

Ողորմութիւն մեզ պարգեւ  
զհիւանդ հոգիս մեր բրժբշ  
'ի բանսարկուէն ըզմեզ փրք  
և 'ի չարեաց անխորձ պա

եա :

կեա :

կեա :

հեա :

Չար իշխանքն խաւա րին ,  
 որք ընդ ծառայս քո մարտն չին .  
 քո նըշանաւ սրբոյ խա չին ,  
 աներեւոյթ կործանես ցին :

Պարզեւիչ բարեաց մարդ կան ,  
 ամենառատ յամենե ական .

պատրաստեցո մեզ անխա փան ,  
 զպէտս հոգւոյ և մարմնա կան :

Զուր շքնորհեա ինձ արտաս ուաց ,  
 զի լուացից զգործքս շա րեաց ,  
 արժան եղէց քոց հարսա նեաց ,  
 ընդ իմաստուն սուրբ կուսա նաց :

Ահա՛ բարի իմ տէր յի տուս ,  
 և հաց կենաց սովեալ հոգ ւոյս ,  
 առաջնորդեա մղորե րցս :

և կերակրեա զմիտս ընդ մարմ նոյս :

Սրբեա զհոգիս յաղտոյ մե զաց ,  
 ՚ի զանազան շար փորձա նաց ,  
 տուր ինձ գնալ ըստ քո կա մաց ,  
 զի արժանի եղէց փա ուաց :

Վիրաւորեաց զիս թըշնա մին ,  
 այն որ չկամի զկեանս մարդկոց ին ,  
 զիս բըժըշկեա տէր երկնայ ին ,  
 լուսաւորեա լուսով քոյ ին :

Տրտմեալ հոգւոյս լեր ըսիս փիչ ,  
 շաւած մարմնոյս լեր դարմա նիչ :

մոլար մըտացըս լեր ուղ  
ամենառատ բարեաց տը

Բամից սրբոց աղաչա  
իննեակ դասուց հրեղէն զօ  
առաքելոց քոց սիրո  
մարդարեից տեսանո

Տանկալի հայրապե  
և երջանիկ վարդապե  
արիւնաներկ մարտիրո  
և գերագոյն ճրգնաւո

Իլսապըսակ սուրբ կուսա  
որք փեսայիդ սպասեն վա  
և ամենայն մարութ ան  
հետեւողաց քոյին կա

Փրբկեա զհողիս ՚ի տանջա  
ղաղբատեսիլ յանքուն որ  
լսել տուր զձայն քո աւե  
զոր խոստացար քոց սիրո

Քեզ հօրդ փառք միշտ առաքեմք  
զարդիդ ընդ հօրըդ դաւա  
ըզհոգիդ սուրբ բարեբա  
երրօրդ ութեանդ երկըրդա

152

0014996

2013

2001





